



6

3-D

76 H

6

11

26

~~6-3-D-76~~

22  
D  
66

22  
D  
10

75  
E  
10 61







IVSTI RYCQVII  
CANONICI GANDAVENSIS,

CIVIS ROMANI,

DE

ANNO SECVLARI

IVBILEO

SYNTAGMA:


in quo

*Plurima SACRÆ ANTIQVITATIS eruun-  
tur, explicantur, & illustrantur.*

AD SANCTISS. D. N.

VRBANVM OCTAVVM

P. O. M.



ANTVERPIÆ,

Apud Guilielmum à Tongris.

Anno CLC. IXC. XXV.

THE  
LIBRARY OF THE  
MUSEUM OF NATURAL HISTORY  
LONDON

NO. 1000  
1875

TO THE  
MUSEUM OF NATURAL HISTORY  
LONDON



SACROSANCTÆ  
ECCLESIAE  
ROMANÆ--CATHOLICÆ  
VNICÆ. ET. ELECTÆ.  
IESV-CHRISTI  
DEI. AC. DOMINI. N.  
SPONSÆ,  
SANCTISSIMI  
INDVLGENTIAR. AC. REMISSION  
THESAVRI  
FIDELISSIMÆ CVSTODI  
ET  
BEATISSIMO. PATRI  
SACRATISSIMOQ. PRINCIPI  
VRBANO OCTAVO  
PONT. OPT. MAX.  
EIVSDEM. DEI. AC. DOMINI. N.  
IN. TERRIS. VICARIO  
EIVSDEMQ. THESAVRI  
FIDELISSIMO. DISPENSATORI  
NOVI. SECVLI. IVBILEI. CONDITORI  
COMMENTARIVM  
ISTVD. SCRIBEBAT  
D. D.  
IVSTVS RYCQVIVS  
DEVOTVS  
HONORI. MAIESTATIQ. EORVM.

# SIRENÆVS

## LIBRO III.

ADVERSVS VALENTINVM,

D E

ROMANA ECCLESIA.

AD. HANC. ENIM. ECCLESIAM  
PROPTER. POTENTIOREM. PRIN-  
CIPALITATEM. NECESSE. EST. OM-  
NEM. CONVENIRE. ECCLESIAM.  
HOC. EST. EOS. QUI. SVNT. VN-  
DIQVE. FIDELES. IN. QVA. SEM-  
PER. AB. HIS. QUI. SVNT. VNDI-  
QVE. CONSERVATA. EST. EA. QVÆ.  
EST. AB. APOSTOLIS. TRADITIO.

ILLV-

ILLVSTRISS.  
A C  
REVERENDISS. D.  
D. FRANCISCO  
BARBERINO  
S. R. E.  
CARDINALI AMPLISSIMO.



*Xpriment alij alia Honesta-  
tis aut Vrilitatis exempla*  
FRANCISCE, CARDINA-  
LIS ILLVSTRISIME, ego  
*apud CÆLESTES PRIN-*  
*CIPES celestia imitari co-*

*nabor. Sicuti enim DEVM accessuri Diuum*  
*aliquem piè adhibemus, precum nostrarum*  
*internuncium futurum; ita Libellum hunc,*  
DEI VICARIO SANCTISSIMO offeren-  
*dum, prius ad Te mittere placuit, ut inter-*  
*cessoris ei vice fungereris. Quod etsi saluâ*  
*Dignitate Tuâ petere non liceat, per Huma-*  
*nitatem tamen, quam incredibilem in Te*  
*omnes experiuntur, impetrare forsitan licebit.*  
*Enimuero si frontis nostræ teneritudinem*  
*respicio, & doni ipsius tenuitatem, magno ali-*

EPISTOLA DEDICATORIA.

quo Patrocínio indiget ut tanta Maieſtati  
repreſentetur: ſi facti ipſius impudentiam,  
nec veniam fortè merebimur, nec fauorem. Sit  
tamen RYCVIVS impudens, ſit *αργόδιαιτος*,  
& inurbanus; dum per Te VRBANO illi  
MAGNO concilietur, cuius Fauorem impe-  
trâſſe, præ regno & diademate, vel modèſtiſ-  
ſimus quiſque exiſtimauerit. Accedebat alte-  
ra cauſſa inſcripti in Titulum AVGVSTI  
TVI NOMINIS. Vindicas enim tibi omnia  
mea, ſicut ipſum Me nexu & mancipio pri-  
dem Tibi vindicâſti. Quid dico odioſa illa  
nomina, & ergaſtulum ac ſeruitutem redo-  
lentia? Amabili potiùs Parentum Iure  
TVVM eſſe voluiſti, quicquid è Minerua  
noſtra fætu olim eſſet proditurum. Eximia  
certè ea Beneuolentia quam Litteris, ea-  
rumq; ſtudioſis, in ampliſſimâ fortunâ ha-  
tlenus impendis, ad id omnes Muſis opera-  
tos *τρογγύην* quodam adfectu Tibi obſtringit,  
ut Barbari nomen mereatur, qui id neſciat;  
Impij, qui obliuiſcatur, aut neget. Illuſtre ſci-  
licet ac domeſticum SACRATISSIMI PRIN-  
CIPIS exemplum laudabiliter imitatus, cuius  
Aula, velut Prytaneum; cubiculum, Miner-  
ua ſacrarium; peſtùs, Eruditionis ac Sapien-  
tiæ Templum; vita denique omnis, Innocen-  
tiæ ac Virtutis lucidiſſimum ſpeculum, fuit.

*Ut non sine eximio Natura ac Diuina Lar-  
gitatis miraculo, alterum in altero vigere,  
mutuisq; Virtutibus efflorescere, Generis Hu-  
mani censura fateatur. Huius Benignitatis  
cum me, hominem licet imi subsellij, in PV-  
BLICA FELICITATE exsortem esse nolue-  
ris; sed eas in me Beneuolentia Tua striclu-  
ras emisseris, qua pleniores radios presagire  
videbantur; ingratus certè essem, & ineptus,  
nisi quantum in me studij, facultatis, ingenij,  
opum est, communi formulâ, TIBI, AC SAN-  
CTISSIMO PATRVO, DICAREM, ET  
CONSECRAREM. Quod nemo displicere  
posse SAPIENTISSIMO PRINCIPI credide-  
rit, qui modò insigne eius de Te præiudi-  
cium non ignorârit. Collato enim propria  
PURPURÆ Honore Virtutes Tuas, quas olim  
nascentes aluit, & alendo formauit, vniuerso  
Orbi æstimandus, omniq; officiorum genere  
venerandas, proposuisse cognoscet. Quam Di-  
gnitatem nequis Necessitudini datam, aut  
immaturis annis festinatam calumniari au-  
deret; grauissimis dein curis admotum pa-  
rem Te iis ornamentis ostendit, quæ, vel si  
necessarius non fuisses, impetrare eâ etate à  
cordatiore quouis Principe poteras. Eâ igitur  
fiduciâ erectus Commentarium hoc, quod Iu-  
re PONTIFICIS MAXIMI est, cuius hîc*

EPISTOLA DEDICATORIA.

*Iura & ECCLESIAE defendimus ; Tuum  
etiam Merito ac Libentia, GEMINAE AV-  
CTORITATI L. M. INSCRIBO , DEVM  
obsecratus, ut iste quod Ritu Christiano IUBI-  
LEVM condet SECVLVM feliciter expleat,  
& Tibi, vel de nostris Annis, Annos ad  
vitam quamplurimos adjiciat . Sic vouebam  
apud Belgas XV. Kal. Octob. M. DC. XXIV.*

ILL<sup>MAE</sup>. AMPLITVDINI TVÆ.

ÆTERNVM CLIENS,

IUSTVS RYCQVIVS.



BENEVOLE  
ET  
CHRISTIANE  
LECTOR.



Nihil minùs in animum induxeram quàm de ANNO IUBILEO aliquid commentari: quòd eam diuinis studiis reuerentiam semper exhibui; vt ea illotis manibus non temerè adeunda, aut imperitià cuiusquam profananda, hactenus existima-uerim. Excitatus tamen exemplo fui V.C. STEPHANI VINANDI PIGHII, qui in aureolo, quem HERCVLEM PRODICVM, inscripsit, Libello viam ostendisse videbatur, quà pedem cuius ruto figere liceret per illa alta & *auia* MYSTERII IUBILEI, *nullius antè*, è Musæ nostrâ classe, *trita solo*. Hunc ego virum cùm scirem omnem ætatē in ROMANÆ HISTORIÆ, ac Transmarinarum Elegantiarum, cognitione transegisse, neque ab hoc argumento abhorruisse;

*Lucres.*

† s

mihi

mihi quoque similibus studiis, ac non pari successu, hæctenus occupato, aliqua eius paullò diffusius explicandi voluntas incessit. Huc accedebat Amicorum stimulus, & cohortatio, neminè è Belgis nostris fuisse qui seriò rē istam egisset: eos quoq; qui alibi scripsissent, etsi viros præclarissimos, aut tam prolixè, aut scholastico adeò more in eà esse versatos, ut plerosq; qui vel occupationes, vel delicatioris paullò gustus essent, à sui lectione arcuisse viderentur. Quibus eò libètiùs exorari me sum passus, quòd aliqua hìc passim tractàda occurrerant quæ nō primi ordinis Senatorem in suffragio ferendo, sed è minore sub-

sellio velut *abortionum* interdū requirebant. Vbi verò quid sublimius occurreret, eò legentem dirigi posse vnde oraculum acciperet, vel è Theologorū *τῶν* *πρώτων* scriptis succidaneam vocem posse implorari. At quid facerem? instās erat iam ANNI SACKI tēpus, & profectio in Urbem denuò suscipiēda pauculos studiis menses, immò hebdomadas, reliquas faciebat. Nihil in scriniis congestum quod huc faceret, nihil in aduersariis collectū, quod subsidio esse posset.

... 77.  
Ostans  
6.35.

excellen-  
tium.

set. Subsidium itaque omne in festinatione fuit: quæ quā periculosa sit in Ingenij rebus è sententiâ Appuleianâ discimus, *Non posse quidquā unâ & Celeritatis gratiam habere, & Perfectionis.* Solis id fortunatis contingere quondam credidit

Græcia, quæ τὰ τῶν ἐπιτυχόντων παίδων τέλειμα trimestres felicitium partus.  
prouerbio celebrauit. Sicuti ergo CÆSAR, Ducum expeditissimus, celeritatē

confecti belli tribus verbulis denotauit, VENI, VIDI, VICI; ita mihi de Scripto Sueton. Cesare Plutarco. in eius Vita.  
hoc meo adeò festinato pronuntiandū puto. CONCEPI, CONSCRIPTI, CONFECI.

Sciunt enim Amici, qui omnia meā norunt, adeò præproperè ac festināter  
ἐπιτάγμα istud à me conscriptū, vt eadem operā concinnandum & absoluendū, & operis Typographicis, in pēsa cottidiana, distribuendum fuerit. Quæ tamen non sic accipi à quoquam velim, quasi vel Ingenij laudē excusatione illā quarā, vel celeritatis prætextu Coronam ex Olympicis auferre coner; sed id potius, si quid mihi vitij vel erroris exciderit, vt sanè homo sum, & humanè labi possum, eò facilius veniam apud candidiores & æquiores Iudices impetrem, quò minus rebus necessarius in-

structus

structus ad scribendū accessi. Neq; hoc  
 filendum fuit Sectariorum quorundā  
 causā, qui cū aliquid in hoc genere à  
 quoquam nostræ conditionis homine  
 editum vident, velut HERCVLEM, vel  
 ACHILLEM, aut ( si nostris exemplis vti  
 malimus) DAVIDEM quemdam <sup>αγούχον</sup>  
 vniuerso partium nomine delectū, pro-  
 1-Reg. 17 dire credunt, qui Regiā armaturā in-  
 structus in campum veniat, bella popu-  
 li Israel aduersus Philisthæos depugna-  
 turus. Sincerè hoc, si quid vñquam, di-  
 co & scribo, sancteque de iero, priuatā  
 operā & auctoritate prouinciam hāc à  
 me susceptam : meos esse istos *lapides*, è  
 sicco Ingenij nostri *torrente* desumptos:  
 meam hanc operam, meum scriptum,  
 atque institutum. Et sanè, vel me tacē-  
 te, ECCLESIA hoc vniuersa proclamat,  
 tot clarissimis Ingeniis distincta, tot  
 Immortalium Virorum scriptis, in hoc  
 etiam argumento, ditata, vt ego in tātā  
 luce vix Vmbræ locum, aut inter tot  
 Aquilas vix graculi nomen inueniam.  
 Mea ergo vitia sint, mea quæ parum si  
 fortè caui <sup>σφάλματα</sup>

erata.

*Æneid. 9*

\_\_\_\_\_ in me conuertite ferrum,  
 O Rutuli.

Si

Si quid tamen paullo rectius etiam sic  
 præcipitanti exciderit, Deo sint gratiæ,  
 omnis Sapientiæ auctori; & ECCLESIAE;  
 cuius Honorem vitâ ipsâ chariorē ha-  
 beo, decus & utilitas. Et hæc quidē de  
 instituto nostro satis; nunc de Opere  
 ipso ac Styli caractere paucula mone-  
 bo. Opus totum in XXV. Capita parti-  
 tū est, vt, vel ipsâ Diuisionis methodo,  
 quoto ANNO IUBILEO conscriptus sit,  
 Liber ostendat. SYNTAGMATIS nomen  
 pro titulo habet: non quidē *ἀντίκτυπος* meo inueni-  
 iudicio, in variâ istâ ac miscellaneâ rerū *στή*.  
 diuersissimarum *ὑποτάξεις*; in quibus nihil *compositione*.  
 magis laborandum, quàm vt ordine  
 quæq; suo, ac serie, disposita habeantur.  
 Breuitatem in eo nostrâ fortē quidam  
 culpabunt; sed sic corrigere aliorū pro-  
 lixitatē volui: atq; idē subinde hanc  
 spontaneam, subinde necessariā, fuisse  
 experiētur. Quædam namque de indu-  
 striâ breuius posuimus, iam toties vul-  
 gata, ac scripta, neq; sine tædio aut nau-  
 seâ legentium repetenda: alia, si licuis-  
 set, paullo diffusius explicare voluntas  
 fuerat, nisi librorum supellex (quos ma-  
 gno ad scribendū adiumento esse docti  
 nōrunt) volentem destituisset, Ex tato  
 enim

in femi-  
tas.

maxime  
procliue  
ad iudi-  
candum.

enim Scriptorum numero, qui in Italiâ,  
& alibi, de ANNO SACRO Commenta-  
rios ediderunt, vix vnum & alterum  
inspiciendi mihi facultas fuit. RUTILII  
certè BENZONI, EPISCOPI LAVRETANI  
laudatissimū in hac re volumen, etsi di-  
ligenter acquisitū, nancisci non valuī:  
quod sanè præclaro nobis vsui atq; or-  
namento esse potuisset, digitumq; ue ad  
ea intendisset, quæ nūc aliqui esse præ-  
termissa fortassis indignabuntur. Hoc  
igitur infortunij nostræ quoq; scriptio-  
ni accessit: quò minùs mirādum si, sine  
Mercuriis Vialibus, *ἐν ἀρχαῖς* subinde de-  
clinauerim. De Stylo nostro, vel Scri-  
ptionis charactere, varia etiam iudicia  
erunt, vt Censorium planè, immò *κατὰ  
καύτην* hoc seculum est; aliis Barbariem,  
ac negligentia, aliis nitorem nimium;  
ac inustos quasi calamistros, obiciēti-  
bus. Istis, si Barbariem esse putant con-  
ceptis ac solennibus Ecclesiæ Christi-  
anæ vocibus vri; bonum factū si sic Bar-  
barus esse iudicabor. Viderint illi, an  
elegantissimum mortalium omnium  
MURETVM barbarum fuisse putent, qui  
ineptum esse credidit, & intolerādum,  
in re Christianâ aliis quàm receptis vo-

cibus vti Eamque doctrinam quam in *Variis Lectionibus* tradiderat, ipse passim, cum res tulit, in politissimis suis scriptis obseruauit. Quod si ea Romanorum Veterum religio fuit, vt in vanis sacris & *Amulas*, & *Sympuua*, & *Secepsitas*, & *Hornas Fruges*, & *Fordas Boues*, aliaque innumera Pompiliani æui verba, seuerissimè retinuerint; an Christiana auris tam delicata erit, vt in vero Dei cultu *Sacramenta*, *Confessiones*, *Pœnitentias*, *Satisfactiones*, *Indulgentias*, & quæ his similia, audire perhorrescat? Valeat potius profana omnis Eloquentia quàm vt seruire sibi Ecclesiam velit. Alibi disertissimus aut nitidi; cum Sacra nostra tractanda sunt, propriis & expressis Sacrorum formulis vtamur. In his summa Barbaries est nimiam Elegantiæ laudè affectasse. Si quis tamen hoc etiã nomine me accusandum putet; ferã patiēter, conscientiam meam contentus, rationibus etiam illis quas amicis meis exposui, cur non incomptam Veritatem, vt hodie multi; sed quodam styli lenocinio subinde adumbratam, in Theatrum produxerim. Euentus fortè ostendet non infructuosum hoc scribendi genus

nus esse, multosque qui scholasticâ au-  
steritate à Sacris nostris deterrentur,  
hoc veluti mulso propinato molliores  
fieri, & (quod Deus ille Magnus con-  
cedat) fortè meliores. Vale.

## A P P R O B A T I O.

**Q**uòd præsentì Syntagmate in Capita XXV.  
partito, IUBILAEI cùm VETERIS, siue  
HEBRAEORVM, tum NOVI CHRISTIANO-  
RVM, VERI insuper ac MYSTICI, Originem,  
Causas, Formulas, Religionem, Prærogativas, Sym-  
bola, verumq; sensum, & alia pleraq; SACRAE AN-  
TIQVITATIS, ad Argumenti istius non ita passim  
obuij elucidationem facientia, è locuplete [quod ety-  
mon cognominis importat] eruditionis suæ, aliorumq;  
Scriptorum penù sedulo deprompserit IUSTVS RYC-  
QVIVS Canoniceus Gandauensis, & iuxta historicam  
veritatem solide illorum tractationem deduxerit:  
Dignissimū censeo, quòd sub patracinio SANCTISS.  
D. N. VRBANI VIII. postquam imminentis IUBILAEI  
solemnia nuper indicta, & propediem per  
illum celebranda veniant, oportune in lucem pro-  
deat, præloq; conceptum, omnium, quibus Sancti Iubi-  
lai Religio cultusq; cordi sunt, manibus versandum  
proponatur. Datum Antuerpiæ in Seminario Episco-  
pali IX. KAL. OCTOB. ANNO M. DC. XXIV.

Laurentius Beyerlinck S. T. L. Canon.  
& Archipresbyter Eccles. Cathedral.  
Antwerp. & Librorum Censor.



# I V S T I R Y C Q V I I

## D E A N N O S E C V L A R I I V B I L E O S Y N T A G M A.

### C A P V T I.

*Dies, Mensis, Annus Septimus sacer apud Hebraeos: item Annus Septies-septimus. Sabbatum, & Anni Sabbatici. Iudaei dicti Sabbatarij. Plutarchi, Taciti, Dionis, Appionis, Lactantij de Sabbato error. Septenaria Hebraorum FERIA à calumniâ vindicata.*

**S** V M M V M I L L V D E T I N -  
E F F A B I L E N V M E N , c u -  
i u s N a t u r a b o n i t a s e s t ; c o n s i l i u m ,  
S a p i e n t i a ; i n t e r c æ t e r a p r æ c l a r i s -  
s i m a i n s t i t u t a , q u i b u s p o p u l u m  
e l e c t u m a d o m n e m r e l i g i o n e m a c h u m a n i t a t e m  
c o n f o r m a v i t ; a d m i r a b i l i & a r c a n â q u a d a m r a -  
t i o n e S a p i e n t i b u s v s u m v i d e t u r , c ũ m N u m e r u m  
S e p t e n a r i u m a d e o s a n c t u m d i u i n u m q u e r e d d i -  
A d i t ,

dit, vt pleraſque Legis cærimonias eo definierit, & omnem ferè temporum ſeriem eius canonè ac menſurâ concluderit. De die enim Septimo Exodi xx. ita ſancitum eſt: *Memento vt diem SABBATI ſanctifices. Sex diebus operaberis, & facies omnia operata tua, SEPTIMO autem DIE SABBATVM DOMINI DEITVIES T.* quod ipſum ſæpè alibi in Diuinis litteris repetitum legitur. Menſe autem Septimo, quem Romani à numero SEPTEMBREM, poſteriores Hebræi TISRINominârunt, Feſtum *Tubarum* die eius primo; Feſtum *Expiationum*, ſeu *Propitiationis*, decimo; Feſtum τῆς σκηνοπηγίας, ſiue *Tabernaculorum*, decimo & quinto eius die ſolemniter celebrari iuſſa. Addunt Rabbini *Encania*, ſiue *Dedicationem Templi Salomonis*, ſed quòd ea Diuinis præceptis nuſquam indicta ſit, inter arbitrarías religiones potiùs, quàm ſtatas, aut annales, habenda. Diem & Menſem conſecratum Septimus Annus excepit, non minore curâ à ſupremo Legislatore populo commendatus, & SABBATICS proinde, ſiue *Terra Sabbathum*, ab illius ἀπαύρεσι ſiue ceſſatione, nuncupatus. Illum Leuit. xxv. his verbis præceptum habemus: *Sex annis ſeres agrum tuum, & ſex annis putabis vineam, colligeſque fructus eius; Septimo autem anno Sabbathum erit Terra requietionis Domini: agrum non ſeres, & vineam non putabis, qua ſpontè gignet humus, non metes, & vuas primitiarum tuarum non colligeſ; quaſi vindemiam; annus enim requietionis terra eſt, ſed erunt vobis in cibum. Hanc Terra requietionem, & ſeptennalem Sabbathiſmum, Iosephus elegantè vocabulo ἀστίρι τῆς γῆς appellauit: quo, iuxta*

Gramma-

Genopegia.

Lib. 3. An.  
410.

Grammaticos, otium, remissio, quies, indulgentia, significatur. Meminit Anni huius septimi cuiusque ἀνάστασις Corn. Tacitus, ubi de Iudæorum Legibus ac Religione agit; sed more suo, impie & acerbè: *Septimo die* (inquit) *otium placuisse ferunt*, quia is finem laborum tulerit; deinde blandiente inertia septimum quoque annum ignavia datum. Meminit quoque S. C. Cæsariani temporis apud Fl. Iosephum, his verbis: **Τ. ΚΑΙΣΑΡ, ΑΥ-**

lib. lib. 1. 4.

**ΤΟΚΡΑΤΩΡ ΤΟ ΔΕΥΤΕΡΟΝ, ἔστη καὶ ἐνταυτῶν ὅπως τιλῶσιν ὑπὲρ τῆς ΙΕΡΟΣΟΛΥΜΙΤΩΝ πόλεως, ΙΟΠΠΗΣ ὑπεξαίρεμένης, χωρὶς τῆ ἰσθμοῦ ἑταυρ, ὃν ΣΑΒΒΑΤΙΚΟΝ ἐνταυτῶν προσαγορεύουσιν, ἐπειδὴ ἐν αὐτῷ μὴτι ἀπὸ τῶν δεινῶν καὶ κέρποι λαμβάνουσι, μὴτι σπείρουσι.** Hoc est: **C. C. ALEX-**

**SAR IMP. ITER.** statuit, ut cotannis tributum pendant Hierosolymitani pro sua ciuitate, Ioppe exceptâ, absque Anno septimo, quem **SABBA TICVM** nominant: quod in eo nec fructus arborum legant, nec seminent. Enimuerò plurima Israëlitis Anno sacro Sabbatico priuilegia concessa, quæ Moses Deuteron. c. xv. sigillatim enumerat: *Septimo* (inquit) *anno facies REMISSI ONEM*, qua hoc ordine celebrabitur: Cui debetur aliquid ab amico, vel proximo, ac fratre suo, repetere non poterit. A peregrino, & aduenâ exiges, ciuem & propinquum repetendi non habebis potestatem: & omnino indigens & mendicus non erit inter vos. Fœnerabis gentibus multis, & ipse à nullo accipies mutuum. Et paucis post verbis: Cùm tibi venditus fuerit frater tuus Hebraus, aut Hebræa, & sex annis seruierit tibi, in septimo anno dimittes eum liberum, & quem libertate donaueris, nequaquam vacuum abire patieris, sed dabis viaticum de gregibus, & de

Per excel-  
lentiam.

myfteriorum  
plurimum.

Isa. 6. 3.  
Isa. 6. 3.

Gen. 3.

Lev. 7. 6. 14.

vid. apparen-  
te remissionem  
queritur.

area, & de torculari tuo. Annum septimum subse-  
cutus est Annus septies septimus, κατ'ἰξοχὴν SABBATICVS, & à multiplici indulgentia, priui-  
legio, ac sanctificatione יָרֵבֶּל, id est, IOBELVS siue IOBELEVVS dictus, quem statis  
vicibus recurrentem, &, Monade ad Septem  
Annorum Hebdomadas mysticè adiectâ, in  
Quinquagesimum quemque Annum inciden-  
tem, diuinâ auctoritate celebrârunt. De cuius  
anni festiuitate ac cærimoniâ cùm deinceps pro-  
lixius dicturus sim, sufficiet heic eius institutio-  
nem è Leuitici, μουσικατὰν operis, capite xxv.  
adnotasse. Ait ibi Dominus: Numerabis quoque  
tibi Septem Hebdomadas annorum, id est, Septies  
septem, quæ simul faciunt annos xlix. & clanges  
buccina mense septimo, decima die mensis, Propitia-  
tionis tempore in vniuersa terra vestra, sanctificabis-  
que Annum Quinquagesimum, & vocabis REMIS-  
SIONEM cunctis habitatoribus terra tua, ipse  
enim est IVBILEVS. Nihil igitur mirum si à  
tam multiplici Sabbatino SABBATARIUM  
per contumeliam Hebræi apud profanos voca-  
rentur. Porro venerandum SABBATI nomen  
à שַׁבָּת id est, quiescere ac laborem remittere, de-  
ducitur; mystico Diuinæ cessationis à Munda-  
næ creationis opere, in die septimâ, argumento.  
Lactantius tamen Firmianus arcano illo Numi-  
nis consilio perpenso, quo tantam SEPTENARIO  
dignitatem indidit, ab eodem numero, SEBA  
Hebræis dicto, SABBATVM formandum puta-  
uit: quodd cùm ex ipsâ Hebraicâ linguâ quæ ta-  
lem formationem respuit, & Scripturæ sacræ  
testimonio refellatur; nos οὐδὲ παρ'ἑῶς ἀλλοτρίως ἐξ-  
τιμῶμεν.

τιμῶμεν.

τῆς αἰ. Ridiculus magis in SABBATI etymo Plu- Sympt. 9.  
3. 3.  
 tarchus, curiosus alioqui scriptor, qui aliquid suo-  
 rum διουσιανῶν Iudæis affricare contendit, quasi  
 Διούσιου seu BACCHI cultores fuissent in Sabba-  
 tis, quod illius Sacerdotes Græci σαββας vocent,  
 illosque in furorem incitados ἀσέβησιν pati dice-  
 rent. Præterea quod circa Sabbati Festum Iu-  
 dæi largiusculè poculis se inuitarent, illis que sum-  
 ma poenarum esset usu vini interdici. Neque du-  
 bito quin & ζαβατίου Bacchi cognomen illhic  
 posuerit, quod tamen in exemplari lacunoso, vt  
 asterisci indicant, intercidit: cuius cognomenti  
 Aristophanes, eiusque Scholiastes, Orpheus in  
 Hymnis, Macrobius lib. 1. Saturn. Appul. lib. x. r.  
 Metamorph. Suidas in hac voce, & alij memi-  
 nere. Sic enim dictum Liberum volunt ἀπὸ τῆς  
 θύρας quo Thracæ in Bacchicis vterentur, θυοῖ, Sacrâ incla-  
matione.  
 σαβῶν. quod & ipsum inclamitasse Æschinem in  
 matris comitatu vlulantem Demosthenes in In-  
 uectiuâ ei obiicit. Meminit Ζαβατίου πορνείων vt  
 valdè inhonestorum Clemens Alexandrinus in  
 Protreptico. Meminit & Harpocraton filij ipsius  
 Liberi, Mnascâ Patarensi auctore ZABAΣΙΟΥ  
 cognominati. Quin & Iouem aliquem hoc co-  
 gnomento cultum indicant veteres lapidum in-  
 scriptiones, & Valerius lib. 1. cū ait: *Senatus, qui  
 Zabasi Iouis cultu simulato mores Romanos inficere  
 conati sunt, domos suas repetere coegit.* M. Tullius,  
 lib. 11. de legibus, Iouem Zebasium vocat, me-  
 mor eiusdem in eo eiiciendo Romanæ seuerita-  
 tis. Nec minore temeritate Plutarchus, quàm  
 SABBATI nomen tentauit, LEVITARVM appel-  
 lationem attigit, &, vt nihil fabulæ Bacchicæ à

se confictæ deesset, à Lycio vel EVIO, Bacchi cognomentis, illam repetendam putavit. Neque minus inepta sunt quæ à Dione Cocceiano, & Cornelio Tacito, adferuntur de Sacrosancto illo die, quasi *Saturni feriis* dicatum Iudæi habuissent, quòd apud Græcos ac Romanos eâ die Saturnus coleretur. Ridiculum etiam, & meritò à Iosepho sublannatum, commentum Appionis, qui Hebræos sex dierum itinere confecto, peste inguinariâ correptos scribit diem septimam subsistere coactos: qui morbus *Ægyptiis Sabbatosis* diceretur. Venia tamen fortalsè aliqua danda hominibus Sacræ linguæ & Historiæ planè imperitis, cùm nullibi ferè profani Scriptores magis delirârint, quàm cùm in sacra & leges gentis sacræ, velut in scopulos & Acroceraunia ignari nautæ, impeerunt. Nequis igitur cum Tacito deinceps existimet Dies illos Annosq̃ue Septimos meræ, ignaviæ atque inertix datos, audiat Hebraicum Platonem (ita meritò Philonem appello) gentis suæ institutis ac religioni patrocinantem: *Iussit* (inquit) *Deus, ut quicumque hac instituta recepissent, sicut in cæteris ita in hoc quoque Deum sequerentur, operando per sex dies, septima verò inter quiescendo, vacandoq̃, contemplationi rerum, & studio Sapientia, retractando etiam cogitatione actû præterita, & rationem eorum à se reposcendo, sicubi à Legum præscripto aberratum fuerat, ut imposterum cautiores essent, prospicerenq̃, ne iterum impingerent in eadem offendicula.* Hactenus Philo. Vacabant autem Hebræi die Sabbati Lectioni Legis ac Prophetarum, quem morem cùm ex Actis Apostolicis passim, tum ex Evangelio

Lib. 17.

Misp. Lib. 3.

Lib. 1. c. 11.  
App.Lib. de De-  
cal.

gelio Lucæ intelligimus, in quo CHRISTVS ipse <sup>cap. 4.</sup> die Sabbathi intrasse in Synagogam apud Nazarenos dicitur, & de Isaia Propheta aliquid legisse: atque is mos apud Hebræos in hodiernum vsque diem retinetur. Vnde intelligimus diebus sacris, dum corpora feriarentur, animos contemplatione rerum cælestium ac studio Diuinę Philosophiæ exercuisse, conscientiæ quoque examen in illâ tranquillitate instituisse; atque ita otium illud omni labori ac negotio fuisse præferendum. Eadem cautio in Annum Sabbaticum fuit, de quo in Lege Mosaicâ sic præceptum habemus: *Post septem annos anno Remissionis, in Sollemnitate Tabernaculorum, conuenientibus cunctis ex Israel, vt appareant in conspectu Domini Dei Tui, in loco quem elegerit Dominus, leges verba Legis huius coram omni Israel, audientibus eis, & in vnum omni populo congregato, tam viris quàm mulieribus, paruulis, & aduenis qui sunt intra portas tuas, vt audientes discant, & timeant Dominum Deum vestrum, & custodiant, impleantq; omnes sermones Legis huius.* Hinc ergo nostri homines salubriter discant quid sibi operis incumbat, cum præscripta Ecclesiæ iussu Festa celebrantes vni Deo vacare, & à seruili opere cessare iubentur. Festum autem Tabernaculorum, cuius Constitutio illa meminit, & nos antè mentionem feceramus, è ternis celebrioribus Hebræorum Festis fuit, aliter *Scenopegiâ*, & *Collecta Frugum* <sup>Lib. 3. de  
X. P. Heb.  
Ezra lib. 6. c. 8.</sup> (vt Sigonius putat) appellatum; septem diebus continuus, cum octauo Collectæ, cotidianis sacrificiis peragebatur: quo multiplicato dierum numero commodius sacrorum Libro-

rum Lectio institui posset: quem legendi morem à temporibus Iosue F. Nun intermissum, Esdras post captiuitatem Babylonicam in vsum reuocari præcepit.

## C A P V T I I.

*SEPTENARI I religio amplius explicata. quare videtur dictus. Eius in Sacris Hebræorum frequentia, ac Mysterium in Temporibus signandis. Pœnitentie Sacrum; ac Diuina iracundiæ interpretem nonnumquam videri.*

A Diuino  
cultu & re-  
ligione.  
Philo lib. de  
Dei uoluntate.



SEPTENARIUM ἀπὸ τῆς ἑβραίων  
μετὰ dictū, vel dici debuisse, Sapien-  
tium viroꝝ opinio est. Ille enim  
numerus est cuius canone ac mē-  
surā vniuersæ penè religiones

maximè  
Diuinum.

apud Hebræos, vti diximus, definiuntur *Septuaginta*  
autem illum Numerum esse, vel hinc ostendi po-  
test, quod è Ternario ac Quaternario, qui duo  
numeri admodum sacri ac diuini, compactus  
sit: quod solus eorum qui Denario comprehen-  
duntur, neque gignat alium, neque ipse gigna-  
tur: quod è Senario item numero perfectissimo,  
& Monade, expressâ Dei imagine, componatur:  
vt cæteras *διουναρίας* eius proprietates, quas è Py-  
thagoricis Philo Hebræus aliique recensent, Di-  
uinis mysteriis diuinè congruentes, transeamus.  
Sanctum ergo ac mirabilem hunc Numerum  
Diui-

mirandas.  
Ibidem.



Diuina Sapientia potissimum elegit, quem Sacrorum cærimoniis ac Sacri temporis periodo, immò Aeternitati illi immensæ, velut terminum metamque, circumscriberet. quare non iniuriâ *ταλίσφει* à Philone, *rerum autem omnium nodus* à Cicerone, quod eo omnia compingerentur ac finirentur quâ diuina quâ humana, nuncupatus est. In Diuinis autem rebus, inter alia innumera, admiranda est, Diei, mensis, Anni Septimi ac Septies septimi sanctificatio: admirandum illud, IOBELI quinquagenarium è quadrato ipsius Septenarij & Monade ei adiunctâ consurgere, sicut ipsa Hebdomas è Senario & vnitae conflata. Vt verò ipsa Monas omnipotenti Deo sacrata est tamquam Diuinitatis simulacrum, ac Numerorum omnium Fons, vinculum, & origo; ita Septenarius, quem & ipsum Deo dicatum, ac Diuinis rebus celebrandis apertissimum diximus, summâ Mysterij perfectione copulatur. Admiranda prætereà in Diuinâ Legge (nam huc exspatiari placet) Septeni *a* dies vescendis Azymis à Paschali festiuitate decreti, *b* Septenæ Hebdomades messi faciendæ ante festum Pentecostes assignatæ, *c* Festum Scenopagiæ septenis diebus, mense Septimo, præscriptum, *d* Tabernaculi ac Templi Dedicatio eodem mense totidemque diebus, à Mose & Salomone peracta: *e* Hominis ac mulieris immun-dæ, *f* Homicidæ, *g* Leprosi, *h* Nazaræi, *i* Sacerdotum, Pontificis, pari dierum numero, vel lustratio vel consecratio fieri iussâ. *k* In sacrorum victimis ouis, bouis, capræ primogenita sub matre custodienda per Hebdomadem, post

absoluent,  
perficiens.

Pythagor.  
apud Iulian.  
Mare.

*a* Exod. 12.  
*et alibi* sayd  
in 5.3.  
*b* Gen. 23. *et*  
*al.*

*c* *Ibid.*

*d* Exod. 28.  
2. Par. 7.

*e* f. g. Gen.  
12. 15. 21.  
Num. 12. 19.  
*h* Num. 6.  
*i* Gen. 28.

*k* Exod. 13.  
*et alibi.*

illam ritè sacris adhibenda. Quid verò mirabilius, quàm *l* Moseri nube tectum sex diebus, septimo de medio caliginis in monte Oreb vocatum ad Legum Tabulas à Domino accipien-  
*m* das? quid magis stupendum, quàm *m* septeno Arce Domini circuitu per dies totidem, septem Iubilei buceinis insonantibus, muros Hierichuntis collapsos? Quid magis mysticum, quàm *n* septenis cottidiè vicibus Dauidem orasse, *o* totidemque diebus adulterium commissum in cinere & cilicio deplorasse? Et sanè Metanæ ac peccatorum Nemesis obnoxium esse vel maxime hunc numerum, Septenarius Psalmorum canon, à Diuino spiritu præscriptus, ostendit, cælesti iræ deprecandę saluberrimè institutus: ostendunt etiam *p* Septem illa Tempora super Nabuchodonosor, regno eiecto, herbisque instar pecorum in deserto vescenti, consummata: ostendunt quoque Dénæ *q* Annorum Hebdomades, à populo Israëlítico in carcere Babylonio transactæ: quam cladem Deus Israëlitis immisit ob Sabbatimos Annorum Remissionis non ritè, neque vt præscripti fuerant, obseruatos. quæ cum sæpè alias, tum isto Leuitici loco signatè prænunciata fuisse videtur: Tunc placebunt terra Sabbata sua cunctis diebus solitudinis sue, quando fueritis in terra hostili sabbatizabit, & requiescet in Sabbatis solitudinis sue, eo quod non requieuerit in Sabbatis vestris, quando habitabatis in ea. Quâ clade acceptâ sapientiores effecti Iudæi è Babylone reduces, coram Esdra, iurisiurandi religione in obseruationem Septennalis *Leuiticus*, cæritarumque Legis cærimoniarum ac Rituum sele

*l* Exod. 24.*m* Jer. 6.*n* Psal. 128.*o* 2. Reg. 23.*p* Dan. 4.*q* Jerem. 25.  
et ad.*o* 26.*Nehem.* 10.

se obstrinxerunt. Ostendunt denique Diuinæ  
 comminationes ultionis *in septuplum* sumendæ  
 de hominibus in delicto perseverantibus, Se-  
 ptem Annorum ꝛ Fames optioni Daudicæ da-  
 ta, & ꝛ Aegyptiis Iosephi tempore, ꝛ Iudæis sub  
 Elisæo Prophetâ diuinitus unmissa: ꝛ Septenna-  
 lis Hebræorum seruitus sub Madianitis, à quâ  
 per Gedeonem liberati; ꝛ LXX. annorum cala-  
 mitas Tyriorum vrbi à Prophetâ prænuncia-  
 ta: & (vt veteribus nostra iungamus) Septenna-  
 lis Pœnitentia quam in grauioribus admissis Ca-  
 nones olim Ecclesiæ Catholicæ præscribebant.  
 Idem ergo Numerus qui Indulgentiæ ac Mise-  
 rationis Diuinæ piis hominibus interpretis est, Di-  
 uinæ quoque ultionis & iustitiæ apud improbos  
 simulacrum habet: immò verò Dei ipsius simu-  
 lacrum habet, de quo per Prophetam dicitur:  
*Misericordiam & iustitiam cantabo tibi Domine.*  
 quamquã id vel maximum Diuinæ miserationis  
 argumentũ sit, si per Hebdomadem miseræ hu-  
 ius vitæ dignis castigationibus attriti, & à pecca-  
 torum sordibus igne calamitatum expurgati, ve-  
 ræ innocentiae ac cælesti adoptioni, vnde per  
 scelera nostra excidimus, restituamur. *Quid non*  
 (inquit D. Augustinus) *misericorditer præstatur*  
*hominibus à Domino Deo, à quo etiam tribula-*  
*tio beneficium est? Nam res prospera donum est*  
*consolantis, res autem aduersa donum est admon-*  
*entis.* admonentis scilicet, quàm miserando in  
 statu versetur, quibus suppliciis facti simus di-  
 gni, quàm mitem Dominum, quàm benignum  
 parentem præuaricatione nostrâ offenderimus.  
 Quemadmodum enim quilibet somno licet gra-  
 uissimo

ꝛ 3. Reg. 17.

ꝛ Gen. 41.  
ꝛ 4. Reg. 8.  
ꝛ Iud. 6.

ꝛ Is. 55.

ꝛ Psal. 109.

ꝛ Genes. 29.  
ꝛ Psal. 137.

nissimo oppressus facile euigilat. si spinâ, cultello, acu, aciculâ compungatur; ita contingit à lethargo peccatorum facilius nos expectatos cōsurgere, si calamitatum & ærumnarum punctiunculis excitemur. Quod ipsum sese expertum Regius fatetur Propheta: *Conuersus sum in ærumna mea, dum configitur spina.* Et alibi: *Tribulationem & dolorem inueni, & nomen Domini inuocaui.* Rex etiam ille, quem ferino ritu vixisse diximus, Diuinâ Nemefi admonitus sic ait: *Leuaui oculos meos in calum, & sensus redditus est mihi.* Oculos enim quos peccati culpa clauferat, pœna (vt ait D. Gregorius) supplicij aperiebat. Porro (quod antè dicebamus) Numerum **SEPTENARIVM** omnem ferè temporum includere mensuram, id in mysticâ **LXX.** Hebdomadarum serie, Danieli per Angelum Domini indicatâ, manifestius apparebit: quarum initia etsi variè varij accipiant, finis tamen, Sapientissimorum virorum iudicio in metuendum **CHRISTI** iudicium, ac æternum piorum Sabbatum, verumque & illibatum **IVBILEI SECVLVM** incurrit: quod istis Prophetæ verbis non obscure significari videtur: *Consummabitur prauaricatio, & finem accipiet peccatum, & adducetur Iustitia sempiterna, & implebitur visio. & prophetia, & vngetur Sanctus Sanctorum.* quibus in verbis etsi quædam ambigua sint, & quæ ad primam Christi *ἐπιφανείας* ac Hierosolymæ excidium referri posse videantur; ego tamen alia sentientibus assentiri malo, quod ferè ea Diuinæ Scripturæ consuetudo sit, cū n de vtroque **CHRISTI** aduentu, deque Orbis ac vrbs illius exitio loquitur,

tur, earum rerum euentum ita de industria inuoluere vt quid cui tribuendum sit aut vix, aut non tam facilè dispicias. Arguunt etiam Septenarij Chronici maiestatem quæ de Septem chiliadibus, seu *Millenariis* Annorum, à D. Ioanne in *αποφας* Apocalypsi, de quæ Septem Angelorum, Tubis insonantium, Aetatibus proferuntur. Vbi illud de Septimo Angelo notandum: *Quia Tempus non erit amplius, sed in diebus vocis Septimi Angeli, cum cæperit Tuba canere, consummabitur Mysterium Dei.* Quam Diuinissimi Scriptores methodum lequentes Christiani Chronologi, quotquot ferè in hanc diem scripserunt, Septenis Aetatibus omnem Temporum rationem absoluerunt. Eas ætates etsi non omnes iisdem Temporum interuallis metiantur, in hoc tamen ferè omnes conueniunt, vt in Septimâ Aetate Beatarum animarum IVBILEVM, Angelicis Tubis indictum, perpetuâ tranquillitate celebrandum existiment. Et sanè admirandæ illi sæculorum *οὐραῖες* mirè conueniunt, quæ de *ἡμέραις* Dei creatoris opere, & lucis Septimæ Sabbatismo, præmissimus; tum etiam illa quæ de Senum dierum, post extremum in Ierusalem ingressum, CHRISTI occupatione, de quæ Septimi diei quiete in Sepulcro, pij homines tradiderunt. Quantam verò *διάρκειαν* non in Diuinis modò rebus, sed in iplis Naturæ elementis, cæli motu ac harmoniâ, in corpore, mente, ac vitâ humanis, in fortunis cuiusque ac Rerum publicarum conuersionibus, in artium denique ac Scientiarum disciplinis tradendis Septenarius habere credatur, videre est apud M. Varronem

c. 9. 10. &amp; 20.

constitutio-  
ni.  
Sex. dierum.

potestatem

lib. 5. c. 10.  
in

in No&ibus Agellianis. M.Tullium in Somnio Scipionis, & interpretem eius Macrobiū. Philonem etiam Hebræum in Allegoriis, ac libro *περί κατεργασίας*; recentiores etiam, qui de Numerorum Mysteriis scripserunt, permultos. Nos, ne *ἐν τῇ παρίεργῃ* ipsum *ἔργοι* negligamus, ad **IVBILEVM** reuertimur.

## CAPVT III.

*Etymologia IVBILEI inuestigata. varia Grammaticorum opiniones posita; Fl. tamen IOSEPHI electa, & adserta. Ex occasione de IVBAL, IVBALDA, Iubilo, ἀλαλαγμῶ & celusmate, deq; IVBILEI orthographiâ.*



Ixi de **SABBATIS** populi Hebraici generatim; nunc ad illud veniam, cuius gratiâ hæc scriptio suscepta est. Solemne videlicet Anni **IVBILEI**, quod vnde cœptum sit, quo ritu propagatum, quomodo Christiani **IVBILEI** typum gesserit, **DEO** auxiliante, deinceps exsequemur. In primis, communi scribentium ritu, de ipso Nomine quæstio instituetur, de quo sanè non levis, neque noua, inter Sacri Idiomatis intelligentes controuersia est. Cùm enim *Leuit. xxv. cap. & alibi*, voce istâ Hebraicâ *יובל* **IOBEL** exprimitur, eaque in varias admodum interpretationes duci possit,

fit, nihil ferè certi in tantâ opinionum varietate  
 hæcenus statutum. Tres quidem inter cæteras  
 eximiæ sunt, quarum vnaquæque de principatu,  
 virorum maximorum auctoritate, contendit.  
 Vulgatissima illa, & à multis in hanc diem au-  
 dè recepta, de *Tubis Arietinis*; quas ipsas Tubas,  
 siue sonum earum protensio-rem ac longiorem,  
 qualis rebus lætis adhiberi solet, hîc significari  
 volunt: eo maximè argumento, quòd *Aries*  
*Chaldeis IOBEL*, Arabibus *IOBELA* dicatur.  
 Doctissimus tamen & Illustriss. Bellarminus, què  
 honoris causâ nomino, non probat hanc *ἰουβη-  
 λογίαν*, quamvis Rabbiniis plerisque probatam,  
 ob rationes quas priùs capite eximij Operis de  
 Indulgentiis publicavit. Franciscus etiam Ri-  
 bera, qui de Templo ac diebus Festis Hebræo-  
 rum insigne commentarium scripsit, commen-  
 tum istud Rabbanicum tam à veritate abhor-  
 rens esse credit, quàm quod maximè. Ridiculum  
 etiam videri ait id asserere in maximâ IUBILEI  
 solemnitate buccinas è cornu arietino adhibi-  
 tas, iisue personantibus muros Hierecuntis pro-  
 digiosè collapso. Atque ita rem istam parum  
 ex vero, immò parum *ἰε τῆς ἀρχιεπισκοπῆς*, à Iudæis  
 Interpretibus confictam existimant. Altera ve-  
 rò interpretatio est, quam Illustrissimus Bellar-  
 minus sequitur, Anni *יובל* IOBEL, quasi Anni  
 germinantis ac (vt Lucretiano verbo utar) *fru-  
 giferentis*, à radice *יבול* IABAL scilicet, quod  
*frugibus abundare* Hebræorum linguâ significat:  
 vt sit nimirum *Annus ille Benignitatis Domini*,  
 cuius *corone benedictio* tributa, iuxta promissio-  
 nem *Leuit. xxv. factam. Et dabit terra fructus  
 suos,*

suos, & comedetis ad saturitatem, & habitabitis confidentes in ipsâ. quæ promissio etiam Anno Hebdomadico facta sub hac formulâ : *Dabo benedictionem meam vobis anno sexto, & faciet fructus trium Annorum.* Et certè in Bibliis Complutensibus inter cæteras **IUBILEI** explicationes adducitur etiam ista, *Annus germinans, apertans.* Vnde ab eadem radice deriuatum est יֵרֵבֶל **IEBVL**, quod fructuum omne genus Hebræis significat. Tertia demum illorum sententia est, qui vocem **IOBELO** propriè ac peculiariter **LIBERTATEM** significari arbitrantur: cui Fl. Iosephus subscribit, his verbis: *Εὐδαίμων τὸ Ἰοβηλοῦ, εὐεὐθερίαν ἢ σημαίνει τὸ εὐνομα, συνέχοντας ὅτι ἀπεδομένος τὸ χαρίον, & ἰππεύματος* Hoc est: *Instante Anno IOBELO, quæ vox LIBERTATEM significat, conueniunt in vnum agri emptor ac venditor.* Huic interpretationi, ut dixi, & Ribera fauet, permotus. ut ait, Iosephi hominis doctissimi, & suæ linguæ peritissimi, auctoritate: ei que non obscure D. Hieronymum assentiri videri Libro II. in Isaiam, ferè sub initium: assentiri etiam LXX. Interp. qui ἀφίρσις σημασίαν reddiderunt: quâ voce *Libertas* siue *Liberatio* Græcis denotatur. Huius sententiæ astipulatorè etiam obseruo Baptistæ Platinâ in vitâ **BONIFACII VIII.** cùm de Hebraico **IUBILEO** affirmet, **LIBERTATIS** id nomen præ se ferre tam animi quàm corporis. Ambrosium quoque Fraccum Ferentina-tem in descriptis Ouidiano ritu Sacrorum Temporum Fastis.

*Porta ego ab Abramo, duce me fit nomen, & Annus,  
Et libertatis tempora Sanctus habet.*

Et si



Et si minus apertè quàm reliqui . Viri etiam Sacrae Linguae peritissimi , quos consului in tantâ opinionum incertitudine hanc sibi præ reliquis haud paullò certiozem videri affirmârunt . Et verò cæteræ Interpretationes iuxta aliquid Iubileam Festiuitatem exprimunt, dulce verò *Libertatis* nomen *ἡμεῖς ἑλευ* Anni Solemnis priuilegia comprehendit . De quâ Libertate Arator cecinit Christianus Poëta:

— *Nam Quinquagesimus Annus*  
*Cum Iubileus adest, proprij d' stractio ruris*  
*Antiquo donatur Hero: seruire coactis*  
*Libertas amissa redit: mala debita laxat*  
*Creditor, & lumen patria vetus aspicit exul.*

St. 1. n. 1.  
 1109.

Quod verò ab ABRAHAMO originem Portæ Sanctæ ac Iubilei Ambrosius Fraccus repetat, respexisse illum credo , Poëtarum more , ad fabulas potiùs quàm Historias , quas à Polycrate nescio quo confictas viri etiam magni temerè in scribendo secuti . Volunt enim Annum Iubileum in Abrahamo sacratum quòd fratrem suum Loth, anno ætatis suæ quinquagesimo, ab hostibus liberauerit : vel , Anno quinquagesimo post egressum è terrâ Chaldæorum : vel , ex quo Deus ipsum fuerat allocutus: vel denique, quòd ex Astrologiæ peritiâ, in quâ Zoroastrem (vt volunt) discipulum habuit , cognouisset singulis Annorum quinquagenis ætheris intemperiem corrigi, astra ad easdem sedes relabi, & elementa expurgari. sed hisce *λιποτάταις λέγεσι* aliquis

tenuissimis  
 nugis.

— *credat Iudeus apella*

*Non ego.*

Sunt & aliæ etymologiæ difficillimi eius nomi-

Andræ Ma-  
gistr. C. Herij  
& aliorum.

nis quas *φιλῆλαιος* certatim excogitârunt. Inter  
quas ingeniola est quorundam & amœna à  
IYBAL, Musicorum organorum & Harmoniæ  
repertore, quod anno scilicet Remissionis Buc-  
cinæ cantus, exultantium soni, & iubila passim  
audirentur. Buccinis enim solemnibus, quas  
SCHOPHAR vocabant, Iubileum indici con-  
sueuisse mox dicam. Et quæ vnquam aliàs ma-  
gis exultandi, iubilandi, & præ lætitiâ (vt vete-  
res loquebantur) vitulandi causa, cùm terra si-  
ne labore fructus produceret? cùm nexi, exu-  
les, serui restituerentur? cùm amissæ possessio-  
nes veris Dominis redderentur? Et verò non  
omninò displicet mihi, quod viris etiam doctis-  
simis placuisse video, ab isto IYBAL, Lamech &  
Addæ F. Latinas voces *Iubilare, Iubilum, Iubi-*  
*latum*, & his affinia, profluxisse. *Iubilare* nam-  
que sic exposuerunt D. Augustinus, & alij, vt  
propriè sit gaudium, quod verbis explicare ne-  
queas, voce aliquâ confusâ ac subitaneâ testari.  
Talem vocem esse volunt *iâ* vel *iû*, vnde, iuxta  
alios, Latinorum *Iubilum*; & *ἀλάλ*, vel *ἀλαλά*,  
vnde Græcorum *ἀλαλέζων* & *ἀλαλαγμός*, *Iubila-*  
*tionis* Latinæ exactè respondentia. Quare Do-  
mina Mater (vt cum Tertulliano loquar) Ecclesia  
vbicumque LXX. *ἀλαλέζειν*, & quæ hinc com-  
posita ducuntur, in Diuinis Libris ponunt, ipsa  
in Vulgarâ Editione IYBILARE, cum deriuat-  
is inde vocibus, retinendum putauit. M. Varro  
& Pomp. Festus rusticorum esse putant *Iubila-*  
*re*, *quiritare* urbanorum: solent enim rustici *ικί-*  
*τῆς χαρᾶς* voce gestuque vehementiùs commo-  
ueri. Quâuis obseruârim apud Poëtas non so-  
lam

Or. 4.

Lib. de Z. Z.

inter gau-  
dendum.

lam vocem inconditè clamantium rusticorum, sed ad fistulam scitè canentium *εὐρυγυῖς* Iubila vocari. Silius id testatur Lib. XIII. de Polyphemo:

*Et latus scopulis audiuit iubila Cyclops.*

Iubila scilicet non sua, sed à rusticanis pastoribus Siculis ad cannam emodulata. Calpurnius etiam Nemesianus in Eclogis *βυκίνοι* deslens:

*Et tua mœrentes expectant iubila tauri.*

quos olim adolescens imitabar in Carmine ad N. V. Adolphum Eetveldium rusticantem:

*Iubilaq; ingeminat Faunus, lasciuit Oreas;*

*Et natat in liquidis humida Naias aquis.*

Illud quoque à me obseruatum est non semper apud Scriptores voce *iubili* lætum aliquid significari, sed nonnumquam *ἐπίθρυμα* aliquem inclamantis. vt apud Attium in Chryssippo:

*Io buco. quis me iubilat? vicinus Attus.*

nam cùm Atus rusticus vicinum suum voce *Io* inclamâisset, alius respondens subiicit, *quis me iubilat*, vel, *iobilat*? sic enim fortè rectiùs, si hanc originationem sequimur; id est, *quis me inclamât*? Nonnumquam clamorem ac fremitum aliquem instigantis. quo sensu Appuleius, vetustatis obseruator religiosissimus, Lib. VII. Metam. Canes rabidos, & immanes, & quibusvis lupis, & vrsis seniores, quos ad tutelæ præsidia fuerant alumna: i. iubilationibus solitis, & huiusmodi vocibus, nobis inhortantur. Vfus tamen postea obtinuit vt eximix lætitix exprimendæ iubilationes constanter deseruirent. Fuere qui Berosum illum supposititium secuti à IUBALDA, fabuloso Hispaniæ Regè, voce Aramæâ (vt nugantur) à

Carlo, Becca-  
no, Fr. Yaga-  
phus.

*latitiâ* sic dicto, *Iubili* derivationem peterent. Nominis ac lætitiæ causſam fuiſſe, quod is ſacris primùm inuentis, vti Numa alter Pompi-  
lius, populos delectâſſet. Atque hoc nugato-  
rium commentum viris etiam doctis perſuaderi  
potuit. Ingenioſiùs Oliuerius Vredius, Brugen-  
ſis Iureconſultus, qui in litteris ad me datis *Iubi-*  
*lum* à *Iubeo* eo modo dici exiſtimauit, quomodò  
apud Græcos κίλευμα ἀπὸ τοῦ κίλιω, quod etiam  
eſt, *Hortor*, & *Iubeo*. nam ſicut *Iubilare* reſtri-  
ctum ad ruſticos, ita κίλευμα ad remiges. Sole-  
bat autem cani remigibus κίλευμα per ſympho-  
niacos pueros, & per aſſam vocem, aut citha-  
ram: vt è Pædiano Budæus notat. κίλευς quo-  
que ad eum reſtringitur qui celeuſma canit,  
cùm alioqui eſſet iuſſor, ſeu qui iubet & horta-  
tur. Hæc fere Vredius. Sanè iubilâſſe etiam  
Chriſtianos olim CHRISTO in celeuſmate te-  
ſtatur Sidonius Aruernorum Epiſcopus lib. II.  
Epist. x.

*Curuorum hinc chorus helciariorum,*

*Reſponſantibus Alleluia ripis,*

*Ad CHRISTVM leuat amnicum celeuſma.*

quod opifices, agricolas, viatores leuandi tædij  
aut laboris fallendi cauſſâ feciſſe vt iuxta *Alle-*  
*luia* pium ac diuinum aliquid canerent iam alij  
monuerunt. Et hæc de *IUBILI* originatione, aut  
interpretatione, paullo diffuſiùs, ac libentiùs,  
quod Eccleſiam Romanam videam neglectâ  
Orthographiæ Hebraicæ ratione, quæ à *IOBE-*  
*LO IOBELEV* dici poſtulat, *Iubili* παρρηγομένη  
delectatam *IVBILEVM* prætuliffe. Non è vul-  
gari imperitiâ (nam & hanc ſcribendî ratio-  
nem

nem D. Hieronymus & alij multi probant) sed quod rei lætissimæ significandæ vocem ipso etiam sono lætam adhibendam putauerit: eamque Latinè potius quàm Hebraicè sonantem, vt ab omnibus Latini orbis populis eò commodiùs intelligeretur. Præter adductas vocis IOBEL significationes, illæ item sunt apud D. Hieronymum, *Annus dimittens, mutans, defluens*, in Bibliis verò Regiis etiam *Inueterascens* exponitur. Fuere nonnulli qui *principium*, *aditum*, vel *accessum* exponerent, à radice יָבֵל IABAL, quod *ducere* & *adducere* esse volunt; denique qui *gratiam*, *remissionem*, *gaudium*: sed hi magis analogicè credo & *μικροφυσικῶς*, quàm ex vocis ipsius vel significatione vel naturâ. Mirandum tamen quicquid interpretationis in sacram hanc vocem cadit *μικρότης* esse, & quod Anno illi Sancto per omnia conueniat. Nam & *Dimittens* erat, debita scilicet æris alieni, & seruitutes: *Mutans* etiam, conditiones nimirum ac status hominum, ex seruis liberos, ex obæratiss diuites, ex egenis Dominos reddens: *Defluens* item, perpetuâ scilicet quinquaginta annorum serie è seculo in seculum dimanans: *Inueterascens*, ob instituti Antiquitatem, ab ipso ingressu in terram Chanaan perpetuò seruari iussi: Adhæc Initium seu *Principium* erat Nouæ Lætitiæ ac Libertatis, & Seculi Iubilei. *Aditum* verò & *accessum* præbebat exilibus in patriam, seruis ad manumissionem, pauperibus ad opulentiam, antiquis Dominis ad recuperandas possessiones. Et hæc quidem omnia in Typico Hebræorum; quæ quàm diuinè vero

Lib. de Rom.  
Heb.



CHRISTIANORVM IVBILEO conueniant in ipſo operis proceſſu dicemus.

# C A P V T I V.

*Diuiſio IVBILEI, eiufq; partes propoſitæ.  
De HEBRAICO agi cæptum: eius indi-  
cendi Ritus. Tubis indicebatur, ſeu potiùs  
Buccinis. Quid propriè Buccina, quid  
עֹלָאִתַּי. Annus Iubileus quo anni tempore  
inceptus.*

**I** Menſi turbidum Grāmaticæ con-  
tentions fretum in ipſo IVBILEI  
portu cymbam ſtatueamus, vbi ad-  
ſpirante blandâ Gratiæ ac Remiſ-  
ſionis aurâ, fixiſq; Libertatis an-  
choris, grata viciffitudinis tempe-  
rie, ac ſolidâ voluptate, animi recreabuntur. Etenim ſi IVBILEI  
totius naturam ac proprietates conſiderare  
vouerimus, partes primùm colligamus oportet;  
quibus cognitis, atque perſpectis, faciliore me-  
thodo ea quæ poſtmodum tradenda erunt ex-  
ſequemur. IVBILEVM igitur (dabis veniam,  
Lector, communi ac receptâ Chriſtianorum vo-  
ce vtenti) partientes, in HEBRAICVM, CHRIS-  
TIANVM, ac MYSTICVM trifariâ diuide-  
mus. Iſtud nouâ diſtinctione in RITVALE &  
CHRONICVM; hoc item ſubdiuidendo in OR-  
DINARIVM ſiue STATVM, & EXTRAORDI-  
NARIVM ſiue INDICTIVVM; & hoc denique  
vlteriùs

ulteriùs in PUBLICVM & PRIVATVM partiemur. De HEBRAICO RITUALI, sicut institutione primum est, cæterorumque fons & origo; ita primò nobis agendum erit: breuiter quidem & succinctè, ne in re iam toties vulgatâ putidî & inepti fuisse videamur.

Ritum indicendi Anni Iubilei Dominus ipse præscribit Leuit. xxv. cap. his verbis: *Numerabis quoque Tibi septem Hebdomadas annorum, &c. & clanges buccinâ mense septimo, decimâ die mensis, propitiationis tempore, in vniuersâ terrâ vestrâ. Sanctificabisq; Annum Quinquagesimum. Mensē ibi Septimum* τῆς σκηνοπηγίας intellige, ab eodem numero (si modò calculi conueniant) Romanis SEPTEMBREM, Hebræis recentioribus TISRI dictum. Annum namque Sacrum Hebræi à NISAN, vel mense MARTIO, incipiebant, quòd is Mensis, Mundi natali, & Exodo ab Ægyptiâ seruitute sacratus, mensium principatum iure reposceret. Accedebat Diuinum Imperium quo *Mensem hunc primum in mensibus anni*, ob causas puta supradictas, habere iubebantur. Dies porrò mensis TISRI decimus in Festum Propitiationis incidebat, quo Iubileum Annum indici consueuisse ex Calendario Hebræorum à Sigonio edito manifestò apparet. Faciebat autem clangor Buccinæ à Domino imperatus ad populum exhilarandum dulci spe Nouitatis ac Libertatis: oppressos maximè, & in aliqua afflictione positos recreandos & eleuandos. Porrò Buccinas istas alias fuisse ab Argentineis Tubis, quibus Sacerdotes aliis in Sacris vterentur, ex eo patere videtur, quòd in Libro

Fest. Tabernaculor.

Exod. 13.

Zib. 3. de Reg. Hebr.

Num. 10.

Iesu Naue c. vi. ad discrimen dicatur, *Buccinas*, quarum vsus est in Iubileo. apud LXX. *ἰστὰς κίεστῆρας τῇ ἰωβήλ*. Vnde multis suspicio nata Buccinas illas, quod Hebraicè, vti putant, *IQBEL*, Græcè *κίεστῆρας* dicantur, è cornu arietino confectas fuisse, blandiente mysteriorum lenocinio, & vocabuli ipsius apud Chaldaeos alludente significatu: quam tamen opinionem cum Bellarmino & Riberâ suprâ reiecimus. Ego quidem corneas fuisse cum eodem Riberâ concesserim, sed è bubulo cornu, vel certè animalis cuiusquam grandioris. Bubula sanè cornua olim celebri in vsu fuisse, etiam Romæ, Dionysius ostendit Lib. i i. Antiq. *Τὰς, inquit, δημοτικὰς ὑπηγεταί τινες, κίεσσι βοείοις ἱεβυκάδοις, ἢ τὰς ἐκκλησίας αὐτῶν*. Hoc est: *Plebem ministri quidam cornibus Bubulis insonantes ad concionem cgebant*. Vocabatur huiusmodi cornua propriè *Buccina*, atque ideò nouo vocabulo *ἱεβυκάειν*, *Buccinâ canere* dixit, quod *βυκαγίζειν* posterioris æui Scriptores Græci dixerunt. Propertius de primaigeniâ Romanorum simplicitate, & eodem Ritu.

*Buccina cogebat priscos ad verba Quirites.*

*Buccinam* esse pastorem tubam testatur D. Hieronymus, atque ideò priscis Quiritibus pastoritiam adhuc vitam agentibus aptè conueniebat. Columella Lib. iv. Agric. *Ad sonum Buccina pecus septa repetere consuefcit*. Propertius iterum:

*Nunc intra muros pastoris buccina lentis  
Cantat.*

Fuisse etiam Militarem multis Veterum testimoniis affirmat Vir omnis Antiquitatis peritissimus,



mus, Belgicæ nostræ lumen, Iustus Lipsius in Li-  
bris de Militiâ Romanâ. Rectè ergo Vulgatus  
Interpres *Buccinam* potius quàm *Tubam* posuit,  
quòd eo vocabulo rei veritas magis exprima-  
tur: etsi aliis in locis minùs huius rei obseruans  
fuit; vti & LXX. qui interdum τὰς ἱερὰς σάλπιγγας,  
interdum, κρητίνους reddiderunt. quamuis  
Suidas τὴν σάλπιγγα, ἱερῶν ὄργανον: *solis sacris*  
*deputatam Tubam* esse velit, qua ratione adiun-  
ctum illud τὰς ἱερὰς frustra addidissent. Arte-  
midorus etiam Daldianus, qui de Sacrà Tubâ  
aliquid nugatus est, à proposito tamen nostro  
non planè alienum: Σαλπίζειν, αἶτ, δοκεῖν σάλπιγγι  
τῇ ἱερᾷ, δῆλως καὶ πάντας τοὺς ὑπηρετοῦσας τῆς δουλείας  
ἐλευθεροῖ. Id est: *Videri* [per somnium] *Sacrâ*  
*Tubâ canere seruos & omnes in ministerio aliquo*  
*constitutos libertate donat*. Rationem addit: ἰδοὺ  
γὰρ ἐλευθέρων τὸ ὄργανον. *Proprium enim Liberorum hoc*  
*instrumentum*. Vbi respexisse illum credo ad Sa-  
ctos Græciæ Agones, in quibus Tubâ signum  
dabatur, & soli ingenui certabant. Quod p-  
tiori ratione de Buccinâ Iubileâ, verò τῆς ἐλευ-  
θερίας καὶ ἀντίστοιχον σημαίνει, dicere potuisset, si He-  
bræorum mysteria non ignorasset. Septem au-  
tem fuisse Iubilei Buccinas, siue Tubas, ex eo-  
dem Libro Iesu Naue intelligimus, quas, ma-  
gnâ Septenarij celebratione, Septem Sacerdo-  
tes, die decimo mensis Septimi, Anno Septies  
septimo inflabant, ad Noui Solemnis denun-  
ciationem. Illud quoque cum maximis viris  
asserimus ab Anni Naturalis, seu Communis,  
apud Hebræos initio, quod in Æquinoctium  
Autumni incidebat, Solemne Iubilei ordiri

Lib. 4. Diab.  
10.

Lib. c. 53.

Libertatis &  
Remissionis  
signo.Calaneo. sup.  
Edu.  
Pater. lib. 1.  
in Gen.  
Scalig. li. 5. de  
Ant. Temp.  
Tornetio in  
4. Manu. ad.

confueuisse; quemadmodum Sacer eorum siue Ecclesiasticus ab Æquinoctio Verno, vti diximus, incipere confueuerat. Iubilei verò Seculi, siue Magnæ Hebdomadis, mensurâ vniversi temporis canonem complexus alibi ostendemus. Vnde quemadmodum mensem Nisan, Mundo natalem, caput & principium Mensium appellabant; ita etiam Iubileum Annum, quem vnâ cum Mundo ortum fuisse credebant, ab Adamo eum supputantes, qui veram in Statu Innocentiæ <sup>ἐλευθερίῳ</sup> egerat; Annorum omnium Fontem ac Radicem non immeritò appellâssent. Quam supputandi consuetudinem secutus Nicolaus de Cusa Cardinalis ECCLESIAE CHRISTI mensuram, siue durationem, XXXIV. Iubileis inclusit: vt de ipso Petrus Bunsus libro de abditis Numerorum Mysteriis testatur. Verùm hisce aliquantisper dilatis ad Priuilegia Annorum Quiescentium describenda stilum accingemus.

De 76. An  
clivm.

## CAPVT V.

*Eius Anni priuilegia amplius exposita. Locus  
Leuitici diffcilis explicatus. Oberati apud  
Persas, Græcos, Romanos malè habitì.  
ἐντάλματα Solonis. Quenam apud Hebræos  
seruitus. Anni Septimi & Quinquagesi-  
mi comparatio.*



Priuilegia populo Dei electo Anno  
Quinquagesimo concessa, ea par-  
tim Terram ipsam, eiusque fructus;  
partim Homines, eosque variè mi-  
seros aut oppressos respiciebant.

Terræ <sup>Exod. 23.</sup> eadem data quæ Anno Septimo  
Sabbatario: ab omni agriculturâ cessatum: quic-  
quid sponte Terra protulisset delibatum leuiter  
aut carptum à seruo, ancillâ, aduenâ, mercena-  
rio; bestiis etiam ac iumentis in cibum data.  
Prouidente benignissimo Numine, sicut dixi-  
mus, vt in Mysticâ cessatione Triennalis abun-  
dantiæ fructum tellus inarata proferret. Vineæ  
iis annis non putabantur, fruges non meteban-  
tur, oliuæ ad pressuram non legebantur: om-  
nia promiscui ac liberi vsus erant: nihil diuiti-  
bus, nihil avaris Euclionibus, in penum aut  
horreum recondebatur. Aureum planè sæ-  
culum renatum diceres, quando, vt fingunt  
Poëtæ,

*Mollis*

Psalm. lxxv.

*Mollia secura peragebant omnia gentes,  
Ipsa quoque immunis, rastroq; intacta, nec ullis  
Saucia vomeribus per se dabat omnia tellus:  
Contentiq; cibus nullo cogente creatis  
Arbutos foetus, montanaq; fraga legebant.*

In hac tamen rerum omnium facultate, diuite-  
que abundantia, difficultatem aliquam mouent  
Diuinæ Scripturæ interpretes, de *Vuis primitia-*  
*rum*, quas Leuit. xxv. Dominus colligi vetat quasi  
*vindemiam*. Nata ea difficultas ex ambiguitate  
vocis נזירי NEZIRECHA, quæ & Nazaraos  
attonfos Domino, & *Separationem* significat:  
Vnde aliis alia huius loci interpretatio placuit.  
Mihi si sententiâ proferre cōcessum inter sum-  
mos primi subsellij Senatores, dicerem *ὑπεχώρη*  
interpretatos fuisse illos qui *Vuas separationis*  
reddiderunt. *Separare* enim hîc est priuato vsui  
aliquid in cellam aut penuarium abdere, vel vi-  
no colando reservare: quod Deus tempore *ἀνι-*  
*στως* scuerissimè fieri vetat. LXX. non multum  
abest, qui *καθὼς τὸ ἁγίασμα* exponunt, quòd  
nimirum fruges tunc Deo sacræ essent, & ton-  
deri falce vetarentur, sicut Nazaraorum comæ,  
propter religionem. Vulgatam lectionem ita  
tuetur D. Hieronymus vt *Vua Primitiarum* sint  
quæ instar Primitiuorum Anno Sanctificatio-  
nis Deo relinquerentur. Iudicet Lector erudi-  
tus; ego meam, citra præiudicium cuiusque, ve-  
terundè sententiam protuli. Erant & hominum  
eo Anno Priuilegia, inprimis Liberosum; sed  
tenuium, & paupertatis ac indigentia, cuius gra-  
uissimum onus vulgò putatur, falce oppresso-  
rum. His alienum æs remittebatur, mutuum non  
red-

redditum dimittebatur, rerumque immobilium  
 alienatæ possessiones gratis restituebantur. Quæ  
 restitutio quomodo fieret, præter Diuinos Li-  
 bros, perspicuè ac summam Iosephus tradi-  
 dit Lib. 111. Antiq. c. x. Verba ponemus ex in-  
 terpretatione Geleuiana: *Instante IOBELO, quæ-  
 rox LIBERTATEM significat, conueniunt vendi-  
 tor agri & emptor, computatisq; fructibus, ac expen-  
 sis in agrum factis, si fructus maiores fuisse compe-  
 riantur recipit agrum venditor: quod si expensæ ma-  
 iores fuerint, hoc quod deest recipiēs emptor possessionem  
 alteri cedit: sin utraque paria fuerint, possessio  
 ad veteres Dominos reuertitur. Idem ius est & in  
 domos quæ in vicis non munitis venduntur: diuersum  
 verò de illis quæ intra opidorum mœnia venduntur.*  
 Quod autem hæ non pari iure venirent ea ra-  
 tio fuit, vt est apud Abulensem, quia per posses-  
 siones intra Urbem non fiebat distinctio Tri-  
 buum ac familiarum, cùm opida Leuitis assi-  
 gnata essent ad inhabitandum; sed per villaticas  
 mansiones, in quibus agri ac domus suum cui-  
 que Tribui discrimen faciebant. Equidem Le-  
 uitarum domus, vbicumque sitæ essent, etiamsi  
 in Iubileo redemptæ non fuissent, omni tem-  
 pore redimi ac recuperari poterant: cuius rei ra-  
 tionem Origenes in Homiliâ singulari hac de re  
 scriptâ, & alij multi in caput Leuitici prædi-  
 ctum, reddiderunt. Hinc apparet quanta in-  
 dulgentiâ ac lenitate populus Iudaicus inuicem  
 vsus sit, è Diuino præcepto, præ cæteris natio-  
 nibus, apud quas *ἡ χειρὸς αἰχμή* durissimè sem-  
 per habiti leguntur. Apud Persas enim infamiâ,  
 quæ poterat esse maxima, notati: apud Athe-  
 nienfes,

Corporum  
 Cyrillo Ale-  
 x. ad. scri-  
 bitur.

obseru.

Plutarch. lib.  
 de Pers.  
 Demosthen.  
 14.

nienſes, columnis ad ignominiam perpetuam  
*Arce lib. 10* *ὁν τῇ ἀκροπόλει*, hoc eſt, in *Arce ciuitatis*, inſcri-  
 pti: apud Romanos veteres, in nexum aut com-  
 pedes dati, aut (quod horrendum etiam dictu,  
 & cogitatu) legibus *x i i*. Tabularum findi à  
 creditoribus, & in partes ſecari iuſi. Et quidem  
 verba ipſa Legis dicam, nequis putet me com-  
 mentitiā fabulam adferre. ea talia ſunt apud  
*Arce* Cæcilium I. C. TERTIIS. NVNDINIS. PAR-  
 TEIS. SECANTO. SI. PLVS. MINVSVE. SE-  
 CVERINT. SINE. FRAVDE. ESTO. Illud ergo  
 periculum incurrebatur *Tertiis Nundinis*: *Vinctis*  
*enim debitoribus* ( vt idem Cæcilius hanc legem  
 explicat) ius erat paciſcendi: ac niſi paſſi forent ha-  
 bebantur in vinculis dies *LX*. inter eos dies trinis  
*nundinis* continuis ad Prætoſem in Comitium pro-  
 ducebantur: quantaq; pecunia iudicari eſſent præ-  
 dicabatur. *Tertiis* au. em Nundinis capite pænas da-  
 bant, aut trans Tiberim peregrè venum ibant. Capitis  
 pœnam intellige; quam dixi, verè horribilem,  
 metuendam, barbaram, atrocem. *Quam legem*  
*eſſi mos publicus* conſtanter, teſte *Quintiliano*,  
 repudiavit; mirum tamen, immò indignum, in  
 tam cordatâ R. P. vñquam fuiſſe promulga-  
 tam. Eâ verò pœnâ ceſſante, aut propter eius di-  
 ritatem in vſum numquam receptâ, vincula ta-  
 men, nerui, compedes, ergaſtula in libera etiam  
 corpora nunquam ſæuire deſierunt. Quod ex  
*Arce* iſtis M. Manlij apud Liuium verbis apparet:  
*Acrioris quippe æris alieni ſtimulos eſſe, qui non ege-*  
*ſtatem modò, atque ignominiam minentur, ſed neruo,*  
*ac vinculo corpus liberum territent.* Item è querelâ  
*Arce* iſtâ coniuratorum apud Salluſtium: *Deos homi-*  
*neſq;*

neſq; teſtamur nos arma cepiſſe yti corpora noſtra  
 ab iniuriâ tuta forent, qui miſeri, egentes, violen-  
 tiâ atque crudelitate fœneratorum pleriq; patria, ſed  
 omnes famâ atque fortunis expertes ſumus. Et quæ  
 ibi alia ſequuntur. Rara ergo Nouarum Tabu-  
 larum Romæ priuilegia, raræ æris alieni, raræ  
 fœnebrum uſurarum, in ſolatium miſerorum aut  
 egentium, remiſſiones. Et ſi quando, vel Tribu-  
 norum rogatu, vel Principum virorum commi-  
 ſeratione, tale aliquid parabatur, in ambitus ſuſ-  
 picionem plerumque uenerunt; atque ideò ab  
 optimatum & ditiorum factione ſummis cona-  
 tibus impediti. Non minorem iniuriam ære alieno  
 implicati apud Athenienſes, ante Solonis  
 πειράχθαι, patiebantur, teſte Laërtio: quorum  
 ipſe miſerrus Septem talenta, ex patrimoniꝝ iure  
 ſibi debita, primus remiſit, cæterosq; ad par-  
 faciendum exemplo ſuo prouocauit. At in He-  
 braico populo præter illam, quam dixi, κληρονομία  
 ἀποκρίσεως, corporum quoque libertas, & ſerui-  
 tutis abolitio anno Iubileo conceſſa. qui enim  
 vel penuriâ adacti ſponte ſe ad mercedes oppi-  
 gnerauerant, vel qui, contribules cùm eſſent,  
 ob delictum ſeruire in ſeculum iuſſi erant, Liber-  
 tatem eo anno pleniffimam conſequebantur. In  
 ſeculum, inquam, id eſt in proximum Iubileum,  
 nam ultra id ſpatium Hebræorum ſeruitutes ex-  
 tendi non licebat. Erat tamen aliquod Seruo-  
 rum genus qui etiam Anno Sabbatico liberta-  
 tem nanciſcebantur: at ſi quis apud Iudices ſeſe  
 aure perforatâ in ſeruitutem tradidiſſet, in ſe-  
 culum ſeruiebat: quo expleto, ad tribum quif-  
 que ſuam, & familiam, ac cognationem redibat.

legem quam  
 debita, abſo-  
 lebat.

vel familiaris  
 ſeruitutionē.

vide inf. 47

Exod. 21.  
 Leu. 25.  
 Deut. 15.

Mirum

Mirum verò quâ sancienti sœueritate supremus  
 Legislator hoc Mandatum publicârit, additis  
 formulis: *METVITO. DEVM. TVVM. &, TI-  
 MEAT. VNVSQVISQVE. DEVM. SVVM.* uè scilicet  
 profanæ crudelitatis exempla secuti fero-  
 ciis in libera corpora sibi addicta sœuirent. In-  
 signis etiam illa Diuinæ Benignitatis promissio,  
 si quis Mandato huic obediret: *Facite (inquit)  
 præcepta mea, & iudicia custodite, & implete ea, ut  
 habitare possitis in terra absque vllò pauore, & gi-  
 gnat vobis humus fructus suos, quibus vescamini vs-  
 que ad saturitatem, nullius impetum reformidantes.*  
 Quæ iudicia Domini quamdiu custodierunt  
 Hebræi, & impleuerunt, *δικαιοπραγῆς αἰς ἀληθείας*  
 (vt ait de ipsis Strabo) domi felices hostibus fo-  
 ris terrori ac venerationi fuere. Vbi verò *in viam  
 Gentium abeuntes* ea contempserunt, ac nauci  
 habuerunt; fame & pestilentia afflictī, dome-  
 sticisque dissidiis attriti, mutuis vulneribus con-  
 ciderunt; aut durissimam apud Allophylos ser-  
 uitutem seruire coacti. Quæ omnia Præceptum  
 istud *δικαιοσύνης καὶ φιλανθρωπίας* μετ', violentibus  
 verbo Domini Propheta prænunciârat. Et hæc  
 hæctenus de Priuilegiis Anni Quinquagesimi,  
 qui cū perfectæ Remissionis esset duplici hac  
 re annum Hebdomadicum superabat: Quòd  
 Seruos omnes Hebræos manumitteret, nemine  
 excepto; & possessiones rei amissæ gratis resti-  
 tueret; quod, inter cætera, cruditè à Francisco  
 Riberâ vidimus obseruatum.

verò iustitia  
 volentes.

in iustis &  
 charitatis  
 plenum.  
 Philo.  
 serm. 1. 34.

ps. 9. do  
 serm. 10.



## CAPVT VI.

*Causse instituti Anni IUBILEI. Quare requies agris Annis Sabbaticis concessa. ἀνεη, siue, Intermissio Telluri necessaria.*



Vid verò Sapientissimum Numen permouerit vt Annos Sabbaticos, & IUBILEOS populo Iudaico præscriberet, hæ fere causse à Diuinarum rerum Interpretibus afferri solent. Primaria hæc, vitandæ scilicet confusione Tribuum ac Familiarum, quæ ex alienatione bonorum perpetuâ, aut assiduâ contribulium seruitute, oriri potuisset. Cum enim, ad confutandam olim eius populi perfidiam, liquidò demonstrari oporteret CHRISTVM, DOMINVM AC DEVM NOSTRVM, verum MESSIAM in lege promissum, de tribu IYDA, è stirpe DAVID, originem habuisse; tam prouidè ac sapienter, Diuino nutu per Mosem cautum videmus, vt unicuique matrimonia intra suam tribum essent: portio hereditaria in terrâ Chanaan, diuisione primâ assignata, non nisi temporaneâ venditione abalienaretur: serui non nisi in proximum Iubileum seruire iuberentur, & tunc ad suam Tribum ac cognationem absoluti redirent. Quodd si confusis Familiarum ordinibus, vt alibi fieri videmus, ἀγνιστοί γενοι Hebræi remansissent; difficillimum, immò ἀδύνατον negotium fuisset eam Saluatoris nostri γενεαλογίαν

*Num. 16.*

*Genealogia-  
rum signaria.*

Matth. 23.  
Luc. 11.

Matth. 23.  
Luc. 11.

Psalm. 1.  
Prov. 3.

contextere, quam obseruato Temporum ac Successionum ordine in Sacro Euangelio expressam videmus. Altera institutionis huius causa ea esse videtur, quam ipse Dominus Leuit. xxv. capite, & sæpè aliàs, hisce verbis subindicat: *Nolite affligere contribules vestros, sed timeat unusquisque Deum suum: quia ego Dominus.* Duritia cordis scilicet in Hebraicâ gente, quam & Prophetæ persæpe, & ipse Prophetarum summus apud Euangelistam meritò eis exprobrat. Nisi enim Diuina Clementia hac ratione oppressis, egenis, seruis, exulibus, captiuis subuenisset; in suâ quisque Tribu ac Familiâ, immò in mediâ promissionis terrâ, & Pharaones & Ægyptiam carnificinam miseri inuenissent. Aded gens illa parum conditionis suæ memor, quâ miserissimam vniuersa, apud Aegyptios, seruitutem seruierat, durè nimis ac crudeliter aduenas & contribules suos habuisset. Porro sicut genti vniuersæ, pulcherrimo instituto, leges Modestiae ac Clementiae imperabantur; ita Diuitum ac Potentioris cuiusque saltus istâ ratione mitigabatur, cum sic intra Iustitiae ac Lenitatis terminos cohiberi salubriter possent. Quando enim temporaneæ tantum essent emptiones, quorsum in eo superbirent quod mox dimittendum foret? cum Septimo, & Septies septimo, Anno ferere ac metere prohiberentur, à quo alimentum sperarent nisi ab eo qui *dat escam timentibus se*, & facit *in domo impij egestatem*? cum seruos haberent mox vindicandos, quare in eos sæuirent quos pares sibi & æquales dein essent experturi? Hac igitur Lege latâ fiebat, vt moderata inter

supe-

superiores ac tenuiores officia essent : vt opes ac  
 nimix diuitiæ *πάντων καὶ ἰσότης*, iuxta Apostolum, omnium ma-  
lorum radix,  
 præciderentur: vt luxus ac fastus, veræ ciuita-  
 tium ac Rerum publicarum corruptelæ, subtra-  
 ctis fomentis citiùs elanguescerent : denique, vt  
 incōparabilis accepti à Deo beneficij, per quem  
 ab Aegyptiis latomiis erepti fuerant, continua  
 ante oculos memoria versaretur. Quòd autem  
 fementem fieri Annis Sabbatariis Leges prohi-  
 berent, id ad conseruandam Telluris fecundita-  
 tem salubriter imperatum, ne importunis agri-  
 colarum laboribus vexata, & assiduis frugum  
 parturitionibus exhausta, generi humano alendo  
 non sufficeret. *Deus enim* (inquìt Henricus, Epi-  
 scopus Ruræmondensis) *qui vniersa hæc condi-*  
*dit, quiq; omnia vt propria diligit, non patitur ea*  
*indefessis atque improbis laboribus perpetuò exerce-*  
*ri.* A cuius benignitate ac Indulgentiâ quàm  
 longè dissideant humani mores idem eleganter  
 expressit: *Improbis sanè ministeriorum exaltor est*  
*homo: vellet enim ministros habere ferreos aut*  
*aneos: vellet iumenta sine vllâ requie fatigare: vellet*  
*terram omni anno proscindere aratro, & colere:*  
*vellet sidera & solem sibi perpetuò lucere: & quam-*  
*uis ipse tum animi, tum corporis quietem impensè*  
*querat, optaret tamen res vniuersas sine vllâ quiete*  
*suo ministerio addictissimas habere.* Ergo sicut ho-  
 mines fatigati Sabbatò respirabant, ita Terra  
 ipsa Annis Sabbatariis. Iosephus pulchrè id  
 ostendit in Legibus Mosaïcis: *Δι' ἰσθόμεν ἔτους ἅπασαν* 22.3.401.  
*δίδωμι τῇ γῇ ἀπὸ τοῦ ἀγροῦ καὶ φυτείας: ἅσπερ καὶ ἀνθρώποις δι'*  
*ἰσθόμεν ἡμῶν τῇ ἀπὸ τῶν ἔργων αὐτοῦ ἀνάπαυσιν.*

id est: *Septimo quoquo anno remissionem agris de-*  
 dit,

dit, intactosq; aratro & plantatione esse iussit, quemadmodum iam antè populo septimâ quaque die remissionem à laboribus dederat. Quàm verò ea Remissio, siue ἀνῆσις, Telluri subinde necessaria sit, omnium seculorum experientia docuit. Sicut enim assiduis laboribus exhausti homines interpositâ cessatione vigorem accipiunt, viresque amissas recuperant; ita etiam communis hominum parens, modicâ quiete respirans, τὴν ἀνῆσιν δύναμιν ἀνακλίνεται (ait Philo) μέχρι παιτιλῆς ῥῆμης, ἢ τ' ἀρχῆς πάλιν τῆς τῶν ὁμοίων γένεως τροφῆς ἀφθίως ἀπά-  
 ταις ζῶαν ἰδίῃς ἀναδιδύσκει. id est: ad antiquum robur virtutemq; reuertitur, ac, veluti prius, larga similium frugum incrementa omni animantium generi benignissime suppeditat. Idem alibi scriptor Mosem laudat, quasi illud premium Telluri concesserit ut, pro multiplici foetu ac sexennali abundantia, quietem sibi Anni Septimi attributam haberet. Terra quietem etiam Poëtæ agnoscunt. vt Virgilius I. Georgicâ:

Alternis idem consas cessare nouales,  
 Et segnem patiēre situ durescere campum.

Et iterum ibidem:

Sic quoque mutatis requiescunt fœtibus arua,  
 Nec nulla interea est inarata grata terra.

Vbi Seruius Honoratus: Cum multa discat [Virgilius] remedia agrorum recreandorum, ante omnia posuit Intermissionem. Tibullus eadem phrasi, sed planè ad Hebraicum Ritus:

Luce sacrâ requiescat humus, requiescat arator,  
 Et graue suspensio vomere cesset opus.

Cessasse verò etiam ab opere Romanos Sacrorum Feriis eruditè, præ cæteris, ostendit Macro-  
 bius

Lib. quid  
 Idem ad  
 uictray

Lib. I. l. I.

bius Libro I. Saturnal. c. XVI. quem, si opus, studiosus Antiquitatis consulat. Corollarij vice subnectam Hesiodi, antiquissimi Poëtæ, de fortunatâ Heroum sede sententiam, quibus Terram suâ sponte, ter in anno, fructum proferre sic, tradidit:

Ολβιοι ἥρωες, τὸ τι μελιδία κερῶν

Τρίς τῷ ἔτις θάσσοντα φέρει ζείδωρος ἄρουρον.

Hoc est:

O fausti Heroes, queis dulcis germina fructus

Ter, quocumque anno, Tellus secunda reportat.

Idemque Vates ferreâ demum ætate ferreos homines enatos fingit, qui neque sibi neque Telluri parcerent, improbo labori, die ac nocte, continuò instantes.

Lib. I.  
ἔργων καὶ  
ἡμέρας.

## C A P V T V I I.

*IUBILEVM CHRONICVM: eo Anni supputati. Dionysia & Agones Sacri Graecorum; Lustra & Agones Capitolini Romanorum: Anni Semitâ, & Sabbatici Hebraeorum. Seculum Iubileum. γυνὰ Herodici XXV. Annorum.*



Vperest altera Hebraici IUBILEI pars, quod CHRONICVM appellauimus ἀπὸ τῷ χρόνῳ, siue à Temporum in Fastis ac Monumentis Publicis distinctione.

Quem Ritus apud Hebræos olim obseruatum

docuit me Eusebius Cæsariensis in Chronico, cum ad Annum Orbis conditi  $\infty$ .  $\infty$ . ita annotavit: *Principium XLI. IVBILEI secundum Hebræos. IOBEL autem apud eos Quinquagenarius annus vocatur. Itaque iuxta supputationem eorum ab Adam, vsque ad annum presentem, sunt anni  $\infty$ .  $\infty$ . Et iterum anno Septimo post mortem Moïsi: Principium LI. IVBILEI secundum Hebræos.* Vnde perspicuum fit distinguendis Seculis atque Ætatibus IVBILEOS annos, tamquam Solemne maximum, à Iudæis Chronologis adhibitos. Augustinus tamen Tornicius, Annalium Scriptor, parcius, immò vix, huiusmodi IVBILEORVM ærâ vsos putat, siue ex merâ cærimoniarum suarum negligentia, siue aliis de causis quas ad primum annum ingressionis in Terram Chanaan, quartâ Mundi ætate, diffusius explicavit. Rem tamen utilem, ac magno Veteris Historiæ bono & commodo futuram, si eam Tempora supputandi consuetudinem constanter tenuissent. Eorum vicem recentiores Hebræos uti putat Iosephus Scaliger Annis *Semitâ*, qui hodiè in locum Annorum Hebdomadiorum ipsis successerunt. Sicut enim magnâ Hebdomadè Anni Iubilei, ita & minutâ Anni Sabbatici in Annis distinguendis vsos vetustiores è Iosepho Historico potissimum colligitur, bella quædam & obsidiones iis annis gesta subinde observante. Vtriusque autem Anni Iubilei ac Sabbatici Æram, ab anno primo ingressionis in terram promissam rectius computari, paulò infra probabimus: etsi varij variè dissenserint. Equidem ut Hebræorum Chronologi,

Lib. 1. de sm.  
Temp.

logi, de Eusebij sententiâ, tempora per IUBILEOS & SABBATICOS. ita Græcorum per DIONYSIA primùm, deinde per OLYMPIADES ac PYTHIADES, Sacros Agones, distinxere. De Dionysijs Suidæ testimoniū est in hac voce:

ἡλικὴν Ἀττικῶς λέγουσι τὸ ἐπὶ τῶν ὑπερπλήθοντα ἔτη ἀπὸ τῶν Διονυσίων. Id est: *Moris fuit Atheniensibus,*

*annos & eorum numerum ducere a sacris Dionysiacis.* De sacris Agonibus notiùs est quàm vt testimoniis firmari egeat. Hanc consuetudinem, vt

multa alia Græcorum, æmulati Romani Vereres *Lustris* primùm *Censorius*, deinde *Agonibus*

sive Certaminibus *Capitolinis* seriem Temporum annotant. Porro IUBILEI voce *Annum*

etiam *Quinquagesimum* intelligi, è laudatis Eusebij verbis, & qui cum secui sunt Ioanne Fun-

gero, Georgio Crucigero, aliisque eruditis viris affirmari posse videtur: neque apud Hebræos

modò, sed etiam Chaldæos, apud quos, voce paululum mutatâ, IOBILHA nominatur. Ne-

que Annus modò ipse, sed spatium illud quod Quinquaginta Anni defluentes conficerent, eadem

voce Hebræis appellatur. Quâ ratione שַׁבָּת

SABATH in Diuinis litteris pro Hebdomadæ cuiusque finæ, & ipsâ Hebdomadâ

sumi peritiores obseruarunt. Inde quod ait Pharisæus, apud Lucam, iactabundus: *vnus dies tui ieiuno bis in*

*Sabbato*; sic accipiendum, vt bis in Hebdomade se ieiunare gloriatur. Quod etiam est

apud Euangelistas, *μία σαββάτων*: sic exponunt, vt primam Hebdomadæ diem intelligant: eam

scilicet, quæ festum SABBATI diem consequitur. Annus quoque *Semita*, iuxta Scaligerum,

In Vocabulog.  
in Hæm.  
Linguarum.

ieiuno bis in  
Sabbato.

vnus Sabbat.  
u.



M. J. C. C.

non solum annum quemque Septimum recen-  
 tionibus Hebræis, sed & ἑπτα, annorum ἑβδομάδα,  
 siue spatium Septem Annorum integrum re-  
 tundumque complectitur: quale spatium etiam  
 SABBATVM ANNALE dictum vetustioribus  
 Franciscus Ribera, in Rebus Sacris Hebræo-  
 rum, super annotauit. Annus autem IVB-  
 LEVS, qui quadam ratione ἑβδαίων ἑβδαίων  
 erat, ἡ ἑβδομάς ἑβδομάδων, tamquam vniuersi  
 temporis plenitudinem in se continens, optimâ  
 ratione SECVLVM in Diuinis Libris vocatur:  
 nominatim Exodi XXI. cap. his verbis: *Quod si  
 dixerit seruus. Diligo Dominum meum, & uxorem  
 ac liberos, non egrediar liber: offerat eum Dominus  
 Diis, & applicabitur ad ostium, & postes, perfora-  
 bitque aures eius subula, ET ERIT EI SERVVS  
 IN SECVLVM.* De quo eius loci sensu ita Isi-  
 dorus Lib. V. Originum: SECVLA generationi-  
 bus consistunt, & inde Secula quod sequantur. Ab-  
 euntibus enim aliis alijs succedunt. Hunc quidam  
 Quinquagesimum Annum dicunt, quem Hebræi  
 IVBILEVM vocant. Ob hanc causam & ille He-  
 bræus qui propter uxorem & liberos amans Domi-  
 num suum aure peruersâ seruitio subiugatus seruire in  
 seculum iubetur, hoc est, vsque ad Annum Quinqua-  
 gesimum. Vbi quid sit generationibus consistunt non  
 adeò capio, nisi fortè quatuor γενεα intelligan-  
 tur, siue minora Secula xxv. Annorum, Cen-  
 tenario Seculo Magno comprehensa, iuxta opi-  
 nionem Herodici Philosophi apud Censori-  
 num; etsi, ex opinione aliorum, (quam & hic  
 fortè Isidorus tangit.) Generatio vnaquæque  
 centum annorum spatium, quod humanæ vitæ  
 lon-



longissimum putant, atque certissimum, comprehendat. Vnde & M. Varro doctissimus omnium Togatorum: *Seculum* (inquit) *spatium annorum centum vocarunt, dictum à Sene, quod longissimum spatium senescendorum hominum id putarunt.* Censorinus ita distinguit vt *Seculum Naturale* sit spatium humanæ vitæ longissimum partu & morte definitum; *Ciuile*, quod Centenario annorum orbe tranligitur. Porro vti in *Seculo* definiendo non vna omnibus sententia est, ita neque *Aetatis* aut *Aevi* eadem vbique significatio. Ait enim Isidorus: *Aetas pleraq; dicitur & ibidem* pro vno anne, vt in *Annalibus*; & pro septem, vt hominis; & pro centum, & pro quouis tempore, quod de multis seculis instruitur. *Aeuum* etiam pro humanâ vitâ, & longissimo quouis tempore, pro ipsa denique Aeternitate apud omne scriptorum genus indifferenter accipitur, & usurpatur. Cum ergo in Mosaicâ lege Bina IVBILEI secula centenario quoque Annorum gyro clauderentur, duas Legum Tabulas mysticè referentia; meritò CHRISTIANAE FELICITATIS tempore, cum Sacrum DEI EVANGELIUM quaternis scriptum voluminibus in quatuor orbis partes propagatum est, Quaternâ Gratiae ac Remissionis SECVLA singulis redeunt Centenariis, xxv. Annorum spatii definita: quo spatio, ex Herodici sententia, Orbem vnius Aetatis explemus, ac *Natura humana à sementi ad sementem reuertitur.* Verè corrupta nostra Natura Anno Seculari à sementi ad sementem reuertitur cum relictis veteris nequitiae & impietatis operibus sementem Poenitentiae concipit: de

Psal. 115.

Psal. 50.

Gen. 11.

quâ seminatione Regius Propheta: *Qui seminant in lacrymis, in exultatione metent.* cum pariter Verbi Diuini semen corde contrito & humiliato recipit, vt fructum afferat sexagesimum ac centesimum, Deo gratum & acceptum, in labore ac patientiâ: cum denique à sementi odij, iracundiæ, peruiticiæ, vindictæ, ad sementem Pacis, Concordiæ, Benignitatis ac Clementiæ, pessimum etiam quemque, Diuinæ Gratiæ aspirante Fauonio, perducere videmus. Quam verè admirabilem Metamorphôsin olim prædixerunt, Isaias cap. xxxv. *Latabitur deserta, & inuia, & exultabit solitudo, & florebit quasi lilium.* Et iterum: *In cubilibus in quibus prius dracones habitabant, orietur viror calami & iunci.* Et Regius Propheta Psal. LXIV. *Benedices corona ANNI BENIGNITATIS TŪÆ, & campi tui replebuntur vbertate. Pinguescent speciosa deserti, & exultatione colles accingentur. Induti sunt arietes ouium, & valles abundabunt frumento. Valles scilicet per insignem Poenitentiam & sinceram peccatorum expiationem in conspectu Domini, & Ecclesiæ eius Sanctæ, humiliatæ: ac proinde, Diuinâ superabundante Gratiâ & Indulgentiâ, repletæ. Faxit summus ille Agricola ne in nouitiis agellis veniens inimicus homo superseminet zizania, & sementem Patrisfamilias odiosâ molitione perturbet.*

Gen. 19.

## CAPVT, VIII.

*IUBILEVM apud Hebraeos quando primò celebratum: item Annus Septimus Remissionis. Vtriusque Epochæ inuestigata, & ratio supputandi.*



Ic verò nobis disputandum occurrit (quod magna etiam Ingenia exercuit) de Annis Sabbatico ac Iubileo quando primùm celebrati sint, de quæ legitimis ac veris eodem supputandi modis. In quâ re tanta hæc ænus opinionum *diſcrepantia*, tanta sententiarum diuersitas fuit, vt Plautinæ illud Pœnoli iure hîc vsurpare quis possit:

*Hæc quidem pol, credo, nisi Sibylla legerit  
Extricare alium arbitror posse neminem.*

Dum enim alij LXX. Interpretum sententiam secuti, alij Hebræam Chronologiam præferre maluerunt; non vnus modò aut alterius Anni, sed multorum sæpè seculorum discrimine à se inuicem dissentiant. Itaque minutâ & exactâ de Orbis conditi Epochâ disputatione prætermisâ, à quâ incertitudo omnis nascitur; & de quâ nihil certi pronunciari posse viri eruditissimi credunt; illud tantum inquiremus quoto ingressus in Terram Promissionis anno primus Sabbaticus, quoto Iubileus, è Diuina Auctoritate, obseruatus sit. De Mundi ergo Annis in desperato,

to, vti multi putant, negotio nihil affirmo; illud tamen pro certo affirmari potest populum Israëliticum quadraginta annorum curriculo, incertis sedibus vagatum, prolixa tertæ Chanaan desideria in deserto, sustinuisse. Quod cum ex variis veracissimæ Scripturæ locis, tum isto sigillatim Num. c. xlv. insigniter comprobatur: *Filij vestri erunt vagi in deserto annis quadraginta, & portabunt fornicationem vestram, donec consumantur cadauera patrum in deserto; iuxta numerum XL. dierum quibus considerastis terram. annus pro die imputabitur.* Huius etiam rei in Diuinâ Scripturâ veritatem, quæ aliis tamen *Gen.* testimoniis non eget, ex Annorum vitæ Moïsis & Aaron, eius populi Ducum, ratione Augustinus Torriellus in Annalibus Sacris argutè collegit: quem, si libuerit, videbis. Causa tantæ illhæ moræ ea est quam Diuinæ Litteræ passim, & locus è Libro Num. laudatus produnt, inobedientia eius populi ac ingratitude in DEVM commissa: parua etiam fides promissis eius sanctissimis sæpè habita, etsi à summâ Veritate nusquam fallerentur, & à manifesto rerum suarum discrimine, ærumnisque omnibus ac periculis, per continua fere Miracula, liberarentur. Excepto ergo Iosue & Chaleb nemo ultra xx. annos natus, Aegypto profectus, Iordanem transiit: Diuino Numine meritis à contumaci populo exigente pœnas, & horum pietati iusta præmia tribuente. Anno verò vltimo eius Peregrinationis, siue Erroris, in fine mensis vndecimi, quem Hebræi postmodum SEBETH appellârunt; siue, vt aliis traditum, principio insequentis ADAR, MOSES,

DEI

Ponit.

ad au. 219.  
di 1583.Num. 14.  
20f. 14.Joseph lib. 4.  
Antiq.  
Deut. 31. &  
34.

DEI iussu, in monte Abari è vitâ concessit; ætatis suæ anno cxx. qui fuit Annus Mundi, iuxta Torniellum, ∞. ∞. 10 LXXXI II. iuxta Eusebii & LXX. Interpretum sententiam, ∞. ∞. ∞. 10 CCXXX. iuxta alios alius. Insequentis verò anni principio, mensis Nisan die decimâ, (cuius mensis die decimâ & quintâ ab Aegypto olim exierant) populus in terram diu desideratam, transmissio Iordane flumine, primùm intrauit. Quo ipso anno cùm IOSVE F. NVN diuinis arbitriis indicandi ISRAELIS potestatem suscepisset, annisq̃ue post aliquot proelia Domini, contra rebelles terræ incolas, feliciter proelatus esset; demum præclaris obtentis victoriis, terraq̃ue in ditionem redactâ, ad diuidendam suam cuique Tribui hæreditariam portionem animum adiecit. Itaque quidquid cis Iordanem agrorum fuit Nouem Tribubus & dimidiæ Manasse sorte diuisit: duabus aliis cum reliquo Manasse præteritis, quod ij iam antè à Mose, trans fluuium, assignatas sibi sedes haberent. Porro annus ille κληρονομία, siue, Assignationis, quem ab Exodo XLVI. Scaliger, XLVII. Torniellus fuisse putant (nam aliorum exerrationes de industriâ præterimus) non is fuit à quo Sabbaticus ac Iubileus Anni computari cœpti; sed Annus ab illo proximus, qui primus in Terrâ promissâ ad γειργία, siue, agros excolendos, Israëlitas vocauit. Annus igitur SABBATICVS PRIMVS VII. à primo γειργίας, VIII. à primo κληρονομίας, LIII. ab Exodo, XIII. ab ingressu in Terram Chananæi fuit. Eadem verò de Anno IUBILEO, (nam eandem Epocham  
siue

agriculturarum  
diuisionis  
agrorum.

siue Æram habuerunt) est ratio. Inueniendi autem illorum Æram non minima etiam difficultas est: quam alij ab Exodo, vt Lælius Zechius; quidam à *γινεσθαι*, vt Scaliger; nonnulli à principatu Iosue, & ascensu in Terram Chanaan, vt Torniellus, Fungerus, & Ribera, deducunt. Mihi, si quid inter tot Lynceos, Cimмериis veluti in tenebris, palpare permissum: posterior sententia maximè arrideat: cui etiam Diuinæ Scripturæ testimonium, velut Ariadnæum filum, accedere videtur. Capite enim illo, toties laudato, Leuitici, Dominus præcipit: *Quando ingressi fueritis terram quam ego dabo vobis, Sabbatizet terra Sabbatum Domini*. Clariùs Deuter. c. xxxi. *Post septem annos, anno Remissionis, in Solemnitate Tabernaculorum conuenientibus cunctis ex Israel, vt appareant in conspectu Domini Dei tui, in loco quem elegerit Dominus*. quibus, & sequentibus verbis, Lektionem illam Solemnem Diuinæ Legis instituit, anno Septimo repetendam: de quâ initio agebamus. quæ verba paucis antè Hebdomadis quàm ingressuri erant in terram Chananæam à Prophetâ sunt dicta. Vt dubitandum non sit quin Anno ipso *τῆς κληρονομίας*, vel, qui ab illo proximus fuit, Primus SABBATICVS sit actus. Atque ita noua terra nouis habitatoribus assignata nouas ferias in ipsâ sui assignatione celebravit. Insigniter certè in Primo IVBILEO supputando lapsus Fungerus, Etymologici scriptor, qui eundem fuisse putat cum primo Ingressione in regna Chanaan, & quinto principatus Iosue Ducis. Nam vt alterum transeamus, in quo nullum, credo, adstipulatorem

latorem habet; alterum fanè concedere ei non possumus, cum diurnâ luce sit clarius statim à morte Moſis Iosue præſſe cœpiſſe, exequiſque illius peractis induxiſſe copias in Promiſſionis Terram, & ad obſidendam Hiericunta, tranſmiſſo flumine contendere cœpiſſe. Quâ ratione Annus ille qui mortem Moſis conſecutus (Quadrageſimusprimus, vti Torniellus putat, ab Exodo) & nouæ Hæreditatis gaudia Iſraelitis, & eorum Duci auſpicia dignitatis attulit. Quarum rerum certitudo præterea quæ apud Torniellum adferuntur partim ex Diuinarum Litterarum monimentis, partim è Fl. Iosepho ſub initium Libri V. Antiquitatum peti poteſt. Quâ verò ratione Anni Sabbatici ac Iubilei olim putarentur, eruditè ac perſpicuè Abulenſis docuit; cuius doctrinam Torniellus & Ribera, reiectis aliorum opinionibus, ſequuntur. Sic namque numeratos fuiſſe putat vt alter alterum non contingeret, ſed ſeparatim vterque & integrè numeraretur. Sicuti enim Hebdomade vnâ Annali elapſâ incipiebat altera Hebdomas computari; ita abſoluto Quinquageſimo quoque anno incipiebant alij Quinquaginta numerari. Atque ita tota temporum ratio apud Hebræos per Septenarios & Quinquagenarios commodè diſtingui poterat: ita tamen vt ſemper vterque numerus incorruptus remaneret. Alios ſupputandi modos diligens Lector apud nominatos Auctores, & de vtroque Anno curioſiora apud Scaligerum F. inueniet. Nos inſtitutæ breuitatis memores, omiſſis Temporū ſcrupulis, rem ipſam proſequemur.



## CAPVT IX.

*De origine CHRISTIANI IVBILEI qua-  
situm. antiquissimum illud videri, & ab  
initio nascentis Ecclesia. Nomen IUBI-  
LEI quando assumi cœptum. Vtriusque  
Iubilei comparatio: Nostri Symbolum in  
Arcâ Diluuy.*



Enimus ad CHRISTIANVM IVBILEVM, de cuius initiis non eadem omnibus sententia est. Quidam enim altius ea repetentes ab ipsis Ecclesiæ primordiis ducere non dubitant; alij verò, mediâ quasi viâ incedentes, à LYDORVM SECVLARIVM apud Romanos intermissione, aut CONSTANTINI MAGNI, qui primus eos celebrare contempsit, Imperij temporibus; multi denique, quasi minus antiquum, vltra BONIFACII VIII. tempora non extendunt. Mihi semper ea sententia verior visa, quam nostri temporis Scriptores maximè amplexi sunt, videlicet ab ipso ECCLESIAE CHRISTIANAE principio, in Vrbe Româ, Remissiones aliquas Plenarias indictas & obseruatas fuisse, quales deinde in ius redactas BONIFACIUS VIII. promulgauit, & CLEMENS VI. IVBILEI nomine affecit. Cui sententiæ stabiliendæ atque firmandæ illud adduci potest: olim vti solemnis ad *Apostolorum Limina*, singu-



singulis annis, Christianorum peregrinatio fuit, immodò Præsulibus Ecclesiæ per Constitutiones Pontificias antiquissimas iniuncta; ita singulis Annis Centesimis, ob Seculi *καταργησις*, Solemne aliquod fuisse quod cæteris & peregrinatum multitudinem ac numero, & cærimoniarum sanctitate, ac Gratiarum Spiritualium relargitione, celebrius esset atque præstantius. Quemadmodum Romani veteres, præter Statas cuiusque Anni Feras ac Sacrorum cærimonias, SECVLARE SACRVM habuerunt quod Centesimo quoque Anno, aut Centesimodecimo (vt aliis placuit) solemniter rediret: in quo omnibus Theatris Ludi exhiberentur, omnibus Templis sacrificaretur, & ad omnia Puluinaria dona ferrentur, ac supplicationes fierent. Quem fortè morem ab impio Deorum cultu ad Veri Numinis, ac sanctissimorum Ecclesiæ Principum venerationem, transferentes Romani Pontifices, vti multa alia auertendæ Idololatriæ, salubriter in Urbe Româ, statis Centenariis, obseruari præceperunt. Quam opinionem nostram ipsi adeò Romani Pontifices approbârunt, vt IOANNES PICARDVS, cognomento MONACHI, qui doctissimè BONIFACII VIII. de IVBILEO constitutionem interpretatus est, ex ipso BONIFACII ore se audiuisse testetur vnam hanc INDVLGENTIÆ MAXIMÆ, more maiorum, Centesimo quoque anno promulgandæ rationem animum eius permouisse. Quin ipsemet BONIFACIUS in suæ Constitutionis initio satis vetustatem huius rei innuit, cum *Antiquorum habere fidam relationem*, inquit, quod accedentibus

vide inf. c. 12.  
regeneratio  
nem.

centurio.  
Pal lib. 2.  
Herodian.  
Zosimus l. 2.  
aliq.



in Gloss. ad c.  
antiq.

AD HONORABILEM BASILICAM PRINCIPIS APOSTOLORVM DE VRBE concessæ sint magnæ Indulgentiæ & Remissiones peccatorum. ALBERICVS etiam ROSATENSIS, & ANANIAS, antiqui iuris Pontificij Interpretes, INDVLTENTIAS, quales BONIFACIVS VIII. publicauerat, antiquissimis temporibus in Ecclesiâ receptas fuisse testantur: earumque rerum vetustissima Diplomata vidisse se Romæ cum illam Anno seculari .ccc. l. inuideret, ROSATENSIS scriptum reliquit. BAPTISTES insuper PLATINA, in vitâ eiusdem Pontificis, sic loquitur: *IVBILEVM quoque idem retulit Anno Millesimo trecentesimo, quo plenam delictorum omnium remissionem his præstabat qui Limina Apostolorum visitassent.* quo genere loquendi satis ostendit instituisse eum tantum Indulgentiam illam, non verò instituisse aut primum in vsum Ecclesiæ induxisse. *Referimus enim quæ iam ante nos in vfu fuerunt.* Quâ loquendi ratione vsus etiam Censorinus de LVDIS SECVLARIBVS, longè ante sua tempora seruatis: *Temporum, inquit, interualla quibus Ludi isti debeant referri non modò quanta fuerint retrò ignoratur; sed ne quanta quidem esse debeant sciunt.* Iuxta BONIFACII testimonium (quod sanè *àuctoritas* est; primus enim IVBILEI Formulam Decretis addidit, eumque eruditissimum fuisse temporum ipsius Annales testantur) aliud quoque fide dignissimum est CLEMENTIS VIII. Pontif. verè OPT. MAX. qui in suo Diplomate SECVLARIS IVBILEI, ritum hunc ab initio nascentis Ecclesiæ originem duxisse asseuerat, quo accedentibus ad Basilicam Principis

in Didion.  
verbis,  
Iubileum.

640 diguam.

pis Apostolorum Priuilegia, ac Remissiones criminum vberiores, concederentur. De quo Ritu nos ipsi in processu huius Commentarij paullo diffusius quædam exsequemur. Ad fertæ à nobis sententiæ veritatem luculentò exemplo etiam firmat MARTINVS NAVARRVS I. C. nobilissimus è IACOBO CARDINALE, vetusto item scriptore. Narrat enim Anno Seculari 600. CCC. ingentem multitudinem ex longinquis & diuersis regionibus confluisse in Urbem Romanam, ad sacram B. PETRI Basilicam visitandam: cuius rei causam afferebant Centesimi Anni tempus, quo omnium culparum sordes abluerentur. & tunc prouectæ ætatis hominem fuisse qui recordaretur Patrem suum superiore Seculo in Urbem ad hoc solemne venisse: à quo etiam admonitus fuerat vt, si ad futuri Centesimi tempus perueniret, paterno exemplo commotus peregrinationem eam susceperet, tantique beneficij particeps fieri satageret. Addit ex eodem Nauarrus, *multos tum ex Gallis, tum ex Italis, superstites fuisse qui eandem rem meminissent.* Laudabilem senex ille pietatem, si Gallus fuit, haurire potuit à sanctissimo Francorum Rege D. LUDOVICO, qui pariter ex hac virâ cessurus, inter alia præcepta quæ Filio Heredi reliquit, hoc quoque adiunxit, auctore Gaufrido, vt Indulgentias, à Sede Apostolicâ concessas, semper expeteret studiosè. Quare non iniuriâ *ιταδοξου* quorundam commenta, & ipsius POLYDORI VERGILII (si modò ipsius est; nam Germanus quidam Polymnestor eius famam trucidauit.) *αβελψιου* reiicimus, qui non modò

*Notab. 1. de  
Iub. n. 10.*

*Hæreticos  
designo.*

*inconfide-  
rantiam,*

IVBILEI STATI BONIFACIUM auctorem, sed INDVLGENTIARIi Ritus inuentorem, asserere non erubescunt. Enimuerò etsi res ipsa apud Orthodoxos antiquissima est, IVBILEI tamen nomen serius receptum, neque ante tempora CLEMENTIS VI. Pont. qui Annum Quinquagesimum sacrauit, vsurpatum legimus. Exemplum scilicet imitato Pontifice Anni Remissionis & Gratiae apud Hebræos, qui Christiani IVBILEI *typum* aliquem gessisse videtur. nisi rectius *similitudinem* dicere conueniat; cum Typus Veteris IVBILEI in die Quinquagesimo PENTECOSTES à sacrâ DOMINI Resurrectione expletus sit: vt à doctissimo NAVARRO eruditè obseruatum in Commentario de Anno Iubileo. Fatendum tamen, cum eodem Nauarro atque aliis, non parum similitudinis inter vtrumque IVBILEVM reperiri. Quemadmodum enim in HEBRAEO terra à culturâ cessabat, & gratâ laboris intermissione fruebatur; ita ab omnibus orbis Terræ partibus in Urbem concurritur, vt ibi Christiani veram animorum quietem, à lassitudine viæ iniquitatis inueniant. Et quemadmodum in illo Æs alienum remittebatur, nexi & compediti soluebantur; ita nunc *vincula criminum dirumpuntur*, & *chirographum decreti, contrarium nobis*, per merita crucis CHRISTI, ac Sanctorum, in Asylo Romano deletur. Et sicuti exules Anno Sacro ad natalem terram ac familiam redibant, agrique veteribus possessoribus reddebantur; ita quisquis, filij prodigi instar, longè à paternâ domo profectus substantiam omnem absumpserit, in gratiam recipitur; stolâ

*s. Fulgentius  
de Pen. &  
Rem.*

*Mat. 4. u. 1.  
& 2.*

*Isa. 7.*

*Psal. 119.  
Col. 2.*

*Luc. 15.*

stolâ nouâ Innocentiæ induitur; Vitulo saginato  
 S. SYNAXEOS reficitur; & in adoptionem Fi- Rom. 8.  
 liorum Dei, vnde exciderat; cælestisque Paradi-  
 si portionem Hereditariam restituitur. Meritò  
 ergo Annus IUBILEVS noster PLACABILIS DOMINO  
 vocabitur, in quo *Vnctus ille Domini, & San-*  
*ctus Sanctorum*, per Vicarium suum Romanum  
 Pontificem, toto orbe terrarum prædicat *Medi-* Isaia 61.  
*cinam contritis corde, captiuis indulgentiam, & clau-*  
*sis apertionem:* Meritò ob easdem causas Annus  
 LIBERTATIS, & REMISSIONIS: Meritò Annus  
 GERMINANS, ac FRUCTIVOSVS, in tam vbere Priui-  
 legiorū ac Gratiaē prouctu: Meritò deniq; Annus  
 SANCTIFICATIONIS dicitur, in quo per saluta-  
 rem Metancæam, ac eximiae Pietatis & charitatis  
 opera, mundati à sceleribus Christiani sancti  
 Deo suo, & accepti Sanctorum communioni  
 redduntur. Fortunati huius Anni Symbolum  
 præclarissimum inuenio in Noxi Arcâ, quæ  
 ccc. cubitos Longitudinis, l. latitudinis, xxx.  
 altitudinis habuisse memoratur. in quâ nume-  
 rus Quinquagenarius Sacrae Libertatis myste-  
 rium; Latitudo verò, cui dicatus est, *dilatatio-* Psal. 118.  
*nem cordis* apud gaudentes Christianos, siue  
*dilatanda charitatis spatia* Anno Iubileo, arcanâ D. August.  
 quadam ratione, significat. Porro Noxi Ar-  
 cam Ecclesiæ Catholicæ Typum gessisse, extra  
 quam regnante Diluuiò nulla reperitur salus,  
 certissima Patrum auctoritas est. Nauarchus  
 illius Noxus, siue Noë, qui & fabricator, Diui- Gen. 7.  
 nis imperiis fuit, OCTAVVS, & PÆCO IUSTITIÆ,  
 & QVIES dictus, septem sibi animabus electæ 2. Petr. 3.  
 familiæ adiunctis. An non hodie alium NOE phil. lib. 4.  
Abrahamo.

Vniuersitatis

Felix praefatium.

inuenisse videntur Christiani OCTAVVM VRBANVM, PRÆCONEM IVSTITIÆ, PRÆCONEM & GRATIÆ, Naui Ecclesiæ feliciter præfidentem: hoc est, Arcæ illi Sanctissimæ præfectum, in quâ septem animæ, siue vniuersus credentium Numerus, Septenario τὸ ὀκτώπηλον indice comprehensus, QUIETEM inueniunt, & in mediis turbulentis maris fluctibus ad Portum Salutis tuto diriguntur? Inuenerunt certè, eamque FELICITATEM temporibus suis imputent, Divinæ Clementiæ gratulati quæ talem in communi necessitate Orbi Patronum, Ecclesiæ suæ Præsidem prouidit, qui non modò in fluctibus regere, sed & ipsos componere, pacalemque oliuæ ramum extincto bellorum cataclysmo (quod vouemus, & speramus) portendere possit. Cuius Voti iuxta versiculis nostris, veluti sponsoribus, absoluiam:

*Hoc Duce, quæ nostri superabant crimina sacri,  
 Diffugient terris: positis iam milior armis  
 Agnoscat Latios felix Germania fasces,  
 Casareaſq; aquilas: iam duri bella Bataui  
 Odisse incipient: toto Furor impius orbe  
 Cedit, & aetheriis viſet Pax aurea regnis.*

## CAPVT X.

*INDVLGENTIAE nomen Latio familiar-  
re. quo hodie sensu Christianis usurpa-  
tum. De Satisfactione, Igne Purgatorio,  
Thesauro Ecclesie, Clauium Potestate  
quedam è doctrinâ Orthodoxorum pro-  
lata.*



VM IVBILEI & INDVLGENTIARVM  
eadem origo sit, neque alio quàm  
istarum nomine olim censerentur,  
vulgoque à Scriptoribus com-  
muniter explicari selesant; ope-  
ræpretium fortasse erit si, de INDVL-  
GENTIARVM ac REMISSIONVM apud Ortho-  
dos Auctoritate, & Antiquitate, pauca in me-  
dium attulero. Pauca, inquam, vt in re iam sæ-  
pius actâ, & à viris Magnis, Sectariorum an-  
tagonistis, minutissimè solidissimeque disputa-  
tâ. INDVLGENTIAE nomen ( nequis sciolus aut  
morosus, vt barbarum & ineptum, hoc sensu,  
aspernetur) ab Imperatoribus ac veteribus I.C.  
ita usurpatum est, vt Remissionem quamdam  
ἡμερολογίων criminum, publicæ ferè lætitiæ causâ  
concessam, propriè ac solemniter significaret.  
Vnde Titulus est in Codice Theodosiano *de  
Indulgentiis criminum*, in quo nominatim Lege  
tertiâ, vt obseruat Bellarminus, Remissio quoad  
pœnam Legibus debitam INDVLGENTIA voca-

*l. Luc. ff. ad  
S. C. Turpil.  
c. l. Indulg.  
c. de gen.  
abol.  
generalem.*

*l. de Indulg.  
c. 1.*

*Hub. Goltzius  
Theol. Anst.*

*Hub. Goltzius  
Theol. Anst.*

tur. Eas condonationes INDVLGENTIAS etiam vocat Ammianus Marcellinus Lib. xvi. & Optatus Mileuitanus Lib. ii. aduersus Parmen. his verbis: *Tempestas persecutionis peracta est, & definita est, iubente Deo, Indulgentiam mittente Maxentio.* Quare Imperatores qui huiusmodi rerum liberales essent, scribebantium adulatione, INDVLGENTISSIMI PRINCIPES, in Veteribus Monimentis quandoque nominantur. Hanc igitur vocem mutuati inde Theologi, & I. C<sup>ti</sup>. nostri, INDVLGENTIAM vocauerunt, *Pæne temporanea Deo ob peccata nostra debita, extra Sacramentum Pœnitentie, factam relaxationem; sic tamen vt Diuina Iustitia per applicationem Meritorum, quæ Thesauro Ecclesiæ continentur, satisfiat.* Quæ definitio etsi per se satis clara sit, utpote à magno illo Ecclesiæ lumine Cardinale Bellarmino ferè mutuata; clarior tamen fiet si naturam ipsius SATISFACTIONIS, vnde rei Indulgentiariæ maxime pendet explicatio, breuiter exposuerimus. Duo omninò Mala esse fatentur Theologi quæ è peccato originem suam ducant: hoc Maculæ, siue *Culpæ*, illud Supplicij, vel *Pæne*, ipsorum Scholæ appellant. In confessione quidem delictorum coram Sacerdote, Christi Vicario, legitime factâ à Maculâ, vel Culpâ, Christiani expurgantur; eademque operâ à pœnâ æternâ, cui fortè erant obnoxij, liberantur; euenit tamen sæpissimè vt remissâ culpâ, & æterni ignis punitione sublatâ, Pœna quædam temporanea Deo soluenda permaneat, ad quam opus sit Satisfactionis adiumento. Quæ nisi fiat in mortali hac vitâ siue per nos, siue per Ecclesiam nostro nomine;



mine; Ignis purgatorij supplicio, in alterâ necessariò eluenda. Et in hac quidem vitâ, in quâ *Tempus acceptabile est, & dies salutis*, parvâ sæpè 2. cor. 6. opêrâ Pœnitentiæ impensâ, Sacrificiæ Remissionibus in subsidium assumptis, magnos cruciatus euadimus; in alterâ verò, quæ *nonissimum quadrantem* Matth. 5. exigit, magnis cruciatibus parua lucemus peccata, & ab iniquitatis, etiam minimæ, scoriâ ad purum purgabimur, & excoquemur. Quare terribiles istos Prophetarum locos in eum sensum adducit Magnus Augustinus, Lib. 20. de Civ. d. 25. Isaïæ IV. *Abluet Dominus sordes filiarum Sion, & sanguinem Ierusalem lauabit de medio eius, in spiritu iudicij, & in spiritu ardoris.* Malachiæ III. *Ipse quasi ignis conflans, & emundans argentum, & purgabit filios Leui, & colabit eos quasi aurum & argentum.* Idè fortissimus CHRISTI testis D. Cyprianus, felices eos existimabat qui acerbissimi etiam Martyrij pœnis toleratis, ignem illum expiatorium euaderent: ac si aliquis obolo vno numerato talentorum aliquot impensam redimeret. Verba ipsius sunt è Libr. IV. Epistolarum: *Aliud est longo dolore pro peccatis cruciatam emundari, & purgari diu igne; aliud peccata omnia passione purgasse.* Ignis certè illius pœnam omnibus pœnis ac suppliciis, quæ in hac vitâ tolerari possint, longè grauiorem esse, atque acerbiozem, ex Veteri Ecclesiæ Traditione, & SS. Cypriano, Augustino, Gregorio, Hilario Arelatenfi, V. Bedâ, aliisque Ecclesiasticis Scriptoribus, Theologi nostri adfirmant. Quamobrem nihil mirandum si tormenti huius acerbicatem leniri sibi petat Prudentius, pius & eruditus Poëta.

*in fine Hæ-  
matag.*

At mihi Tartarei satis est si nulla ministri  
 Occurrat facies, auida nec flamma gehennæ  
 Deuoret hanc animam,mersam fornacibus imis;  
 Esto cauernoso, quia sic pro labe necesse est  
 Corporcâ, tristis me sorbeat ignis Auernor:  
 Saltem mitificos incendia lenia vapores  
 Exhalent, astuq; calor languente tepescat.  
 Lux immensa alios, & tempora vineta coronis  
 Glorificent; me pœna leuis clementer adurat.

lib. 4. de  
 cons.

Seuerinus quoque Boëtius (quod nescio an ha-  
 ctenus obseruatum sit) verbis Diuinæ Philoso-  
 phiæ, magna animarum supplicia post defunctum  
 morte corpus relinqui asserit, quarum alia pœnali  
 acerbitate, alia purgatoriâ clementiâ exerceantur.  
 Vbi duo notabilia ~~et videnda~~ consideranda sunt,  
 Magna supplicia, & Purgatoriâ clementia. Suppli-  
 ciorum enim magnitudo ea est in Igne, quam  
 diximus; clementia verò Dei etiam illhic, quod  
 animæ illæ ~~consumptæ non sint~~, absque vllâ spe, nec  
 æternis ignibus, prout fortè meruerant, deputa-  
 tæ. Rideant hæc & subsannent substrictâ nare  
~~donnatores~~ quidam, & argutuli (vt sibi videntur)  
 Sæctarij nostri æui quasi anile delirium, aut  
 somnij interpretamenta, vel fabellam aliquam  
 (vti ludere ipsis liber) è Platonicis subsellis cō-  
 fictam; illi, inquam,

in speciem  
 sapientes. —

— qui stultitiam nauscant,

Et, vt putentur sapere, cælum vituperant.

Rideant verò miseri, subsannent, vituperent;  
 ego cum vniuersâ Ecclesiâ, quæ hanc doctri-  
 nam constanter semper tenuit, & cum talibus vi-  
 ris, bonisque omnibus, anilitatis, vel, si quid de-  
 terius est, accusari ab ipsis malo, quàm inter

Thale-

Thaletes eorum aut Solones fatuæ Sapientiæ nomine cenferi. At si quis fortè ex isto numero, Dei miseratione, relapsens, & ad se rediens, pharmaca quæreret pestiferæ opinioni amouendæ; is ea videat quæ è S. Scripturæ libris, Veterum Conciliorum ac Patrum auctoritate, de *Purgatorij Ignis* supplicio, Franciscus Turrianus Libr. pro Canonib. Apostolor. iv. Boëtius Epo in Appendice Syntagmatis de Indulgentiis, Ioannes Garetius in Assertionem suâ, Cardinalis Bellarminus in Controuersis, Gregorius Valentia in locis Theologicis, & alij quamplurimi scriptores Orthodoxi tradiderunt. Huic supplicio cuitando, vel emolliendo, *res ingenuitatis* Satisfactio-  
nis. medium ab Ecclesiâ Sanctâ proponitur: cuius præcipua opera illud Raphaelis Archangeli dictum in Historiâ Tobie complectitur: *Bona est Oratio, cum Ieiunio, & Eleemosynâ.* cap. 12. Sicut enim auium corpora duarum remigio alarum librantur, ac sursum tendunt; ita Oratio, quæ instar Aquilæ, volucrum Reginæ, altissima petit, ac *elevatio mentis in Deum est*, Damas. lib. 2.  
Orth. fid. c. 4. feliciter subuolat si duabus illis alis appositis sustentetur, & à terrâ eleuetur. At verò cum, è vulgato Iurisconsultorum pronunciato, *Pœna debeat respondere delicto*; sit sæpenumerò ut grauissimis peccatis commissis vix leuiter Deo offenso satisfiat: siue id animi socordia impediatur, seu corporis imbecillitas, aut vitæ huiusce breuitas animi promptitudinem interrumpant. Manet ergo obærata Deo anima, & quamuis ob Sacramenti Pœnitentiæ virtutem æternas pœnas euadat; cælesti tamen Gloriæ, propter adhærentem sibi labein, adhuc transcribi

transcribi non potest. Quorsum igitur fugiendum in tanto periculo, cuiusue tunc auxilium, aut subsidium, implorandum? MATRIS scilicet BENIGNISSIMÆ, ECCLESIAE ROMANÆ CATHOLICÆ, quæ, Filiorum inopiam aut imbecillitatem miserata, ipsa pro Filiis satisfacit, impensis incomparabilis illius Thesauri diuitiis, quem ex Sanguine Redemptoris, Deiparæ Virginis, Iustorumque omnium Meritis collectum, velut *Sanctus* quoddam *Aerarium*, aut *κλῆμα κλημάτων* possidet, in publicâ necessitate per Supremum Sacerdotem liberaliter dispensandum. De quo verè pretioso Thesauro GREGORII XIII. PONT. MAX. *τὴν παρατίττω* verba pretiosa proponam: Dominus (inquit) ac Redemptor noster IESVS CHRISTVS, qui pro ineffabili charitate suâ serui formam accipiens, acerbissimam Crucis mortem subire dignatus est, ut Deo Patri genus humanum reconciliaret, atque in sortem hereditatis aternæ vocaret; volens nostra plenius succurrere imbecillitati, & donum hoc pretiosissimo ipsius SANGVINE copiosius communicare; ne lapsis, post Regenerationis lauacrum, opportunum eiusdem Diuina Misericordia deesset subsidium; B. PETRO Apostolorum Principi, eiusque deinceps successoribus, suis in terris Vicariis, sanctæ CATHOLICÆ ROMANÆ prepositis ECCLESIAE (quæ CÆTERARVM OMNIVM CAPVT, MATER, ET MAGISTRA est) potestatem dimittendi peccata plenissimam reliquit: ac THESAURO præterea immenso Meritorum eiusdem Passionis, cui etiam Gloriosissima semper Virginis MARIE, omniumque Sanctorum Merita accedunt, idcirco ditantis Ecclesiam, Sponsam suam: eumque prædictis B. PETRO,

in Diplom.  
Anni 1575.  
Anno.

TRO, & successoribus dispensandum commisit, ut ex eo ceteri Fideles pro temporalibus pœnis, ex remissis culpis sapius remanentibus, ad satisfaciendum adiuti, ad percipiendos celestis Gratia fructus expeditiores redderentur. Quæ idcò liberaliùs adscripsimus quòd doctrinam de Ecclesiæ Thesaurò, immensis aliorum voluminibus clausam, breuiter ac eleganter aperiant; pondus etiã habeant ab illo prolata, cuius labia custodierunt scientiam, & *Malab. 3.*  
 è cuius ore, tamquam Sacerdotum Sacerdotis, ac Diuinarum rerum interpretis summi, Legem meritò requirimus. Enimuerò Thesaurum illum immensum, ut cum GREGORIUS appellat; inconsumptibilem (sicuti à CLEMENTE VI. in Cō- *Extran. Vobis- gen. de Pen. & Rem.*  
 stitutione illâ pulcherrimâ vocatur) solus ROMANVS PONTIFEX, tamquam DEI IN TERRIS VICARIUS, AC LEGITIMVS PETRI SVCCESOR, dispensandum, fidelibusque per Ecclesiæ Sacramentâ dispertiendum; solus Ligandi atque Soluendi Potestatem primariam, clauisque regni celestis accepit. Quam Potestatem etiam nullo non tempore Põtificalis Dignitas in cœtu Fidelium exerceat, Anno tamen illo plenæ Remissionis, ac solidæ Libertatis, Anno, inquam SACRO IUBILEO conscientiarum vincula liberalissimè soluuntur, omnisque Fons gratiarum ac celestium charismatum largissimè aperitur. Solis tamen credentibus aperitur; dicente oraculo illo Byzantino: PETRVS à FILIO, *Christ. in Act. Apost.*  
*super omnes qui FILII sunt, potestatem accepit, non ut Moses in gente vnâ, sed in vniuerso terrarum orbe, istis FILII verbis: PASCE OVES MEAS. Cui Magni Augustini testimonium adiungam ex Orbe nostro*  
*Serm. de 88. Apost.*  
 Occi-

Occidentali: *Quis plebeium Piscatorem* [ de PETRO loquitur] facile crederet Principem Regibus obfistere, Reges sanctificare, Regnis omnibus imperare, Mundum frenare legibus, Dæmones calcare sub pedibus, iubere virtutibus, talum hominibus aperire cum vellet, claudere cum placeret: immortale regnum conuersis donare, negare peruersis: merita Mundi cognoscere, culpæ & crimina hominibus relaxare! O inestimabilis, ô immensa potestas! hominem in terrâ positum tenere cælum! ecce ad natum PETRI Diuini Verbi claustra patefciunt. accepit enim clauis regni calorum a CHRISTO vt, soluis vinculis delictorum, aperiret credentibus cælum. Age igitur quisquis pius, quisquis Orthodoxus, qui cathedra

*Petri* communione sociaris, inestimabili hoc bono frui, Deo gratus esto. Tu verò quem, veteri & inextricabili nexu, vel criminum compedes obstrictum tenent, vel impietatis aut Hæreseôn laquei præfocant, & strangulant; excute iniquitatis iugum, & ad adiutorium Romanam confugiens, Diuinâ si fortè miseratione liberatus, iubilum illud Dauidicum incine: *Anima nostra sicut passer erepta est, de laqueo venantium. Laqueus contritus est, & nos liberati sumus. Adiutorium nostrum in nomine Domini, qui fecit cælum & terram. Adiaua, ô Magne Deus, cæli & terræ formator, cordium reformator; ac Votum hoc miseris istis prospera & fortuna.*

*Hieronym. ad  
Dam.*

*Inimicitia-  
tem.*

*Psalm. 115.*

## CAPVT XI.

*Antiquitas INDVLGENTIARVM ac REMISSIONVM ampliùs adserita . Discrimen inter has non rectè positum . Martyrum Libelli Lapsis dati . Quid fuerit Pacem exorare ab Ecclesiâ. INDVLGENTIAE olim variè appellatae. STATIONES GREGORIANAE, sed GREGORIO fortè antiquiores.*

**I**NDVLGENTIARVM vsum, quem Sectarij ferè omnes nostri æui, vt nouitium & nuper natum commentum, explodunt, iam ab ipsis Ecclesiæ incunabulis constanter in eâ viguisse ex probatis S. Scripturæ testimoniis, & Sacris Maiorum Traditionibus, constat. Nam (vt ea prætermittam, quæ ex Veteris etiam Testamenti Libris, & Historiâ Euangelicâ, isthuc spectantia afferuntur) de Corinthio incestuoso apertum D. Paulli testimonium est, cui Indulgentiam ipsius delicti, citra plenam tamen satisfactionem, meritis suis & Ecclesiæ ei applicatis, misericorditer concessisse declarat. Verba Apostoli sunt hæc: *Cui autem aliquid donastis, & ego: nam ego, quod donavi, si quid donavi, propter vos, in personâ Christi, vt non circumueniamur à satanâ.* Atque hanc esse Doctoris gen-

gentium in isto loco sententiam Primasius, Theodoretus, D. Thomas Aquinas, & Orthodoxi quamplurimi affirmant. quorum vestigiis  
*1. de Ind. c. 3.* insistentis doctissimus Bellarminus, nihil ait eorum quæ ad Indulgentiam consequendam à Theologis desiderantur, in pœnitente Corinthio, defuisse: quæ qualia sint commodè apud ipsum videbuntur. Neque isti tantum aliquid indultum ab Apostolo, sed & plurimis aliis similem Remissionem factam subindicant illa in  
*1. ad Col.* Epistolâ ad Colossenses: *Qui nunc gaudeo in passionibus pro vobis, & adimpleo ea quæ defunt passionum Christi in carne meâ, pro corpore eius, quod est Ecclesia.* Quem locum, etsi paulò obscuriorem, sic illustrent Theologi, vt nonnullis qui apud Colossenses, siue alibi, in corpore Christi Mystico, quod est Ecclesia, positi nondum plenè pro peccatis suis Deum per Pœnitentiæ opera placassent, aliquid de pœnarum suarum meritis Apostolus adiecis-  
*ap. de Indig.* se dicat, modo, quem vocant, *supererogationis*; ea quæ defunt passionum Christi, id est, corporis Christi, siue quorundam eius corporis membrorum, supplens ipse Passionum suarum vinculis, ac Martyrio pro Christi nomine & honore tolerato. Neque aliam huius loci interpretationem edidit vir doctissimus ac religiosissimus Antuerpiensium Antistes Ioannes Malderus, in libello *Orthodoxæ Institutionis*, quem Typis Plantinianis, lingua Belgicâ, nuperrimè euulgavit: eumque vel vnicum Paullinum locum comprobando Indulgentiarum Thesatro in Ecclesiâ sufficere, olim etiam putavit V. C. Boëtius Epo Antecessor



tecessor Academiae Regiae Duacenae. Quam in re magis audiendum eum puto quam in discrimine illo quod inter *Indulgentiam* ac *Remissionem* posuit, ingeniosè magis fortalsè ac subtiliter, quam verè: cum sacri nostri DD. *ad in quibus utra-*que voce utantur, & nihil inter hæc interesse à doctissimo Nauarro etiam demonstratum sit: solà differentià, quâ Genus à Specie differre solet, exceptâ. Post Apostolorum tempora Tertullianus, qui proximè ea attigit, Martyres suo ævo Lapsis Indulgentiam elargiri consuevisse, suppletes instar Pauli, quod deerat *Passionum corporis Christi*, in passione suâ, hisce verbis affirmat: *Pax vestra* [Martyres] *uellam est illis* [Dibolo scilicet]. *Quam pacem quidam in Ecclesiâ non habentes à Martyribus in carcere exorare consue-*runt. quo in loco *Pacem exorare* nihil aliud est, teste Pamelio, ac Rhenano, quam *postulare recipi in eius communionis*, unde metu persecutionum infirmi & instabiles quidam exciderant; simulque veniam sui delicti, per Martyrum preces ac merita, impetratam vouere. Solebant autem Episcopi, Martyrum rogatu impulsì, quem Libello deprecatorio exponebant, cum istiusmodi hominibus mitiùs & indulgentiùs agere, totamque iniunctam Pœnitentiam, aut magnam eius partem, ab humeris eorum auferre: quod è D. Cypriani Martyris & Episcopi sanctissimi Epistolis passim apparet. Quam in re cum Martyres facillè se exorari paterentur, atque hinc disciplinæ Ecclesiasticæ seueritas collabi videretur, his verbis suauius ab eodem Cypriano admoniti sunt, ac cautiore effecti: *Idè peto ut eos, quos*

indifferenter.

Comm. de Iub.  
N. 1. 8.Lib. ad Mart.  
c. 11.Lib. 3. ep. 15.  
c. 7. lib. 1.  
ep. 4. c. 1 lib. 1.

E

ipsi

*ipsi videtis, & nostis, quorum Pœnitentiam Satisfac-*  
*tionem proximam conspiciatis, designetis nominatim li-*  
*bello, & sic ad nos fidei ac disciplina congruentes lit-*  
*teras dirigatis.* Duo scilicet cauere à Martyribus  
 præcipiens, ne ignotos sibi commendarent, aut  
 non satis perspectos; tum ne pœnarum suarum  
 merita quibuscumque tribuendo eos, quò minus pro  
 seipsis aliquatenus satisfacerent, securos nimium  
 redderent, ac in Pœnitentiæ opere negligentes.  
 Petebant autem præcipuè Martyres pro Lapsis  
 (sic appellabant eos qui minus in Fidei Profes-  
 sione Persecutionum tempore constantes fue-  
 rant) quòd eorum erat, teste D. Cypriano, *gra-*  
*uiſimum & extremum delictum;* atque ideò non  
 nisi maximis meritis, ac iustitiæ operibus, qua-  
 lia apud Martyres erant, delendum ac condo-  
 nandum. Pacem ergo istam, per Libellos Mar-  
 tyrum impetratam, ad vsum Indulgentiarum  
 iam tum in Ecclesiâ receptum pertinuisse, is  
 quem nominaui, Pamelius, cum Bellarmino,  
 Maldero, atque aliis constanter tradunt. Hoc  
 etiam ampliùs à Bellarmino adiungitur: Episco-  
 pos dare solitos Indulgentiam ad preces Martyrum  
 non solum ut Martyres honorarent, & ad consum-  
 mandum Martyrium accēderent; sed etiam quia vi-  
 derent merita Martyrum posse communicari cum  
 Pœnitentibus, & acceptari Pœnitentibus eorum pro Sa-  
 tisfactione, qua Lapsis pœnitentibus deerat: atque  
 ita veterem Ecclesiam ad Thesaurum etiam respe-  
 xisse cum Indulgentias daret. Quam tamen doctri-  
 nam Tertullianus, in Hæresim Montani lapsus;  
 ita repudiavit, ut in libro de Pudicitia planè ne-  
 gârit quod antea in Parænesi ad Martyres piè

ac iuste affirmauerat, insolentia quædam animalia imitatus, qui lac ab vberibus propriis expressum impactâ calce proturbant, ac in cœnum effundunt. Iacobus Seuertius, qui nuperrimè contra Atheos & Hæreticos scripsit, putat ab eodem Tertulliano sub nomine *Veniæ & Secunda Pœnitentiæ* Indulgentias nostras intelligi, quæ Apostolico Seculo *Misericordiæ* dicerentur. Dici autem Secundam Pœnitentiam, quod non circa culpam peccati, eiusque Sacramentalem absolutionem; sed circa eius pœnam, post exomologesin, relictam, condonandam ac remittendam, versetur. *Veniæ* certè nomen in hac re etiam posteri vsurpârunt, & *Indulgere* idem esse quandoque quod *veniam dare*, Nonius item Marcellus obseruauit. Tertullianicum æuum subsequuta sunt antiquissima Concilia, NICÆNUM I. OECUMENICUM, ANCYRANVM, NEOCAESAREENSE, CARTHAGINIENSE, LAODICE-  
 NUM & AGATHENSE Prouincialia, in quibus Episcopis facultas conceditur Pœnitentiam iniunctam per Indulgentias relaxandi. Quod in Nicæni can. XI. siue, vt aliâ editione, XII. dicitur, *aliquid humanius de serio Pœnitentibus cogitare*. Ad inferioris æui Concilia CLAROMONTANVM, LATERANENSIA duo, LVGDVNENSE, SALEGVNSTADIENSE siue MOGVNTINVM, VIENNENSE, CONSTANTIENSE, BASILEENSE & TRIDENTINVM non descendo, quod *arribuay* nostrorum mos sit ad expressum Dei Verbum, si quando vrgentur, aut antiquissimi cuiusque æui monimenta velle confugere. sic tamen vt dum ab his conuincuntur, vndecumque rapien-

c. 10 de Heres.  
 lib. 10. §. 1.

aduersario-  
 rum.

tes, ea iterum damnent : quod in suum sensum,  
quo iure, quaque iniuriâ, detorqueant: at,

*Quo teneas vultus mutantem Protea nodo?*  
quâ vel arte vel astu stringas illum, qui

principio leo  
hic coruice  
lucubrâ, inde  
drach, &  
panthera fe-  
tuâ, & mox  
aper ingens.  
Hinc fuit in  
Laticem,  
hinc formam  
capit arboris  
alix;  
Er, Putean.

in addition.  
ad Tertull.  
exstat etiam  
apud Gratiâ.

— πρώτιστα λέων γένετ' ἢ γένεαι,

Αὐτὰρ ἵππειά δράκων, καὶ πᾶρδαλις, ἥδ' ἰ μέγας οὖς.

τίττω δ' ὄγρον ὕδωρ, καὶ δινδρεῖοι ὑψιπύργοι;

Antiquissimæ autem eius consuetudinis, quâ vel  
à Concilio, vel à Romano Pontifice, Episcopis  
facultas indulgendi publicè Pœnitentibus con-  
ceditur, præclarum est Monumentum in Episto-  
la NICOLAI I. sanctissimi & religiosissimi  
Pontificis, quam fide Rhenani, vt eam in vetu-  
stis membranis inuenit, describimus:

NICOLAVS EPISCOPVS  
SERVVS SERVORVM DEI  
REVERENDISS. ET SANCTISS.  
RATHOLDO EPISCOPO  
S. ARGENTORATENSIS  
ECCLESIAE.



*D*um vniuersis Mundi partibus creden-  
tium agmina PRINCIPIS APO-  
STOLORVM Liminibus properant,  
quidam Vir nomine N. venit V.B.  
Epistolam gerens, quam nostro contu-  
lit Prasulatu. cuius paginam perlegentes, Matri-  
cidam illum esse cognouimus. quo facto multis fle-  
tibus contristati sumus, lacrymisq; profusis valde  
doluimus. Idcirco præcipimus, & Patrum Almo-  
tum censuris statuimus, vt sub Pœnitentia iugo  
permaneat, ita vt per vnum annum Ecclesiam  
non

non ingrediatur; sed ante fores Basilicæ orans ac deprecans Deum perseveret, qualiter tanto eripiatur piaculo. Completo verò anni curriculo introcundi in Ecclesiam licentiam habeat, tamen inter audientes stet, & nondum cōmunicet. Completo autem trium annorum curriculo sacræ communionis illi gratia concedatur. Oblationes verò non offerat, nisi postquam aliorum septem annorum curricula expleantur. In his autem omnibus annis atque temporibus carnem non manducet, nec vinum bibere præsumat, exceptis festis diebus atq; Dominicis, & à Pascha vsque ad Pentecosten. Et quocumque ire voluerit, nullo vehiculo deducatur, sed pedibus proficiatur: arma non sumat, nisi contra Paganos. Ieiunet autem tres dies per Hebdomadem vsque ad vesperam. A propriâ quidem ac legitimâ suâ coniuge non separetur, nè fornicationis voragine corruat: quod nolumus, nec optamus. Si autem ante trium annorum cursum finis vitæ illius adpropinquauerit, corporis & sanguinis D. N. IESV CHRISTI particeps fiat: si autem; ut suprâ statuimus, cuncta efficiantur. Tamen si illius conuersationem, & lacrymarum fontem, in omnibus videritis floridis actionibus, & optimis operibus, pullulare, HUMANIVS CIRCA EVM SOLLICITVDO VESTRA PERVIGIL APPAREAT, mitisq; omnibus demonstretur. Optamus Vos in CHRISTO bene valere.

In quâ equidem Epistolâ, & Solemnis ad Urbem Peregrinatio, & Casuum (quos vocant) grauiorum Summo Pontifici reservatio, & veteris in enormi delicto Pœnitentiæ rigor, & relaxandi eam, si opus Episcopo visum, per Indul-

al. nã fiat,  
optimus.

al. conuersationem.

gentiam Ritus tamquam in speculo summatim spectanda exhibentur. Notanda etiam illhic formula: *Humanus erga Pœnitentem apparere;* non absimilis illi quam è Concilio Nicæno citavi: *Humanus aliquid de Pœnitente cogitare.* Ut Relaxatio vel Remissio huiusmodi etiam *Humanitatis* nomen habuisse videri possit, quemadmodum olim *Venia, Misericordia, Pacis,* quo sensu *Humanitas* *Duritie* opponitur, siue Rigori illi, qui à Pœnitente vsque ad extremum quadrantem satisfieri pro admissis petit: qualis olim Rigor in Canonibus Pœnitentialibus, primigenio Ecclesiæ tempore seruatis, præscribitur. Succedere primigeniis illis temporibus **STATIONES**, ab institutore Pontifice, **GREGORIANÆ** dictæ, quas ille vocabulo iam olim apud Christianos recepto sic appellari decreuit, dum sacro Ieiuniorum tempore stantem populum in Basilicis Martyrum detinet, Deoque ad eorum Memorias supplicantem, largis Priuilegiis ac Remissionibus exornat. Nisi fortè, iuxta Theologorum nobilium sententiam, antiquior hic Ritus sit, à **LEONE** scilicet I. siue **MAGNO**, profectus, quem primum huiusmodi supplicationes ordinâsse scribunt, quas **GREGORIUS** deinde solemniùs & apertiùs indixerit, nomine **STATIONVM** indito. Idque eò verosimiliùs mihi videtur, quòd nonnulla Apostolicis temporibus instituta ad Pontifices auctores relata sint, ob eam maximè causam, quòd ipsi decretis suis ea firmauissent; ne à Sectariis, qui Ecclesiasticas Traditiones contaminare solebant, vitiarentur, aut in contrarium decernerentur. **CLEMENS** etiã VI. à non-

in 4. Sent.  
Dip. 10.  
Nauar. Cùm.  
de sub.

Baren. ad  
220. 131.

à nonnullis Anni IVBILEI institutor est habitus, ob nomen ei Anno datum, et si res ipsa, vti probauimus, longè antiquior est, atque vetustior. PONTIFICES deinde alij, iustis legitimisque de causis, quà in ipsà Vrbe, quà Orbe vniuerso, studia Christianorum, ac pia eorum officia, fauore benigno profecuti, sacros INDULGENTIARVM Thesauros, in hanc vsque diem, liberaliter effuderunt: quorum seriem per ætates accuratè distinctam apud Baronium, Bellarminum, Seuertium atque alios, curiosus Lector videbit. Meritò igitur Concilium Oecumenicum Tridentinum, singulari Dei Opt. Max. beneficio ætati nostræ concessum, de Indulgentiis sic loquitur: *Cum potestas conferendi Indulgentias à* 2. Reg. 23. de Ind. *CHRISTO Ecclesiæ concessa sit, atque huiusmodi potestate diuinitus sibi tradita ANTIQVISSIMIS ETIAM TEMPORIBVS illà vsu fuerit, Sacrosancta Synodus INDULGENTIARVM VSYM CHRISTIANO POPLULO MAXIME SALVTAREM, & SACROR. CONCILIOR. AVCTORITATE PROBATVM in Ecclesiâ esse retinendum docet & præcipit: eosq; Anathemate damnat, qui aut inutiles esse asserunt, vel eas concedendi in Ecclesiâ potestatem esse negant. Viderint illi qui negant, qui (vt D. Cypriani verbis vtar) post diurnum iudicium, post populi suffragium, post cœpiscoporum consensum, Iudices se non iam Concilij, sed Dei, faciunt. Deum enim ipsum contemnit, qui eum in Concilio iustorum, & congregatione Sacerdotũ, loquentem contemnit. In Ierusalem namque, in Ecclesiâ suâ vnicâ & electâ, supremus ille Rex, quouis Rege sapientior, constituit Leuitas, & Sacerdotes, & Principes fami-* Epist. 3. Psal. 110. 1. Pet. 5. 1. *liarum*



liarum ex Israel, ut iudicium & causam Domini iudicent vniuersis habitatoribus eius. Tu quisquis es, ô Sectarie, time Dei iudicia, qui iudicem eius Ecclesiam audire contempsistis

## C A P V T X I I.

*INDVLGENTIAE omni aeo piè peregrinantibus data. Peregrinationum apud Orthodoxos Vetusitas: qua Hierosolymas, & in Urbem semper celeberrima. Hæc olim Annua fuit; uti Præsentatio ad Limina per Episcopos facta: quid in eâ deinde mutatum.*



Per Limas esse causas INDVLGENTIA-  
RVM concedendarum nemo igno-  
rat. Inter has non minima à Scri-  
ptoribus adferri solet, *Peregrinatio*  
ad Loca Sancta ac Religiosa: quod  
ab omni æuo receptum sit, siue ad Sepulcrum  
Redemptoris nostri Hierosolymas, siue ad Prin-  
cipum Apostolorum Limina in Vrbe, siue ad di-  
uersorum Martyrum aut sanctorum hominum  
Memorias aliis in locis proficisci. Atque eas ait  
Indulgentias Innocentius legitime, non tamen  
planè gratuito concedi, cum labor itineris iis  
adiunctus sit, plurimaquè itinerum incommoda  
& pericula necessariò exantlanda. Quem labo-  
rem ac religionis feruorem in populo Christia-  
no magis excitantes Romani Pontifices, quàm  
transma-



transmarinæ profectiōni ad Sacra Syriæ loca,  
 quā in cæteras Orbis partes, ad Reliquias Di-  
 uorum venerandas, peregrinè proficiscentibus,  
 larga Indulgentiarum priuilegia concesserunt:  
 immò grauissimum fulmen in eos destrinxerunt,  
 qui Apostolorum Limina, seu aliorum  
 Sanctorum Oratoria, visentes peregrinos ca-  
 pere, seu, rebus quas ferrent, spoliare, tentauis-  
 sent. Hic verò Aristarchos nostros, τὸς, inquam,  
 ἱεροδοξοὺς, insurgentes videre videor, & totum  
 iitūd ad Loca Sacra peregrinandi genus petu-  
 lanti splene ridentes: aut potius conuerso polli-  
 ce, quasi in Ludo aliquo Gladiatorio, damnan-  
 tes. Quapropter nonnulla, quæ de isto Ortho-  
 doxæ Ecclesiæ Ritu in aduersaria mea conieci  
 aduersariis nostris proponam, vt his conspectis  
 si fortè relipiscant: & nostros homines sui in pe-  
 regrinando suscepti laboris minùs pigeat, aut  
 poeniteat. Et inprimis (Peregrinationibus He-  
 braicæ gentis prætermisiss, quas iam alij attinge-  
 runt) SALVATORIS nostri exemplum, purissi-  
 mæque VIRGINIS, eius Parentis, & Sancti IO-  
 SEPH ac discipulorum, Hierosolymas ad En-  
 cæniam & diem festum profectorum, Orthodo-  
 xis omnibus adeò valide patrociniatur, vt vel hoc  
 solo omnia Hæreticorum sibila extingui, omnes  
 in aduersum conatus infringi videantur. Prælu-  
 xerunt etiam piæ huic consuetudini Tres illi  
 Magi Orientales, diuino fidere per longinquum  
 iter ducti vt venirent cum muneribus adorare eum,  
 in Bethleem, qui natus esset Rex Iudeorum. Hoc  
 item docuisse videntur illi, quorum fides ac re-  
 ligio, in Euangelio & Actis, laudata, qui

*c. si quis Ro-  
 mix. & a  
 si quis peregr-  
 14. 1. 3.*

*Zac. 1.  
 Ioan. 10.*

*Matth. 2.*

*Marc. 6.  
 Act. 5.*

ad CHRISTVM, in vicos ac ciuitates, quas introibat, ad Apostolos Hierosolymas, cum ægrotis suis atque infirmis, profecti, mercedem sanitatis, velut Pietatis suæ ἀντίδοτον, retulerunt. Quin Pios omnes, classico velut cantato, ad hunc Religionis studium adhortatus est insignis CHRISTI Buccinator Isaias, cum multis ante seculis *Sepulcrum eius futurum gloriosum*, accurrentium scilicet multitudine, præcinit. Rex item Prophetes, cum nomine peregrinantium Christianorum insonuit: *Adorabimus in loco ubi steterunt pedes eius*. Ipse etiam Saluator non aliâ ex causâ, abiturus ad Patrem, impressa in monte Oliuarum pedum suorum reliquit vestigia, quàm vt Fideles ad ea amplectenda, veneranda, adoranda, impensius excitarentur, & vehementius inflammarentur. Quâ in re Religiosissimi Principis CONSTANTINI, & AVGVSTÆ Matris HELENÆ, pietas emicuit, dum expurgato à Gentilitiâ superstitione Sepulturæ & Passionis CHRISTI loco, ædificatisque illhic Oratoriis, Christianos populos ad loca illa frequentanda magis ac magis excitârunt. Quanta autem ea frequentia fuerit, quantusque ad sanctissima loca confluxus, B. Hieronymus, eorum inquilinus, testatur, Epistolâ ad Marcellam: *Longum esset, inquit, per singulas atates currere, qui Episcoporum, qui Martyrum, qui eloquentium in doctrinâ Ecclesiasticâ virorum venerint Hierosolymam: putantes minus habere scientiæ, nec summam, vt dicitur, manum accepisse virtutum, nisi in illis locis CHRISTVM adorassent, in quibus primum Euangelium de patibulo Crucis coruscauerat*. Neque post ea tempora ardor Christianorum

6.16.

Psal. 131.

Enseb. de Vir.  
comp. lib. 3.  
Russin. lib. 1.  
6.7.

ftianorum imminutus est, inuitante maximè Sa-  
 crorum Priuilegiòrum, à Summis Pontificibus  
 illhic concessorum, magnitudine; donèc, meritis  
 nostris ita exigentibus, Loca illa in Turcarum,  
 immanissimorum Christiani nominis hostium  
 ditionem venere, ac difficillimam eam peregre-  
 nationem reddidere. Mirandum tamen, & Ri-  
 tum hunc calumniantibus meritò obiiiciendum,  
 quod de SELYMO ac SOLYMANNO, Mahumeta-  
 nis Principibus memoriæ proditur, eos scilicet  
 Sepulcrum Domini honorificè habuisse, &, ad  
 eius ornatum ac custodiam, multa aureorum  
 millia benignè contulisse. De isto hoc ampliùs  
 addit Theuetus, cùm Ægyptiacâ expeditione  
 susceptâ Iudæam pertransiret, non munificum  
 modò sacratissimo Loco fuisse, sed in eo orâsse,  
 ac vota concepisse. Quid potuit ampliùs Theo-  
 dosius aliquis vel Constantinus? Audiant hæc,  
 & erubescant Pseudo-Christiani quidam, sacris  
 Peregrinationibus & Reliquiarum venerationi  
 infensi: ac, de Menandri præcepto, *ἀπὸ τοῦ  
 μυστήριου* veræ Sapientiæ fauere, eiusque Ritus  
 & instituta comprobare. Post TERRAM illam  
 verè SANCTAM à Christianis appellatam, &  
 omni æuo, dum licuit, religiosissimè visitatam;  
 non est locus, quem peregrinando magis adie-  
 rint, aut studiòsius & ardentius exquisierint,  
 quàm sacra APOSTOLORVM PRINCIPVM LIMINA  
 in Vrbe ROMA. illa Reges, illa Principes, illa  
 Patriarchæ, illa Episcopi, omnis denique pio-  
 rum sexus, ætas ac conditio, omni item æuo, re-  
 ligiosissimè frequentârunt. Cuius religionis vi-  
 suo æuo antiquioris D. meminit Augustinus in  
 Psalm.

*Seneca lib. 19.  
 Histor.*

*lib. 6. Caput.  
 c. 7.*

*ab hostibus  
 discant.*

Psalm. LXXXVI. *Olim, inquit, Principes seculi ad Urbem Romam venerunt non ad Templum Imperatoris, sed ad Memoriam Piscatoris. Neque tamen, cum ipse viueret, eam omisſam teſtatur his verbis: Nunc ad Memoriam Piscatoris ſeſtuntur genua Imperatoris: ibi radiant gemmae diadematis, ubi fulgent beneficia Piſcatoris. Epistolâ item XLII. Videtis & Imperij eminentiſſimum culmen ad ſepulcrum Piſcatoris PETRI, ſubmiſſo diademate, ſupplicare. Sanè Prudentius, Chriſtianus Poëta, qui ſub Theodoſij Magni liberis vixit, aduerſus Symmachum, ita gloriatur:*

*— currit, paucis Tarpeia in rupe relicta,*

*Ad ſincera virum penetralia NAZAREORVM,*

*Atque ad APOSTOLICOS Euandria Curia fontes.*

Vbi per Euandriam Curiam, Viros Senatorios ac Patricios in vrbe Româ intelligit, iam tum CHRISTO addictos, & Apoſtolicis tumulis ſupplices. Notiſſima ſunt enim quæ de Arcadium *αρχαίου* antiquiſſimâ origine, & Euandri eorum Regis in Italiam appulſu, Veteres commentum ſunt: vnde Nobilitatis ſuæ initia plerique Romanorum Principum repetebant. Solemnem quoque illam, omni æuo, Principum virorum apud APOSTOLORVM PRINCIPES orandi conſuetudinem D. Ioannes Chryſoſtomus ſæpè & facundè deſcripſit: cuius verba, defectu Græci codicis, ex Interprete, adſcribere cogor. Ait igitur. Nam & ille ipſe purpurâ indutus peregrè proficiſcitur Sepulcra illa complexurus, & faſtu depoſito contingit Sanctos, rogans ut ſibi apud Deum patrocinentur: & tabernaculorum opificem [PAVLVM] & piſcatorem [PETRVM] Patronos etiam

*mortuos*

ante lunam  
natorum.

Hom. xi. in  
ep. ad Cor.

*mortuos deprecatur ille diademate coronatus. Et iterum: Nam qui ducebantur, qui contempti erant & vincti, ubi defuncti sunt, Regibus ipsis erant magis venerandi. Etiam ROMÆ, quæ Urbium est Regalissima, relictis omnibus ad sepulcra Piscatoris & Pellionis currunt & Reges, & Præsides, & Milites. Et his similia* *ἡγεμόν* *illud* *εἰς* *persæpè* *alibi.* *Hom. ad. Gencil.*

Quinimmò quodam in loco sanctè adfirmat se, nisi impeditus multis curis, & Ecclesiasticis functionibus fuisset, & si per valetudinem imbecilem licuisset, nihil in mundo eum cohibiturum à suscipiendâ profectione Romanâ, ut catenas illas & carceres quibus Princeps Apostolorum PETRVS, & delictum suum PAULLVS, constricti ac detenti fuerant, inspiciendi ac contrectandi, quod toties ardentissimè optauerat, facultas daretur. Eam Principum virorum pietatem imitati cæteri, & exemplo incitati, frequentes ad Urbem Sacram venerunt, instante maximè DD.

APOSTOLORVM Natali, quo tempore cotannis innumera hominum multitudo Romam confluit: atque idè solemne illud *dies festus Orbis terrarum* à D. Chrysostomo, ob insignia conuenientium studia, vocatum. *1641 anno*

Quem solemnem morem, quoad vixit, religiosè tenuit D. Paulinus Nolanus, nec viæ retardatus labore, nec grauioris per id tempus Romani cæli periculum reformidans. Testatur ipse de sese in Epistolâ ad Episcopum Delphinum: *Deinde nos ipsos Roma,* *Epist. 16.*

*cum solenni consuetudine ad Beatorum Apostolorum Natalem venissemus, tam blandè quàm honorificè excepit.* de ANASTASIO Romano Pontifice loquitur, cuius beneuolentiam expertus fuerat.

Et

Epist. 13.

Scriptor Vita  
S. Paulini.Distinct. 93.  
1. iuxta.

Lib. 1. ep. 70.

Baron. ad an-  
num 1081.Acta Vita  
Episcopi.

Et in Epistolâ ad Sulpicium Seuerum : *Tempus ante meridiem [Romæ scilicet] in Votis nostris, quorum curâ veneramus, per APOSTOLORVM & Martyrum sacras Memorias consumentes.* Interdum tamen festum illum diem præuenit circa Idus Maias Romam profectus, vt ex Epistolâ illâ, quam ad D. Augustinum inde reuersus scripsit, videri potest. Nisi fortè tunc Romam iuerit, vt Decreto Pontificio satisfaceret, quo Episcopi omnes Apostolica Sedis ordinationi subiacentes, qui propinqui essent, annuè circa id tempus Principum Apostolorum Liminibus presentari iuebantur : qui verò de longinquo, iuxta chirographum suum id implere. Atque ideò vel per se, vel per certum nuncium (vt Gregorius id statutum interpretatur) cotannis sese ad Sacra Limina præsentibus offerébant. quod etiam iureiurando, cum ad Cathedram admitterentur, sese impleturos sanctè promittebant. Quare non iniusta illa increpatio à GREGORIO VII. religiosissimo ac generosissimo Pontifice, Archiepiscopo Rothomagensi facta, quod distulisset ipse inuisere sacra Limina, cum tamen ab ipsis Mundi finibus studerent annuè, tam mulieres quàm viri, ad ea venire. Idem Pontifex Lanfrancum, Archiepiscopum Cantuariensem, similis cessationis arguit Romam veniendi, cum (inquit) multi longè remoti, licet corpore inualidi & infirmi, & à lectulis vix valentes surgere, ad eadem Limina vehiculū properarent. Teperescente verò paullatim primigenio Christianorum feruore, & remittente se Præsulum pietate, longiora Visitationi illi spatia laxata. nam & ipse Gregorius Magnus, seuerus aliàs Pontifex, Siciliæ Episcopis

pis qui ad Triennium conuenire solebant, quinquennio semel in Urbem venire indulgit. Sixtus autem V. nuperâ Constitutione, quâ mōrem illum pænè iam obliteratum solemniter reuocauit, eos ad antiquum Triennium cum cæteris Italiae reduxit: reliquis in Orbe Christiano positis, quarti, quinti, & decimi quinti anni reditu, pro locorum vicinitate aut longinquitate, præscripto. Nostis ergo temporibus *Præsentatio* illa, antiquis dicta, *Visitatio Liminum Apostolicorum* dicitur: nouitiâ quidem phrasi, sed quæ ab antiquissimo Ritu profluxit Liminum in Basilicis Martyrum, per Christianos supplices, osculo adorandorum. de quo Ritu copiosè vir doctissimus Heribertus Rosvveydus S. I. ad D. PAVL-  
 LINVM NOLANVM, & Baronius Cardinalis ad diem XIIIX. Nouemb. in Martyrologio Romano: quos operæpretium erit videre. Ut in viam reuertamur (quamquam illa scribendo vix deuiauius) NICOLAUS I. Pont. in egregiâ illâ ad MICHAELEM PALAEOLOGVM Imp. Constantinopolitanum Epistolâ, tantam se Pontifice peregrinorum multitudinem, causâ Apostolicæ intercessionis, in Urbem venisse scribit, *ut Vrbis ROMA* (ea verba sunt) *cunctas in se dignosceretur continere nationes*. Et in aliâ ad Episcopum Argenteratensem, plenius antè descriptâ, *Ex vniuersis Mundipartibus*, suo tempore, *credentium agmina* ad eandem intercessionem, pariter *properasse*, fatetur. Quæ frequentia an ad Festum Apostolorum diem, de quo prius agebam; an ad Solemne aliud in Urbem concurrerit, haud perinde adfirmauerim. Certè nullo æuo aut tem-

in Notis ad  
Germ. XXI.

pore



pore Christianorum studia in hac re defuisse, innumera Scriptorum testimonia declarant: sed paucula nobis, Veritati ac Pietati stabiliendæ, adduxisse suffecerit. Pius enim in hoc argumento vel tantillum sat est; Impiis, & ab omni religione alienis nec plena testimoniorum soraca satisfaciant. Merito ergo ab Aurelio Cassiodoro de Sepulcris Apostolicis dictum est: *Confessiones illas, quas videre Vniuersitas appetit, in suis finibus Roma felicior habere promeruit.* Et à magno Chrysostomo: *Servorum CHRISTI* [sic Apostolos vocat] *splendida esse in Vrbe Regiâ Monimentâ: non adificiorum modò altitudine, & cultu, sed conuenientium vndique studio ac feruore.* Atque hic fuit Maiorum nostrorum feruor, ea sacræ Urbis frequentandæ desideria, quæ noui quidam Eunomiani, aut Vigilantiani, quo spiritu damnare audeant, ipsi viderint; mihi cum cœtu Fidelium vniuerso, cum omni Vetustate, cum Ecclesiâ Romanâ Apostolicâ credere & sentire libet quod à μελιχόλιῳ illo BERNARDO assertum est in Panegyri Principum Apostolorum: *Si in terrâ adhuc positi* [idem APOSTOLI] *omnia poterant non quidem in se, sed in CHRISTO; quid non poterunt hodie viuentes in æternâ felicitate cum ipso? Mortales adhuc, & morituri, imperium Vitæ & Mortis videbantur habere. solo nimirum verbo mortificantes viuos, & mortuos suscitantes; quantò magis nunc cum honorati sunt nimis, nimis confortatus est Principatus eorum? In quo melle nunc desino, & Tibi, quisquis es, ita sentire, ita credere in salutem ψυχῆς voueo, & exopto.*

Augustinus de  
Ecl. dogm.  
c. 73.

mellissus.

ex intimo  
animo.



## CAPVT XIII.

*Binis istis Peregrinationibus Tertia diuinitus adiuncta ad Ædem Lauretanam : ea hîc meritò recensita . Admirandum illum locum & Gentibus cunctis , non vnâ ex causâ , venerandum esse .*

**S**acrum illud Romanæ Purpuræ columeu , & Ecclesiæ Mediolanensis sanctissimus Antistes CAROLVS, in eâ Epistolâ quâ Dilectissimos suos omni ope ac studio, ad visendam Anno Seculari Urbem Sacram, cohortatus est , inter cætera quibus Peregrinationem illam suscepturos paternâ sollicitudine informat ac dirigit, hoc quoque pium ac religiosum consilium iis dedit; vt, si qua in itinere illo Loca alia sanctitate celebria se offerrent, ad ea declinare orandi causâ non grauarentur. Sed præstat alterum illum nostri seculi AMBROSIVM fuismet verbis id commendantem audire: *Quod si in ipso itinere vicini fueritis alicui Templo quadam religione celebri , quale est Templum B. MARIE LAVRETANAE, aut aliud, etiamsi paululum à rectâ viâ vobis diuertendum foret, ac longiori etiam durandum ; nolite perdere occasionem visitandi huiusmodi Tempora, vt ibi confiteamini, & denud communietis, ad consolandum, & corroborandum vos spiritualiter in sanctâ hac peregrinatione. Quibus equi-*

dem in verbis iure mentionem facit celeberrimi illius, ac toto orbe nobilissimi, **TEMPLI PARTHENII LAVRETANI**: quod eò studiosius omnes ad Urbem, Iubilei causâ, proficiscentes inuisere debent, quò magis illud cæteris omnibus in Orbe Templis, religione ac sanctimoniâ præstantibus, vel æquandum nouerint, vel præferendum. Quid enim sanctius, aut religiosius, esse potest Cubiculo illo lateritio, marmoreis vndique sepimenis clauso, in quo ipse **DEI FILIVS**, de **SPIRITV SANCTO** conceptus in utero Virgineo, atque educatus, magnam puerilis ætatulæ partem exegit? in quo ipsa **VIRGO ΘΕΟΤΟΚΟΣ** natalem hausit spiritum, & veluti *Aurora consurgens*, tenebricoso Mundo *Iustitia Solem* paritura, materno primùm è thalamo prodiit? Meritò te, ô cubiculum beatissimum, meritò vos, ô Lares fortunati, cum elegantissimo Mureto alloquor:

Morat, Tur-  
sellin. in Hist.  
Lauret.

in Carm. ad  
Virg. Lauret.

*Quanam igitur Regum sedes, quæ Tempia per orbem*

*Huic se ausint conferre loco? ter, & amplius, omnes*

*Ante alias felix Picani litoris ora.*

*Cui Solymos spectare domi, cui munere Diuum*

*Fas calcare domi est pedibus vestigia CHRISTI!*

Munere certè Numinis incomparabili id Occidenti nostro datum, ut ab ipsâ vsque Palæstinâ, ab altero Solis cardine, Angelicis manibus sacra illa deucheretur in Italiam sarcina, sanctius longè ac præsentius Salutis nostræ pignus futurum, quàm olim vel Troiana illa Palladia, vel Iouis Cretæi fabulosum antrum, aut Tarpeia Romuli

Romuli casa, vel quicquid superstitiosi pignoris  
 ad tutelam Imperij Antiquitas habuit, vel quasi  
 Numinis cuiusquam ortu nobile ad veneratio-  
 nem custodiuit. Hanc ego sacratissimi Loci  
 maiestatem coram admiratus olim, simul etiam  
 prodigiosæ illius *ποσειδῶνος* consideratione velut *migrationis.*  
*ἰθυοειδῶν* effectus, inter alia, quæ Voti reus de *nomine in-*  
 VIRGINE LAVRETANA scribebam, *spiratus.*  
 hæc cæcini:

O DIVA, gratum quæ nemus Hadria  
 Prasens ad vndas, sinibus Italis,

Regis, beato vecta cursu

Romulea super orbe gentis;

Tunc cum feroci compede barbarus

Gentes Eoas, & validus Scythæ,

Præsit merentis; te per auras

Siderei rapuere curru.

O quale monstrum! sedibus erutam

Priscæ, auito sed profugam solo,

Discors Eous, & receptam

Ausonia stupere silvæ.

Te, quisquis aquor nauita proximum

Velis gubernat, sollicito colit

Per transstra voto; te Lacina

Omnibus antetulit gemellis,

Quæcunque Ponto nauis in aspero

Deprænsa fleuit: te Dominam maris

Fractæ Latinorum carina

Incolumes didicere nuper.

Te Sarmatarum progenies feris

Canit sub antri: te procul agnitam

Belgæ, & Britannus, in remotis

Oceani coluere ripis;

*Abominati ne furis premi  
 Sinas Draconis, quem Tibi solum  
 Per vasta colla sibilanti  
 Vidimus infremuisse linguâ.*

Quod si cuiquam non displicuerit hic impetus, & si tanti esse putauerit, cætera huius Poëmatis in Lyricorum nostrorum carminum fronte posita inueniet. Inuitabit ergo piè peregrinantem, & ad se trahet, LAVRETANÆ AEDIS sanctitas; inuitabit etiam cælestium beneficiorum magnitudo; quæ si vllò terrarum loco, illhic certè à Diuinâ Benignitate liberalissimè dispensantur. Corpore infirmus es? medicinam dabit Virgo: animo anxius? solatium & iucunditatem afferet: conscientiam pauidus? dulcem suggeret in amaritudine salutarî lætitiâ: in periculis constitutus? terrâ, aut mari, trepidus, ac pænè de salute desperans? salutem dabit MARIA, Libertatem, Vitam, ac quicquid petere cum fiducia audes, præbebit MARIA. Et quot illa mortalibus iam olim, ac nuper hæc præbuerit, ipsi sacri parietes donariis votiuis onusti, ipsa Templi atria Tabellis *luxagis* circumuestita, aut potius ipse Orbis vniuersus, tantorum benefactorum conscius, inclamat & testificatur. Sunt verò pij viri ac facundi, qui, ad DEI ac DEIPARÆ VIRGINIS gloriam, immortalibus scriptis ista prodiderunt; vt necessum non sit his commemorandis prolixius inhærere; quod tamen in alio Carmine Votiuo, penes me, testimonium est, summam Beneficia Virginea perstringens, veniam fortè suâ breuitate merebitur, ac fauorem:

*Astrifera*

*Astrifera REGINA domus genitrixq<sub>3</sub>, Tonantis,  
 Innuba concepto Numine facta Parens,  
 Quam super aethereas Superorum exercitus arces  
 Ejectam aeternâ laude salutat Heram;  
 Mille Tibi Ausonium radiant delubra per orbem,  
 Mille Tibi accendunt thura Sabaea foci;  
 Sed LAVRETANIS Tua maxima gloria Templis,  
 PICAENAQUE micat maximus Aede fauor.  
 Id sacris fixæ muris pictaq<sub>3</sub>, Tabellæ,  
 Dona<sub>q<sub>3</sub></sub>, Virgineis multa docent adytis,  
 Quàm multis, pia DIVA, adsis; facilemq<sub>3</sub>, vocatu  
 Sentiat in trepido vir mulierq<sub>3</sub>, malo:  
 Ille inter medios flammarum constitit igneis,  
 Nec potuit iussu flamma nocere Tuo:  
 Deuota s<sub>q<sub>3</sub></sub>, Tibi consecrata s<sub>q<sub>3</sub></sub>, rosarum  
 In morem tantum est lambere visa comas:  
 Iste, procellosis dum naufragus errat in undis,  
 Depinxit Voti signa secunda sui:  
 Seu fuit in praeceps furibundo raptus ab anne,  
 Pertentans dubio cæca profunda solo.  
 Est quoque qui, fato Phrygium Aslyanaëta secutus,  
 Testatur precibus se superesse Tuis:  
 Est quoque qui, Duce Te, cacas vitasse latronum  
 Insidias potuit, terrificasq<sub>3</sub>, manus:  
 Atque aliquis crudi fugiens Busiridis aras  
 Virgineam haud frustra sæpè vocavit opem.  
 Viuit hic horrendum transfixus corpora ferro,  
 Atque Tibi est Vita debitor ipse suæ:  
 Ille alacri delapsus equo sine vulnere surgit,  
 Fractaq<sub>3</sub>, non vllò membra dolore leuat.  
 Sed quid ego obtritosisq<sub>3</sub>, rotis, tauriq<sub>3</sub>, ferocis  
 Cornibus excussos sidera ad alta loquar?  
 Quid referam muris appensas, VIRGO, catenas,  
 F 3 Quas*

*Quas posuit sæuo liber ab hoste reus?*  
*Quid fractos laqueos, elisaq, vincula narrem,*  
*Armaque in innocuos noxia stricta viros?*  
*Quid numerem Geticis erepta Tropæa manipulis,*  
*Fixaq, ad angustum barbara signa tholum,*  
*Dum MARIAE auspicio se vincere credidit hostem*  
*Martia, sed Marti non benè fisa, cohors?*  
*Quid? quàm multa tuo Mater sit munere facta,*  
*Cui gemere in sterili contigit ante thoro?*  
*Quid morbi genus omne, luemq, febresq, malignas,*  
*Vincere quas medica non potuere manu,*  
*Auxilio victas tanto, pulsasq, clientum*  
*Corporibus, vacuas non habuisse preces?*  
*Quid memorem triplicis damnatas pollice fusi,*  
*Ex Erebo, iussas sæpè redire animas,*  
*Nequicquam nigrâ circumfrendente cateruâ;*  
*Nequicquam infernâ multa mouente Styge?*  
*Omnia Natura sanctas superantia leges,*  
*Omnia victuro digna furore cani?*

Dignissima certè æternis Ingeniis in *ÆTERNA*  
*VIRGINE* materia, & iam nobiles aliquot Mu-  
 sarum *μοῦσες* laudabiliter hanc operam præ-  
 stiterunt. Optem sanè esse, & optaui diu, qui  
 tot Rosas, Lilia, Violas in sertum vnum com-  
 pingat, & *LAVRETANÆ VIRGINI* consecret:  
 suauius longè spiraturum quàm velodorati Cî-  
 liciaë nimbi, aut fragrantès Arabû messes, Thea-  
 tris effusæ; vel omnia Assyriæ mercis cinna-  
 mæ in Phœnicis vnius pyram constipata. Quis  
 igitur ille tam ignauus erit, ac vecors, qui Sacra-  
 tissimi loci vel maiestate, vel beneficentiâ, non  
 commotus (si facillè potest, immò si vllâ ratione  
 potest) non accurret illicò ad tantum præsi-  
 dium?

dium? non sibi propitiam VIRGINEM, non fa-  
uentem VIRGINIS FILIVM, in hoc terrestri  
vti cælo, reddere conabitur? Quis etiam non  
putet hanc sibi diuinitus velut legem impositam  
vt IVBILEVM aditurus LAVRETVM declinet,  
cùm eodem ferè tempore & IVBILEVM solen-  
niter indictum sit à BONIFACIO IIX. & Lau-  
retana cellula in Italiam delata? Euoluite An-  
nales, perquirite testes, & veritatem huius rei  
compertam habebitis. Parum itaque mihi fecis-  
se videbitur qui, cùm liceat, LAVRETVM non  
adibit. immò non omnia mihi fecisse videbitur  
qui, etiam cùm non liceat, LAVRETANAM VIR-  
GINEM de itinere non salutârit.

## CAPVT XIV.

*Quinam Pontifices, & quando, IVBIL-  
LEVVM celebrârunt. BONIFACII VIII.  
Solemne maximum fuisse: eius de FLO-  
RENTINA R. P. vaticinium. D. AN-  
TONINI de Pontifice isto iudicium.  
CLEMENTIS & VRBANI SECTOR.  
circa tempus IVBILEI decreta. Numeri  
L. & XXXIII. dignitas indicata.*



Icut Græcis ante tempora Olym-  
piadis Iphitææ Temporum ratio  
obscura fuit, atque inde æuvm  
illud fluxit quod *ἱστορίαν* appellâ-  
runt, à maiore rerum gestarum

*M. Varro  
apud Censori-  
um.*



BONIFACIUS VIII.  
Anno 1300.

S. Antonin.  
in Chron. p. 3.  
Baco. Cardin.

In Chronico  
Fr. Longi Ce-  
rualoni.

B. Platina  
Paul. Aemil.  
Tarvelin.

datib. Pal-  
100. in Chron.

certitudine; ita in re nostrâ **IVBILEA**, ante **BONIFACII VIII. PONT. MAX.** ævum, non ad eò exploratum est qui Pontificum Romanorum, aut quando, Solemne istud celebrauerint, aut quibus ad eò cærimoniis in eo celebrando sint vñ. Ipse **BONIFACIUS** primùm solemnem **IVBILEI** obseruationem in ius redegit, maximo-  
que Sacrorum apparatu, & incredibili ex omni-  
bus Orbis partibus multitudinis concursu, illud ipsum peregit Anno Christiano iuxta calculos **Dionysij Exigui**, **CIÖ. CCC.** In quâ celebritate illud admirandum ab illius æui Scriptoribus me-  
moratur, *ducenta hominum peregrinorum milia*, vnaquaque ferè sacri Anni die, Romæ numera-  
ta. Addit ampliùs Platina, tantam eo anno mul-  
titudinem confluisse, *vt vix incedere per Urbem, amplius quidem & vastam, liceret.* Neque tantæ pascendæ multitudini Diuina Benignitas de-  
fuit. admirabilem namque ac prodigiosam eo anno Annonæ copiam in Vrbe & Italiâ con-  
spectam obseruauit Iacobus Cardinalis, qui & Solemne illud vidit, & oculatâ fide, quæ vidit, posteritati inandauit. Venit tum inter cæteros illustres Viros ad Urbem **CAROLVS VALLESIVS**, **PHILIPPI** Francorum Regis frater, **BALDVI-  
NI IMP. CONSTANTINOPOLITANI** gener, honorificè à Pontifice exceptus, & mox pieta-  
tis eius causâ Tusciæ præfecturâ donatus. **XII.** quoque Legationes, à diuersis Principibus ac Rebus publicis ad **BONIFACIUM** missæ, ipsum Annum cohonestârunt: in quibus præclarum **FLORENTINORVM** studium enituit. Fertur sub-  
inde Pontifex, cum in celebri Præsulum con-  
fessu



fessu peroraret, Legationum istarum Titulos  
 recensuisse, & cum ad Florentinos ventum es-  
 set, in hanc vocem prorupisse: *In gloriam FLO-*  
*RENTINI nominis affirmit in gubernatione orbis ter-*  
*rarum FLORENTINOS aliud elementum fore.* Quod  
 Vaticinium à D. quoque ANTONINO, sanctissimo *in Chron. ibid.*  
 Florentinorum Antistite, obleruat, rei postea  
 veritas comprobavit. Exinde namque vna Flo-  
 rentina ciuitas tot Illustres Ingenij ac Pietatis  
 laude viros, tot militari laude florentes, tot Prin-  
 cipes & Heroës Orbi dedit, quot vix alibi Pro-  
 uinciæ vniuersæ. Vel illud quàm magnificum est  
 (vix cætera eius ornamenta taceam) quatuor, in-  
 tra vnus ferè seculi spatium, PONTIFICES  
 MAXIMOS Ciues suos habuisse: LEONES sci-  
 licet quos X. & XI. CLEMENTEM VII. &  
 quem hodie in cathedrâ PETRI sedentem ve-  
 neramus, VRBANVM VIII. Viderint alij quomo-  
 dò vaticinium istud BONIFACII interpretandum  
 putent; ego diuinitus inspiratum id pronuntiâs-  
 se credo, quod, SYMMO GENERIS HVMANI  
 BONO, in SACRATISSIMORVM PRINCIPVM TE-  
 TRADE videmus impletum. Cæterùm Pontifi-  
 cem BONIFACIVM etsi amarè scriptores quidam  
 vellicent, idem Antoninus (quod miratus sum)  
*hominem prudentem, ac litteratum, magni animi,*  
*Zelatorem magnum, & conseruatorem Iurium Ec-*  
*clesiæ appellat.* cuius testimonium, vt hominis  
 sanctissimi & integerrimi, cum, vt par est, ma-  
 gni apud omnes fieri debeat; miror apud quos-  
 dam minus fidei inuenisse, quàm Scriptorum  
 aliorum calumnias, in gratiam Principum &  
 Regum, sacrosanctæ Pontificum maiestati ni-

misquam sæpè obtreçantium. BONIFACII si qua  
fuere (& fuerant certè) vitia non excuso; tantâ  
tamen acerbitate detecta doleo: neque vllum  
ferè, sancto illo viro excepto, extitisse qui, quas  
ille virtutes eximias, & vitiis fortè superiores, ha-  
buit in aspectum produceret; miror ac indignor:  
reliquis, instar maledicti Cham, solam Parentis  
sui foeditatem nudauisse contentis.

CLEMENS  
VI. Anno  
1350.

Plat. in eius  
Vita.

In t. Vnigen.  
Ius.

Centenarium BONIFACII Solemne CLEMENS  
VI. excepit, qui in Annum ab exacto illo Quin-  
quagesimum, IVBILEI nomine, primus Indul-  
gentiam publicauit: vt ipsius Diploma etiam-  
num superstes, & Decretis insertum, fidem fa-  
cit. Caussas contracti IVBILEI, præter Roma-  
ni Populi preces quas Auenione positus accepit;  
duas potissimum habuit, exemplum Legis Ve-  
teris quæ Annum Quinquagesimum sacrauit;  
& Humanæ Vitæ breuitatem, *per quam pauci,  
multorum respectu, ad annum centesimum valeant  
peruenire.* Notatu certè digna videntur illa quæ  
de Numeri Quinquagenarij dignitate in suâ  
Constitutione promulgauit; Nos autem attenden-  
tes quòd ANNVS QVINQVAGESIMVS in Lege Mosai-  
câ (quam non venit Dominus soluere, sed spirituali-  
ter adimplere) IVBILEVS remissionis, & gaudij;  
sacerq; dierum numerus, quo Lege fit remissio, cen-  
sebatur: quodq; ipse QVINQVAGENARIVS NUMERVS  
in Testamentis, Veteri quidem, ex Legis datione;  
Nouo, ex visibili SPIRITVS SANCTI in Discipulos  
missione, per quem datur peccatorum remissio, sin-  
gulariter honoratur: quodq; huic plura & grandia  
Diuiinarum adaptantur mysteria Scripturarum, &c.  
Mysteria autem nonnulla Quinquagenario in  
Scri-

Scripturis attributa versibus decantantur apud  
Aratorem, II. Histor. Apostolicæ:

*Lege sacer Numerus delicta resoluit, vt olim  
Diluit in toto Dauid sua crimina Psalmo:  
Contractusq; fugat, nam quinquagesimus annus  
Cum IVBILEVS adest proprij distractio ruris  
Antiquo donatur hero: seruire coactis  
Libertas amissa redit: mala debita laxat  
Exeditor, & limen Patriæ vetus aspicit exul.  
Quinquaginta etiam cubitis distenditur Arca  
Quæ depressa vadis, atque aequore tuta, salutem  
Sub numero Pietatis agit, seruataq; crescit  
Per spatij parcentis opem, quia CHRISTVS vbique  
Condidit Ecclesiam, veniâ fabricante capacem,  
Quæ sic cepta fretis latissima funditur aruis.*

DE IVBILEI CLEMENTINI solemnitate par-  
ciùs à Scriptoribus traditur, quòd circa ea tem-  
pora pestis adeò sæua, triennio continuo, Ita-  
liam deuastauerit, vt (Auctore Platinâ) vix de-  
cimus quisque ex millesimo homine supersuerit.  
Crederes illam sanctissimo eo tempore negle-  
ctis diuinis Ritibus barbarè inter se confligen-  
tem, ac diutino bello collisam, iustas impietatis  
suar pœnas exsoluere.

Ter vno Seculo (quod mirere) in IVBILEO  
indicendo variatum est. nam quem BONIFA-  
CIVS VIII. Anno centesimo, more maiorum,  
& CLEMENS VI. quinquagesimo quoque re-  
deunte celebrandum decreuerant; cum VRBA-  
NVS VI. PONT. MAX. trium & triginta anno-  
rum spatio definierat, & in Annum eius seculi  
x c. publicauerat. Numeri mysterium fuit,  
quòd totidem annis, & paullò ampliùs, CHRI-  
STVM

*in Clem. 8.  
Turfellin. 10  
comp.*

*BONIFA-  
CIVS IX.  
1390.*

*Onuphr. In  
add. ad Plag.*

*a. Card. Bor-  
romaeus ep. ad  
M. ioh.  
Erasmus ad  
Ann. sup.  
p. 146. 50.*

STVM MESSIAM vixisse vetus Ecclesiae tradi-  
tio est. Eumque Numerum, non absque Typo  
venturi de semine suo MESSIAE, Rex olim  
David sacrauerat, cum pari annorum numero  
super Iudam & Israël Hierosolymis regnavit.  
Contrahendo Iubileo eadem, quæ in CLEMEN-  
TE, causa; paternus ac Pius Pontificis in Ec-  
clesiam adfectus, ne tam salubre humani gene-  
ris bonum tantis temporum spatiis differretur.  
Olim namque dum vitiorum minus erat &  
amplius Pœnitentiæ impensum, minus periculi  
in dilatione visum; crescentibus ætate morbis  
crebrioribus remediis opportunum vti fuit. Ita-  
que eum Annum indictum successor BONI-  
FACIVS peregit, tantâ peregrinorum affluente  
multitudine, ut numerum omnem excedere vi-  
deretur. Quæ multitudo eò copiosior fuit quòd  
visitantis cognatam suam DEIPARAE festiui-  
tas ab VRBANO concepta, & à BONIFACIO  
honorifico Diplomate confirmata, magnificæ-  
que anno Sacro Romæ auspicanda, plurimos  
mortales exciuisset.

*Equ. libid.*

## CAPVT XV.

*Tria Seculi Millesimi Quadringentesimi IV-  
BILEA sub BONIFACIO IX. NICO-  
LAO V. & SIXTO IV. Pontt. Maxx.  
acta. De IVBILEI Orthographiâ iterum,  
& Numero XXV. nonnihil intermi-  
stum.*

**B**ONIFACIUS IX. Pont. Max. qui  
ex decreto VRBANI VI. decesso-  
ris sui, IVBILEVM decennio antè,  
vti dixi, celebrauerat; idem quo-  
que Seculo Nouo cio. cccc. mo-  
re maiorum, solempni cærimoniâ, peregit. In quo  
frequentissimum piorum ex omni gente homi-  
num confluxum Scriptores illius æui annotâ-  
runt. Gallicæ maxime gentis studia laudata,  
quam etsi Regium edictum, malignorum sug-  
gestu publicatum, domi subsistere compelleret,  
ingenti tamen numero, & in his illustres multi,  
& eximij, Romam aduenerunt. Mediolanen-  
sibus & Pragensibus vt intra moenia sua id ag-  
rent, ob legitimas causas, Pontificio Priuile-  
gio concessum.

Subinde MARTINVS V. è familiâ Co-  
smensium insignis Pontifex, Annum So-  
lemnem ∞. cccc. xxxi. iuxta præscriptum  
VRBANI celebrâsse fertur. Magnus mortalium  
numerus accurrit, tantaque rerum copia &  
tranquil-

BONIFACIUS IX.  
iterum Actus  
1400.

Onaph. in  
Chron.  
Blond. in Des.  
Ara. Silu. in  
comp.  
Aual. Mille  
Aur.

MARTINVS V.  
Anno 1413.

Onuph. in  
Chron.  
Ciaccon. in  
vint. vint.

E. Maghelma-  
herus de In-  
bil. 6. 3.

NICO-  
LAUS V.  
Anno 1450.

tranquillitas fuisse traditur, vt promissam illam diuinitus IOBELO Hebraico felicitatem adæquasse videri possit. Miror qui recens Annalium scriptor biennio post hoc Solemne factum putet, cum calculi ratio exigat, ab Anno xc. prioris seculi computando, vt in hunc annum incidat: eoque Anno in Chronico Romanorum Pontificum, ab Onuphrio edito, rectè annotetur. Falsi etiam quidam è mendoso eius Chronici exemplari qui xxxvi. Anni IVBILEVM ab VRBANO institutum, & à MARTINO peractum credunt.

Celebratior utroque isto Annus Secularis Quinquagesimus NICOLAI V. quo tanta multitudo in Urbem venit, quanta numquam antea. FEDERICVS etiam CAESAR inaugurandus, cum Augustâ coniuge, & LADISLAO Pannoniæ Rege, eodem aduenisse fertur; nequid ad summam festiuitatem aut magnificentiam deesset. Quibus porro cærimoniis in Urbem recepti sint, quibusue inaugurati, in eo Libro fusè describitur quem *de Ritibus R. E.* Christophorus Marcellus LEONI x. Pont. dicauit. Qui auctor in Anni ratione cum Turfellino conuenit: Platina biennio post id factum mauult: qui & casum illum lacrymabilem describit, quò in ponte Vaticano è consternatione subitâ compressâ multitudine ducenti homines, cum iumentis aliquot, suffocati; multi etiam à lateribus pontis in flumen deiectioni, periere. Eodem anno Pontifex BERNARDINVM SENENSEM Franciscanâ Familiâ Diuorum Fastis adscripsit, vt in NICOLAI Epitaphio notatum habetur his verbis:

*Tum*

Tum BERNARDINO statuit sua sacra SE-  
NENSI,

*Sancta IUBILEI tempora dum celebrat.*

In Platinæ exemplaribus sic vulgò habetur: sed  
in exemplo eiusdē Epitaphij alio, quod à Iacobo  
Villerio I. C. accepi, IOBELAEI habebatur. quæ  
*εὐλογεῖται* et si Fl. Iosepho in Antiquitatibus, D.  
Hieronymo in Epistolâ ad Galatas, Nauarro,  
Ribera, aliisque viris eruditissimis probetur;  
vsum tamen (ut præmisi) Ecclesiæ alteram pro-  
bavit, quod res omnium rerum lætissima iubi-  
lanti voce aptius significaretur. Neque etiam  
adeò necessarium est ut deriuata vocabula pri-  
migenij sui elementa sic incorrupta seruent, ut  
non aliquid *in quibus* causâ interdum conce-  
datur. Mira NICOLAI Principis diligentia in  
viis Italiæ tutandis peregrinantium commodo,  
mira pietas in Supplicationibus anno Sacro ob-  
eundis, mira in annonâ curandâ sollicitudo ab  
Historicis describitur: ut quantum Doctrinæ  
laude, ac Doctorum virorum suscepto patroci-  
nio, paucos sibi in summis Infulis pares habuit;  
ita Pietate ac vitæ probitate non minùs com-  
mendari, ac velut in exemplum proponi, me-  
reatur.

Successit Solemne SIXTI IV. Pontificis  
item egregij, xxv. post Anno, qui eius Seculi  
LXXV. fuit, celebratum. Is decreto PAVLI  
II. Veneti primus obsecutus, Seculum Nouum  
quinque præuertit quinquenniis. Melius Chri-  
stianæ R. P. consuli arbitratus si PAVLINÆ  
iussioni obediretur, xxv. quoque Anno IUBILEO  
redeunte; quod vnius hominis ætas ter *Annus*  
illum

SIXTUS IV.  
Anno 1475.



Exer. de Pow.  
et Rem.

Lib. 3. Orig.

disentit.  
Cornelius ad  
anno. mundi  
9544.

Macrob. 1.  
Sat. 6. 22.

ita.

illum *Felicem* attingere posset, in iuuentute nimirum, virili ætate, & senectute. Eam ergo Constitutionem ipse nouo Diplomate, quod Pontificio Iuri insertum legitur, sanctiùs confirmauit: quare multis visus hanc ipse consuetudinem induxisse potius, quàm nouo Edicto confirmasse. Quod verò ad Numerum attinet *Quintum* & *Vigesimum* (nam *Numeros* in re sacrâ non parui faciendos D. testatur Isidorus; & quicquid perfectum esset *Numero constare* Pythagorici asseruerunt) is, inter cæteros, à Mysteriorum Diuinorum magnitudine multum dignitatis ac sanctitatis accepit. Non defuerunt enim qui xxv. die mensis *NISAN*. quem nobis *MARTIVM* esse arbitrantur, Mundi *γένεσις* factam assererent: etsi alij *Æquinoctio* Autumuali eam potius attribuunt: quorum disputationes huc adferre neque nostri instituti, neque otij est. Illud tamen obiter affirmem Naturam ipsam, occultâ quadam *συμπάθεια*, Vernam quasi originem testari, quòd ad diem vii. Kal. Aprileis Sol primum diem longiorem nocte producat: quòd vigor plantis, fructicibus, arboribus, animantibus eo tempore redeat: quòd plurimæ nationes Anni inde Epocham, quasi à temporum radice, desumere instituerunt. Eâ etiam die, quam diximus, Romani *exordium lætitiæ* siue *HILARIA* celebrabant, ob iucundam atque lætam rerum omnium *καλιγγεσία*: cum, vt cecinit eximius Poëta, natali etiam Verno fauens,

*Parturit almus ager, Zephyrig, tepentibus auris  
Laxant arua sinus, superest tener omnibus humor.*

Qui



Qui Mos ad Persas hodie transiisse videtur, apud quos festus dies Verno tempore celebratur, regali sanè pompâ, NEVRVZ ipsorum linguâ appellatus: quasi *νευρζια* diceret, aut *Novum Diem*. Eadem Martij die primum hominem è limo terræ creatum D. credidit Athanasius; atque ideo SALVATOREM nostrum CHRISTVM eâ die conceptum, XXV. Decembris natum, iterum XXV. Martij passum, eademque die, summo Mundi tempore, ad iudicandum humanum genus rediturum. De mense ergo Principe Anni Sacri, in ver incidente, meritò præceptum: *Mensis hic [NISAN] vobis principium mensium, primus erit in mensibus anni.* Nimirum quod diem illum dierum principem, cum pluribus Mysteriis aliis, in se contineret. Numerum certè XXV. Pythagorici, quòd Tetragônus esset, in pretio habuerunt, magnamque vim ad humanæ vitæ ætates distinguendas, animumque virtutibus ac religione imbuendum, habere censuerunt. Vnde Herodicus Philosophus, apud Censorinum, *γυμνάσιον* quas Zenon XXX. Annorum spatium absoluerat, XXV. circumscripsit: *Orbe illo circūactō humanam Naturam à sementi ad sementem reuerti arbitratus.* Polycrates autem, nescio quis, Abrahamo Patriarchæ persuasum fuisse ait, idque Zoroastrem ab ipso didicisse, Quinquagesimo quoque anno Periodum Magnam peragi, siderumque omnium *ἀποκατάστασις*, & elementorum expurgationem hinc sequi: cuius rei fides auctori relicta sit. Meritò igitur in illum Numerum qui & humanæ vitæ commodus, ac Naturæ utilis, & Mytte-

Ferdin. Lopez,  
l. 1. c. 6.

quæst. 17. ad  
Antiochum.

Exod. 17.

*Abominati ne furis premi  
Sinas Draconis, quem Tibi subditum  
Per vasta colla sibilanti  
Vidimus infremuisse linguâ.*

Quod si cuiquam non displicuerit hic impetus, & si tanti esse putauerit, cætera huius Poëmatis in Lyricorum nostrorum carminum fronte posita inueniet. Inuitabit ergo piè peregrinantem, & ad se trahet, LAVRETANÆ AEDIS sanctitas; inuitabit etiam cælestium beneficiorum magnitudo; quæ si vllò terrarum loco, illhic certè à Diuinâ Benignitate liberalissimè dispensantur. Corpore infirmus es? medicinam dabit Virgo: animo anxius? solatium & iucunditatem afferet: conscientiam pauidus? dulcem suggeret in amaritudine salutarî lætitiâ: in periculis constitutus? terrâ, aut mari, trepidus, ac pænè de salute desperans? salutem dabit MARIA, Libertatem, Vitam, ac quicquid petere cum fiducia audes, præbebit MARIA. Et quot illa mortalibus iam olim, ac nuper hæc præbuerit, ipsi sacri parietes donariis votiuis onusti, ipsa Templi atria Tabellis *gratulæ* circumue-  
*gratulæ* stita, aut potius ipse Orbis vniuersus; tantorum benefactorum conscius, inclamat & testificatur. Sunt verò pij viri ac facundi, qui, ad DEI ac DEIPARÆ VIRGINIS gloriam, immortalibus scriptis ista prodiderunt; vt necessum non sit his commemorandis prolixiùs inhærere; quod tamen in alio Carmine Votiuo, penes me, testimonium est, summam Beneficia Virginea perstringens, veniam fortè suâ breuitate meretur, ac fauorem:

*Astrifera*

*Astrifera REGINA domus, genitrixq; Tonantis,*  
*Innuba conuicto Numine facta Parens,*  
*Quam super æthereas Superiorum exercitus arces*  
*Egestam æternâ laude salutat Heram;*  
*Mille Tibi Ausonium radiant delubra per orbem,*  
*Mille Tibi accendunt thura Sabæa foci;*  
*Sed LAVRETANIS Tua maxima gloria Templis,*  
*PICAENAQUE micat maximus Aede fauor.*  
*Id sacris fixa muris pictaq; Tabellæ,*  
*Donaq; Virgineis multa docent adytis,*  
*Quam multis, pia DIVA, adsus; facilemq; vocatu*  
*Sentiat in trepido vir mulierq; malo:*  
*Ille inter medios flammarum constitit igneis,*  
*Nec potuit iussu flamma nocere Tuo:*  
*Deuota sq; Tibi consecrata sq; rosarum*  
*In morem tantum est lambere visa comas:*  
*Iste, procellosis dum naufragus errat in undis,*  
*Depinxit Voti signa secunda sui:*  
*Seu fuit in praeceptis furibundo raptus ab amne,*  
*Pertentans dubio cæca profunda solo.*  
*Est quoque qui, fato Phrygium Aslyanaëta secutus,*  
*Testatur precibus se superesse Tuis:*  
*Est quoque qui, Duce Te, cacas vitasse latronum*  
*Insidias potuit, terrificasq; manus:*  
*Atque aliquis crudi fugiens Busiridis aras*  
*Virgineam haud frustra sæpè vocauit opem.*  
*Vixit hic horrendum transfixus corpora ferro,*  
*Atque Tibi est Vite debitor ipse suæ:*  
*Ille alacri delapsus equo sine vulnere surgit,*  
*Fractaq; non vllò membra dolore leuat.*  
*Sed quid ego obtritosq; totis, tauriq; ferocis*  
*Cornibus excussos sidera ad alta loquar?*  
*Quid referam muris appensas, VIRGO, catenas,*

Quas posuit sæuo liber ab hoste reus?  
 Quid fractos laqueos, elisaq<sup>3</sup>, vincula narrem,  
 Armaque in innocuos noxia stricta viros?  
 Quid numerem Geticis erepta Tropæa maniplis,  
 Fixaq<sup>3</sup>, ad augustum barbara signa tholum,  
 Dum MARIAE auspicio se vincere credidit hostem  
 Martia, sed Marti non benè fisa, cohors?  
 Quid? quàm multa tuo Mater sit munere facta,  
 Cui genere in sterili contigit antè thoro?  
 Quid morbi genus omne, luemq<sup>3</sup>, febreſq<sup>3</sup> malignas,  
 Vincere quas medica non potuere manu,  
 Auxilio victas tanto, pulsaſq<sup>3</sup>, clientum  
 Corporibus, vacuas non habuisse preces?  
 Quid memorem triplicis damnatas pollice fusi,  
 Ex Erebo, iussas sepè redire animas,  
 Nequicquam nigrâ circumfrendente cateruâ;  
 Nequicquam infernâ multa mouente Styge?  
 Omnia Natura sanctas superantia leges,  
 Omnia victuro digna furore cani?

oderigeri.

Dignissima certè æternis Ingeniis in ÆTERNA  
 VIRGINE materia, & iam nobiles aliquot Mu-  
 sarum *κισσοφόροι* laudabiliter hanc operam præ-  
 stiterunt. Optem sanè esse, & optauì diu, qui  
 tot Rosas, Lilia, Violas in sertum vnum com-  
 pingat, & LAVRETANÆ VIRGINI consecret:  
 suauius longè spiraturum quàm vel odorati Cî-  
 liciaë nimbi, aut fragrantès Arabū messes, Thea-  
 tris effusæ; vel omnia Assyriæ mercis cinna-  
 mæ in Phœnicis vnius pyram constipata. Quis  
 igitur ille tam ignauus erit, ac vecors, qui Sacra-  
 tissimi loci vel maiestate, vel beneficentiâ, non  
 commotus (si facile potest, immò si vllâ ratione  
 potest) non accurret illicò ad tantum præsi-  
 dium?

dum? non sibi propitiam VIRGINEM, non fa-  
uentem VIRGINIS FILIVM, in hoc terrestri  
vti cælo, reddere conabitur? Quis etiam non  
putet hanc sibi diuinitus velut legem impositam  
vt IVBILEVM aditurus LAVRETVM declinet,  
cùm eodem ferè tempore & IVBILEVM solen-  
niter indictum sit à BONIFACIO IIX. & Lau-  
retana cellula in Italiam delata? Euoluite An-  
nales, perquirite testes, & veritatem huius rei  
compertam habebitis. Parum itaque mihi fecis-  
se videbitur qui, cùm liceat, LAVRETVM non  
adbit. immò non omnia mihi fecisse videbitur  
qui, etiam cùm non liceat, LAVRETANAM VIR-  
GINEM de itinere non salutârit.

## CAPVT XIV.

*Quinam Pontifices, & quando, IVBILEVM celebrârunt. BONIFACII VIII. Solemne maximum fuisse: eius de FLORENTINA R. P. vaticinium. D. ANTONINI de Pontifice isto iudicium. CLEMENTIS & VRBANI SECTOR. circa tempus IVBILEI decreta. Numeri L. & XXXIII. dignitas indicata.*



Icut Græcis ante tempora Olym-  
piadis Iphitææ Temporum ratio  
obscura fuit, atque inde æuum  
illud fluxit quod *ἑσπερινόν* appellâ-  
runt, à maiore rerum gestarum

*M. Varro  
apud Censori-  
um.*

BONIFACIUS VIII.  
Anno 1300.

*S. Antonia.  
in Chron. p. 5.  
Raco. Cardin.*

*in Chronica  
Fr. Longi Co-  
violani.*

*S. Placina  
Paul. Aemil.  
Tarjellin.*

*duff. Pal-  
lar. in Chron.*

certitudine; ita in re nostrâ **IVBILEA**, ante **BONIFACII VIII. PONT. MAX.** ævum, non ad eò exploratum est qui Pontificum Romanorum, aut quando, Solemne istud celebrauerint, aut quibus ad eò cærimoniis in eo celebrando sint vsi. Ipse **BONIFACIUS** primùm solemnem **IVBILEI** obseruationem in ius redegit, maximòque Sacrorum apparatu, & incredibili ex omnibus Orbis partibus multitudinis concursu, illud ipsum peregit Anno Christiano iuxta calculos **Dionysij Exigui**, **CIO. CCC.** In quâ celebritate illud admirandum ab illius æui Scriptoribus memoratur, *ducenta hominum peregrinorum milia*, vnaquaque ferè sacri Anni die, Romæ numerata. Addit amplius Platina, tantam eo anno multitudinem confluisse, *vt vix incedere per Vrbem, amplam quidem & vastam, liceret*. Neque tantæ pascendæ multitudini Diuina Benignitas defuit. admirabilem namque ac prodigiosam eo anno Annonæ copiam in Vrbe & Italiâ conspectam obseruauit Iacobus Cardinalis, qui & Solemne illud vidit, & oculatâ fide, quæ vidit, posteritati mandauit. Venit tum inter cæteros illustres Viros ad Vrbem **CAROLVS VALLESIVS**, **PHILIPPI** Francorum Regis frater, **BALDVINI IMP. CONSTANTINOPOLITANI** gener, honorificè à Pontifice exceptus, & mox pietatis eius causâ Tusciæ præfecturâ donatus. **XII.** quoque Legationes, à diuersis Principibus ac Rebus publicis ad **BONIFACIUM** missæ, ipsum Annum cohonestârunt: in quæis præclarum **FLORENTINORVM** studium enituit. Fertur subinde Pontifex, cùm in celebri Præsulum confessu

sessu peroraret, Legationum istarum Titulos  
 recensuisse, & cum ad Florentinos ventum es-  
 set, in hanc vocem prorupisset: *In gloriam FLO-*  
*RENTINI nominis affirmo in gubernatione orbis ter-*  
*rarum FLORENTINOS aliud elementum fore.* Quod  
 Vaticinium à D. quoque ANTONINO, sanctissimo *in Chron. ibid.*  
 Florentinorum Antistite, obleruatum, rei postea  
 veritas comprobauit. Exinde namque vna Flo-  
 renuna ciuitas tot Illustres Ingenij ac Pietatis  
 laude viros, tot militari laude florentes, tot Prin-  
 cipes & Heroës Orbi dedit, quot vix alibi Pro-  
 uincię vniuersę. Vel illud quàm magnificum est  
 (vt cætera eius ornamenta taceam) quatuor, in-  
 tra vnus ferè seculi spatium, PONTIFICES  
 MAXIMOS Ciues suos habuisse: LEONES sci-  
 licet duos X. & XI. CLEMENTEM VII. &  
 quem hodie in cathedrâ PETRI sedentem ve-  
 neramur, VRBANVM VIII. Viderint alij quomo-  
 dò vaticinium istud BONIFACII interpretandum  
 putent; ego diuinitus inspiratum id pronuntiã-  
 se credo, quod, SYMMO GENERIS HVMANI  
 BONO, in SACRATISSIMORVM PRINCIPVM TE-  
 TRADE videmus impletum. Cæterùm Pontifi-  
 cem BONIFACIVM etsi amarè scriptores quidam  
 vellicent, idem Antoninus (quod miratus sum)  
*hominem prudentem, ac litteratum, magni animi,*  
*Zelatorem magnum, & conseruatorem Iurium Ec-*  
*clesiæ appellat.* cuius testimonium, vt hominis  
 sanctissimi & integerrimi, cum, vt par est, ma-  
 gni apud omnes fieri debeat; miror apud quos-  
 dam minus fidei inuenisse, quàm Scriptorum  
 aliorum calumnias, in gratiam Principum &  
 Regum, sacrosanctę Pontificum maiestati ni-



misquam sæpè obtreçantium. BONIFACII si qua  
 fuere (& fuerant certè) vitia non excuso; tantâ  
 tamen acerbitate detecta doleo: neque vllum  
 ferè, sancto illo viro excepto, existitisse qui, quas  
 ille virtutes eximias, & vitiis fortè superiores, ha-  
 buit in aspectum produceret; miror ac indignor:  
 reliquis, instar maledicti Cham, solam Parentis  
 sui fœditatem nudauisse contentis.

CLEMENS  
 VI. Anno  
 1350.

Plat. in eius  
 Virâ.

In t. Voigen.  
 inf.

Centenarium BONIFACII Solemne CLEMENS  
 VI. excepit, qui in Annum ab exacto illo Quin-  
 quagesimum, IVBILEI nomine, primus Indul-  
 gentiam publicauit: vt ipsius Diploma etiam-  
 num superstes, & Decretis insertum, fidem fa-  
 cit. Causas contracti IVBILEI, præter Roma-  
 ni Populi preces quas Auenione positus accepit;  
 duas potissimum habuit, exemplum Legis Ve-  
 teris quæ Annum Quinquagesimum sacrauit;  
 & Humanæ Vitæ breuitatem, per quam pauci,  
 multorum respectu, ad annum centesimum valeant  
 peruenire. Notatu certè digna videntur illa quæ  
 de Numeri Quinquagenarij dignitate in suâ  
 Constitutione promulgauit: Nos autem attenden-  
 tes quod ANNVS QVINQVAGESIMVS in Lege Mosai-  
 câ (quam non venit Dominus soluere, sed spirituali-  
 ter adimplere) IVBILEVS remissionis, & gaudij;  
 sacerq; dierum numerus, quo Lege sit remissio, cen-  
 sebatur: quodq; ipse QVINQVAGENARIVS NUMERVS  
 in Testamentis, Veteri quidem, ex Legis datione;  
 Nouo, ex visibili SPIRITVS SANCTI in Discipulos  
 missione, per quem datur peccatorum remissio, sin-  
 gulariter honoratur: quodq; huic plura & grandia  
 Diuinarum adaptantur mysteria Scripturarum, &c.  
 Mysteria autem nonnulla Quinquagenario in  
 Scri-



Scripturis attributa versibus decantantur apud  
Aratorem, II. Histor. Apostolicæ:

*Lege sacer Numerus delicta resoluit, vt olim  
Diluit in toto David sua crimina Psalmo:  
Contractusq; fugat, nam quinquagesimus annus  
Cum IVBILEVS adest proprij distractio ruris  
Antiquo donatur hero: seruire coactis  
Libertas amissa redit: mala debita laxat  
Exeditor, & limen Patriæ vetus aspicit exul.  
Quinquaginta etiam cubitis distenditur Arca  
Quæ depressa vadis, atque æquore iuta, salutem  
Sub numero Pietatis agit, seruataq; crescit  
Per spatij parcentis opem, quia CHRISTVS vbique  
Condidit Ecclesiam, veniâ fabricante capacem,  
Quæ sic cœpta fretis latissima funditur aruis.*

DE IVBILEI CLEMENTINI solemnitate par-  
cius à Scriptoribus traditur, quòd circa ea tem-  
pora pestis adeò sæua, triennio continuo, Ita-  
liam deuastauerit, vt (Auctore Platinâ) vix de-  
cimus quisque ex millesimo homine supersuerit.  
Crederes illam sanctissimo eo tempore negle-  
ctis diuinis Ritibus barbarè inter se confligen-  
tem, ac diutino bello collisam, iustas impietatis  
sue pœnas exsoluere.

Ter vno Seculo (quod mirere) in IVBILEO  
indicendo variatum est. nam quem BONIFA-  
CIVS VIII. Anno centesimo, more maiorum,  
& CLEMENS VI. quinquagesimo quoque re-  
deunte celebrandum decreuerant; cum VRBA-  
NVS VI. PONT. MAX. trium & triginta anno-  
rum spatio definierat, & in Annum eius seculi  
x c. publicauerat. Numeri mysterium fuit,  
quòd totidem annis, & paullò ampliùs, CHRI-

in Clem. 8.  
Turullin. de  
comp.

BONIFA-  
CIVS IX.  
1390.

Onaphr. in  
add. ad Plat.

*S. Card. Bon-  
vini in ep. ad  
Mediol.  
Exonius ad  
Ano. sup.  
B. N. 50.*

STVM MESSIAM vixisse vetus Ecclesiæ tradi-  
tio est. Eumque Numerum, non absque Typo  
venturi de semine suo MESSIAE, Rex olim  
David sacraverat, cum pari annorum numero  
super Iudam & Israël Hierosolymis regnavit.  
Contrahendo Iubileo eadem, quæ in CLEMEN-  
TE, caussa; paternus ac Pius Pontificis in Ec-  
clesiam adfectus, ne tam salubre humani gene-  
ris bonum tantis temporum spatiis differretur.  
Olim namque dum vitiorum minus erat &  
amplius Poenitentiae impensum, minus periculi  
in dilatione visum; crescentibus ætate morbis  
crebrioribus remediis opportunum uti fuit. Ita-  
que eum Annum indictum successor BONI-  
FACIVS peregit, tantâ peregrinorum affluente  
multitudine, ut numerum omnem excedere vi-  
deretur. Quæ multitudo eò copiosior fuit quòd  
visitantis cognatam suam DEIPARAE festiui-  
tas ab VRBANO concepta, & à BONIFACIO  
honorifico Diplomate confirmata, magnificæ-  
que anno Sacro Romæ auspicanda, plurimos  
mortales exciuisset.

*Deu. lib. d.*

## CAPVT XV.

*Tria Seculi Millesimi Quadringentesimi IV-  
BILEA sub BONIFACIO IX. NICO-  
LAO V. & SIXTO IV. Pontt. Maxx.  
acta. De IVBILEI Orthographiâ iterum,  
& Numero XXV. nonnihil intermi-  
stum.*

**B**ONIFACIUS IX. Pont. Max. qui  
ex decreto VRBANI VI. decesso-  
ris sui, IVBILEVM decennio antè,  
vti dixi, celebrauerat; idem quo-  
que Seculo Nouo cio. cccc. mo-  
re maiorum, solempni cærimoniâ, peregit. In quo  
frequentissimum piorum ex omni gente homi-  
num confluxum Scriptores illius æui annotâ-  
runt. Gallicæ maxime gentis studia laudata,  
quam etsi Regium edictum, malignorum sug-  
gestu publicatum, domi subsistere compelleret,  
ingenti tamen numero, & in his illustres multi,  
& eximij, Romam aduenerunt. Mediolanen-  
sibus & Pragensibus vt intra moenia sua id age-  
rent, ob legitimas causas, Pontificio Priuile-  
gio concessum.

BONIFA-  
CIUS IX.  
iterum Agina  
1400.

Onaph. de  
Chron.  
Blond. in Des.  
Ave. Silu. in  
comp.  
Aual. Eccl.  
Aur.

Subinde MARTINVS V. è familiâ Co-  
VMNENSIVM insignis Pontifex, Annum So-  
lemnem ∞. cccc. xxxi i i. iuxta præscriptum  
VRBANI celebrâsse fertur. Magnus mortalium  
numerus accurrit, tantaque rerum copia &  
tranquil-

MARTI-  
NVS V.  
Anno 1455.

Onuph. in  
Chron.  
Ciaccon. in  
sine viâ.

tranquillitas fuisse traditur, vt promissam illam diuinitus IOBELO Hebraico felicitatem adæquasse videri possit. Miror qui recens Annalium scriptor biennio post hoc Solemne factum putet, cum calculi ratio exigat, ab Anno xc. prioris seculi computando, vt in hunc annum incidat: eoq̃ue Anno in Chronico Romanorum Pontificum, ab Onuphrio edito, rectè annotetur. Falsi etiam quidam è mendoso eius Chronici exemplari qui xxxvi. Anni IVBILEVM ab VRBANO institutum, & à MARTINO p̃eractum credunt.

L. N. N. N. N.  
heras de In-  
sil. 4. 3.

NICO-  
LAUS V.  
Anno 1450.

Celebratior vtroque isto Annus Secularis Quinquagesimus NICOLAI V. quo tanta multitudo in Urbem venit, quanta numquàm antea. FEDERICVS etiam CAESAR inaugurandus, cum Augustâ coniuge, & LADISLAO Pannoniæ Rege, eodem aduenisse fertur; nequid ad summam festiuitatem aut magnificentiam deesset. Quibus porro cærimoniis in Urbem recepti sint, quibusue inaugurati, in eo Libro fusè describitur quem *de Ritibus* R. E. Christophorus Marcellus LEONI x. Pont. dicauit. Qui auctor in Anni ratione cum Tursellino conuenit: Platina biennio post id factum mauult: qui & casum illum lacrymabilem describit, quò in ponte Vaticano è consternatione subitâ compressâ multitudine ducenti homines, cum iumentis aliquot, suffocati; multi etiam à lateribus pontis in flumen deiecti, periire. Eodem anno Pontifex BERNARDINVM SENENSEM Franciscanâ Familiâ Diuorum Fastis adscripsit, vt in NICOLAI Epitaphio notatum habetur his verbis:

Tum

Tum BERNARDINO statuit sua sacra SENSI,

*Sancta IVBILEI tempora dum celebrat.*

In Platinæ exemplaribus sic vulgò habetur: sed in exemplo eiusdē Epitaphij alio, quod à Iacobo Villerio I. C. accepi, IOBELAEI habebatur. quæ *ἐπιγραφία* etſi Fl. Iosepho in Antiquitatibus, D. Hieronymo in Epistolâ ad Galatas, Nauarro, Ribëræ, aliisque viris eruditissimis probetur; vsus tamen (ut præmissi) Ecclesiæ alteram probavit, quod res omnium rerum lætissimâ iubilanti voce aptius significaretur. Neque etiam ad eò necessarium est ut deriuata vocabula primigenij sui elementa sic incorrupta seruent, ut non aliquid *εὐφωρίας* causâ interdum concedatur. Mira NICOLAI Principis diligentia in viis Italiæ tutandis peregrinantium commodo, mira pietas in Supplicationibus anno Sacro obcundis, mira in annonâ curandâ sollicitudo ab Historicis describitur: ut quantum Doctrinæ laude, ac Doctorum virorum suscepto patrocinio, paucos sibi in summis Infulis pares habuit; ita Pietate ac vitæ probitate non minùs commendari, ac velut in exemplum proponi, mereatur.

Successit Solemne SIXTI IV. Pontificis item egregij, xxv. pòst Anno, qui eius Seculi LXXV. fuit, celebratum. Is decreto PAVLLI II. Veneti primus obsecutus, Seculum Nouum quinque præuertit quinquenniis. Melius Christianæ R. P. consuli arbitratus si PAVLINÆ iussioni obediretur, xxv. quoque Anno IVBILEO redeunte; quod vnus hominis ætas ter *Annus* illum

SIXTUS IV.  
Anno 1475.

illum *Felicem* attingere posset, in iuuentute nimirum, virili ætate, & senectute. Eam ergo Constitutionem ipse nouo Diplomate, quod Pontificio Iuri insertum legitur, sanctiùs confirmauit: quare multis visus hanc ipse consuetudinem induxisse potiùs, quàm nouo Edicto confirmasse. Quod verò ad Numerum attinet *Quintum* & *Vigesimum* (nam *Numeros* in re sacrâ non parui faciendos D. testatur Isidorus; & quicquid perfectum esset *Numero constare* Pythagorici asseruerunt) is, inter cæteros, à Mysteriorum Diuinorum magnitudine multum dignitatis ac sanctitatis accepit. Non defuerunt enim qui xxv. die mensis *NISAN*. quem nobis *ΜΑΡΤΙΟΥ* esse arbitrantur, Mundi *γένεσιν* factam assererent: etsi alij *Æquinoctio* Autumnali eam potiùs attribuant: quorum disputationes huc adferre neque nostri instituti, neque onij est. Illud tamen obiter affirmem Naturam ipsam, occultâ quadam *συμπαθεία*, Vernam quasi originem testari, quòd ad diem *vi. Kal. Aprileis* Sol primùm diem longiorem nocte producat: quòd vigor plantis, fructicibus, arboribus, animantibus eo tempore redeat: quòd plurimæ nationes Anni inde Epocham. quasi à temporum radice, desumere instituerunt. Eâ etiam die, quam diximus, Romani *exordium lætitiæ* siue *HILARIA* celebrabant, ob iucundam atque lætam rerum omnium *παλιγγενεσίαν*: cùm, vt cecinit eximius Poëta, natali etiam Verno fauens,

*Parturit almus ager, Zephyriq; tepentibus auris  
Laxant arua sinus, superest tener omnibus hu-*  
*mor.*

Qui

Exv. de Pers.  
& Rem.

lib. 3. Orig.

dissonis.  
Ternellus ad  
anno. mundi  
9544.

Μαρτιου. 7.  
Θαρ. 125.

ala.

Qui Mos ad Persas hodie transiisse videtur, Ferdin. Lopez, l. 1. Rer. ad. 6.  
 apud quos festus dies Verno tempore celebra-  
 tur, regali sanè pompâ, NEVRVZ ipsorum lin-  
 guâ appellatus: quasi ~~νευρς~~ *neurs* diceret, aut *No-  
 num Diem*. Eadem Martij die primum homi-  
 nem è limo terræ creatum D. credidit Athana- quasi. 17. ad  
 Anzichum.  
 sius; atque ideò SALVATOREM nostrum CHA-  
 STVM eâ die conceptum, XXV. Decembris na-  
 tum, iterum XXV. Martij passum, eademque  
 die, summo Mundi tempore, ad iudicandum  
 humanum genus rediturum. De mense ergo  
 Principe Anni Sacri, in ver incidente, meritò  
 præceptum: *Mensis hic [NISAN] vobis princi-* Exod. 12.  
*pium mensum, primus erit in mensibus anni.* Ni-  
 mirum quod diem illum dierum principem,  
 cum pluribus Mysteriis aliis, in se contineret.  
 Numerum certè XXV. Pythagorici, quòd Te-  
 tragônus esset, in pretio habuerunt, magnamque  
 vim ad humanæ vitæ ætates distinguendas, ani-  
 mumque virtutibus ac religione imbuendum,  
 habere censuerunt. Vnde Herodicus Philoso-  
 phus, apud Censorinum, *γυνίαι* quas Zenon  
 XXX. Annorum spatio absoluerat, XXV. cir-  
 cumscripsit: *Orbe illo circumacto humanam Naturam  
 à sementi ad sementem reuerti arbitratus.* Polycra-  
 tes autem, nescio quis, Abrahamo Patriarchæ  
 persuasum fuisse ait, idque Zoroastrem ab ipso  
 didicisse, Quinquagesimo quoque anno Perio-  
 dum Magnam peragi, siderumque omnium  
*ἐπιστροφῆς*, & elementorum expurgationem  
 hinc sequi: cuius rei fides auctori relicta sit.  
 Meritò igitur in illum Numerum qui & huma-  
 næ vitæ commodus, ac Naturæ utilis, & Myste-



Sap. 11.

Platina.  
Heros. Consul.

riorum magnitudine sacer atque perfectus esset, sapientissimi Pontifices SACRVM REMISSIO-  
NIS ANNUM retulerunt: Sapientiam illam cæ-  
lestem, cuius vices in terris gerunt, prouidè imi-  
tati, quæ, sui ipsius testimonio, *omnia in Numero,*  
*& Pondere, & Mensurâ disposuit,* & disposita  
æquabili ac perpetuo tenore gubernat & regit.  
Ut ad SIXTVM redeamus, is eo Anno, quem  
dixi, Sacrum IVBILEVM frequentantibus Vr-  
bem populis, ac FERDINANDO Neapolitano-  
rum Rege cò aduentante, celebrauit. Illi Ponti-  
fex, pietatis causâ, loca lautia in Palatio præ-  
buit, annumque censum, quem Romanæ Ec-  
clesiæ pendebat, remisit. Eodem Anno, quòd  
Deus Romanis Sacris faueret, ingentem cladem  
Othomannico populo, à Stephano Moldaviæ  
Duce, illatam, ex Annalibus Turcicis Leoncla-  
uij Miræus noster in Chronico obseruauit:

## C A P V T X V I

ALEXANDRI VI. CLEMENTIS VII.  
IVLII III. GREGORII XIII. &  
CLEMENTIS VIII. PONTIFF. An-  
ni Seculares. *Quæ in iis memoratu digna*  
*summatim expressa. Pulchra instantis*  
*IVBILEI spes.*

ALEXAN-  
DER VI.  
Anno 1500.

Ummum ALEXANDRI VI.  
Sacerdotium Anno-Princepe  
CIO. IO. & Solemni IVBILEO  
redeunte nobilitatum est. Quo  
anno tantus vniuersarum gen-  
tium



tium concursus ad Urbem fuit, ut (Velleij <sup>in suppl. Gal-  
Zulij.</sup> Aqueusis verba sunt) ab eâ, cuius magnitudini Or-  
bis olim impar fuerat, agrè caperentur. Quin &  
omniò Urbe capi multitudinem non potuis-  
se credit, nisi barbaro & inhumano Mediola-  
nensis Ducis factò, aureum numum in singula  
Gallorum capita exigentis, plurimorum Pietas  
fuiſſet retardata. Cui tamen malo benignè <sup>Plac. in Al. 6</sup>  
Pöntifex succurrit, delictorum veniâ his, qui-  
bus venire integrum non fuerat, per Diploma-  
ta concessâ. Solennem hunc Christianæ Picta-  
tis annum Natalis CAROLI V. IMP. AVG. in  
Metropoli Flandriæ GANDAVO & Brasiliiani <sup>Mir. in Chron.</sup>  
Orbis detectio, celebriorem reddiderunt.

CLEMENTI VII. PONT. MAX. idem an-  
nus celebritatem IVBILEAM, & principium  
Dignitatis attulit: quintus enim & Vigésimus  
nominati seculi fuit. Quo anno cum horrendi  
rusticorum tumultus, Luthero classicum canen-  
te, in Germaniâ; CAESARIS etiam ac FRAN-  
CISCI Regis bella in Italiâ & Galliâ desæui-  
rent; omniâque peregrinantibus infesta essent,  
rariora exterorum agmina in Urbe conspecta  
sunt. Eoq; magis quod iam tum Lutherus sa-  
criste ore in sacros Ecclesiæ Ritus, & potesta-  
tem Romani Pontificis, debacchatus, quam-  
plurimos à veteri Religionis fervore, ac legiti-  
mis maiorum institutis, auertisset. Quâ tamen  
ætate à Mexicano Rege, sacris tunc primùm  
nostris initio, & Æthiopiz Imperatore, missi  
ad CLEMENTEM Legati, multum Ecclesiæ Ro-  
manæ Orthodoxæ, & Apostolicæ Sedi, orna-  
menti ac dignitatis attulerunt.

CLEMENS  
VII. ANNO  
1525.

*Iouius in Cor-  
stly Elegia.  
Omnia in Viri  
Tursellin.*

*Of. Hist.  
Oriens. lib. 8.*

IVLIVS III.  
Anno 1550.

Eadem felicitate IVLIVS III. ( si Onuphrio credimus ) Pontificias infulas à Solemni IVBILEO, ( quod è Decreto PAVLLINO, in Annum CIO. IO. L. incidebat ) auspicatus, die S. MATTHIAE APOSTOLO Sacrà, apertis, veteri instituto, quatuor Portis ei Solemni initia fecit: easdemque, anno vertente, Epiphaniæ die sub vesperam, magnâ cærimoniarum pompâ clausit. Conuenere tunc ad Urbem frequentia populorum, sed ferè Italicorum, examina: quòd Lutherana contagio iam non latis Germaniæ campis clausa, sed vltèrius euagata, finitimos quoque populos, sacro velut igni, afflâisset ac infecisset. Neque tamen Pontificiæ Maiestati sua dignitas defuit: nam eodem anno innumeri Principum ac Rerumpublicarum Legati ad obedientiam, de more, præstandam; Armeniæ quoque maioris & Assyriæ Patriarchæ, qui se cum Ecclesiâ Romanâ coniungerent, in Urbem venerunt. DEO OPT. MAX. Ecclesiæ defensore, damnum quod Germanica tabes intulerat, in aliis Mundi finibus, nouo Fidei incremento resarciente, ac restaurante. CONCILIUM etiam OECVMENICVM, Tridenti inchoatum, quo velut fulmine Hæreses nostrorum temporum magnâ ex parte profligatæ sunt; sub id tempus non parum promotum pio Pontificis studio, Annales testantur.

*Onuphr. in  
suis Virâ.  
Maffius Hist.  
Ind. lib. 2.  
Turcell.*

GREGO-  
RIVS XIII.  
Anno 1575.

Post IVLIVM proximè GREGORIUS XIII. religiosissimus Pontifex, statas IVBILEI cærimonias indixit. Non alius ferè Sacer Annus fecundior Virtutum, aut illustrior Pontificiâ Liberalitate fuit. Neque id mirandum in eo Principe,

cipe, quem & vitæ sanctitas eximium, & munificencia orbi vniuerso conspicuum demonstra-  
uit. Quantum ipse in Pietatis opera impen-  
derit Statua ei posita declarat, cuius Basi inscri-  
ptum est: SESTERTIVM. OCTINGENTIES. SINGVLARI. BENEFICENTIA. AB. EO. IN. EGENOS. DISTRIBVTVM. Quam summam  
pænè incredibilem, cò fide digniorem omnes  
æstimabunt, quòd è rationibus publicis accura-  
tè collecta, & præclaro æternæ gloriæ Moni-  
mento à S.P.Q. R. in Capitolio consecrata sit.  
Anno illo, (quem aduenientium studio & sa-  
crorum religione ac magnificentia eximium  
fuisse, qui spectauerunt, commemorant;) CA-  
ROLVs, Belgicus Princeps, Iuliacensium Ducis  
filius primogenius, in Vrbe Sacrà, summo om-  
nium mœrore, ac præsertim Pontificis, qui pa-  
ternâ eum beneuolentiâ complexus fuerat; ad  
cælites emigravit. Dispari longè fato, sed pari  
tempore, Matthæus Flaccus Illyricus Belgicæ  
& Germaniæ pestis (vt iurè eum Miræus ap-  
pellat) peste Francofurti diem obiit. diceres vi-  
rulentum ingenium Annum istum, Piis omni-  
bus vtilem atque salutarem, cùm diutiùs ferre  
non posset, effugere voluisse.

*Ravenn. Ann.  
Tab. 2.  
S: ap:leton. de  
Magna. Rom.  
Eccl. lib. 2.*

*Joseph. Pighius  
Herc. Prodi-  
cio.*

*Miræus in  
Chron.*

Pontificatum CLÉMENTIS VIII. ALDO-  
BRANDINI Annus Secularis ∞. 1000. magis  
illustrem reddidit. Quo tantus, pietatis ergò, vn-  
dique concursus fuit, vt in vno ad Pontem Si-  
xtinum Xenodochio quatuordecim hospitem  
millia, in singulos pænè dies, numerata censcan-  
tur. Iis alendis ipse Pontifex è Sacro Ærario  
millenos aureos cottidiè clargitus est. Supplicatio

*CLEMENS  
VIII. Anno  
1600.*

tiones diuersarum gentium sumptuosissimæ ac  
 numerosissimæ toto anno habitæ : adeò vt vi-  
 ginti septem hominum millia in iis conspecta, &  
 recensita ferantur. Fama eius Solemnis adeò  
 apud omnes peruagata est, vt Principes etiam  
 non pauci, maximi stemmatis, etsi Caluinianâ  
 aut Lutheranâ superstitione implicati, ad illud  
 coram spectandum, & admirandum, accurre-  
 rint. Et certè spectatu & admiratu digna fuit  
 quâ Principum Ciuiumque Romanorū insignis  
 & verè Christiana in exteros omnes beneuo-  
 lentia ac benignitas; quâ ipsius Pontificis, Tem-  
 pla cum Purpuratorum cœtu obeuntis, & Deo  
 pro Salute Publicâ cum lacrymis supplicantis,  
 pauperes etiam peregrinos comuni mensæ ad-  
 hibentis, iisque ministrantis, aliaque religiosa  
 opera, saluberrimo exemplo, facientis, pietas ac  
 sollicitudo. Cuius Pontificis Memoriam vt au-  
 gustam sanctamque Christiani omnes meritò  
 semper habebunt; ita gratias Deo agere con-  
 uenit immortales qui Nouo Seculari Nouum  
 Pontificem prouidit, OCTAVI pariter cogno-  
 mine dictum, iisque meritis ac virtutibus quæ  
 Muneri & cognomento isti conueniant, insi-  
 gniter exornatū. Sicuti enim in Ogdoade  
cubica soli-  
ditas.
κὺβερτον est, eoque Numero summa Beati-  
 tudinis ac Sanctitatis continetur; meritò is  
 quem Dignitas S A N C T I S S I M V M, Virtus  
 BEATISSIMVM facit, VRBANVS OCTAVVS,  
 ANNO SANCTO SANCTORVM COMMVNIO-  
 NI præsidens, ea de se Religionis exem-  
 pla pollicetur, quæ verecundia ipsius expri-  
 mi non sinit; vita autem purè & innocenter  
 in

in hanc vsque diem acta, ab vniuersis iubet  
exspectari.

## CAPVT XVII.

*ANNI SOLENNIS ROMANI indictio.*

*Quando ea fieri solita. Ex occasione de  
IVBILEO MYSTICO triplici actum.*

*Typus Hebræorum in Secundo Mystico  
expletus. IVBILEVM MAGNUM, vel  
SABBATVM SABBATORVM.*



Sicuti Remissionis Annus apud  
Hebræos die festo Propitiationis  
Anni Noni supra Quadragesi-  
mum, clangore buccinarum, &  
præconio septem Sacerdotum,  
indicebatur; ita apud Christianos die post so-  
lenne Paschæ Quadragesimo, qui ASCENSIONI  
CHRISTI sacer est, publicari, & in futurum an-  
num è Porticu Vaticanâ proclamari solet. Atque  
ita hoc ipso Anno CIO. IDC. XXIV. in Vrbe  
factum, datis ad me litteris Vir clarissimæ eru-  
ditionis ac Virtutis IOANNES BAPT. LAVRVS,  
VRBANO VIII. PONT. à cubiculis, significa-  
uit. Quæ res, vti reliqua Sacratissimi Solennis,  
neque Mysterio, neque religione caret. Vt enim  
CHRISTVS in cælum ascendens, Morte, Dæmo-  
ne, Mundo triumphatis, captiuam duxit captiui-  
tatem, dedit dona hominibus; ita Romanus Ponti-  
fex, Vicariâ eius potestatem gerens, LIBERTATEM

Ephef. 4.

à vinculis iniquitatis, & DONA cælestis Indulgentiæ, cum vniuersâ Fidelium Societate benignissimè impertienda, prænunciat. Hic est enim Annus ille Diuinæ Miserationis, ac Beneficentiæ, de quo per Regem Prophetam dicitur: *Benedices corona anni Benignitatis tuæ, & campi tui replebuntur vbertate. Pinguescent speciosa deserti, & exultatione colles accingentur.* Et per Ieremiam cap. xxxi. *Propitiabor iniquitati eorum, & peccati eorum non memorabor amplius.* Meritò certè illò tempore publicatur in Vrbe I V B I - L E V M, quò olim primùm in Ecclesiæ primordiis denunciatum, & expletâ Veteris Testamenti Figurâ celebratum est. Quod vt distinctiùs, quisquis hæc leget, intelligat; Triplicis I V B I L E I M Y S T I C I, à nobis obseruati, explicationem proponam. Primum est Sacrosanctum illud (à quo tamquam Fonte cætera omnia profluxerunt) à Prophetis Buccinatoribus, & D. IOANNE BAPTISTA qui *Vox clamantis in deserto*; ab Angelis *pacem* in Bethleem annunciantibus, & ab ipso Prophetarum summo CHRISTO SALVATORE, cùm Sabbatho in Synagogam introisset, indictum: & ab eo qui indixerat in Arâ crucis, vbi *Chirographum* damnationis nostræ suffixum est cruci, misericorditer consummatum. Formula verò, quâ in eo indicendo vsum refert DOMINVM Lucas, talis est in Isaïæ vaticinio: *Spiritus Domini super me, eò quòd unxerit Dominus me, ad annunciandum mansuetis misit me, vt mederer contritis corde, & prædicarem captiuis Indulgentiam, & clausis apertionem; vt prædicarem Annis placabilem Domino, & diē vltionis Deo nostro.*

Annum

Psal. 64.

Luc. 3.

IOHAN. 1.

Luc. 2.

Ibid. 4.

Caleff. 2.

Annum certè Placabilem prædicauit Dominus Ecclesiæ Sponsæ suæ dilectæ; Diem Vltionis Synagogæ quæ ipsum repudiauit . Annum Placabilem Orthodoxis omnibus intra fines Ecclesiæ consistentibus ; Diem Vltionis ab Ecclesiâ Catholicâ , & doctrinâ eius ac communione , remotis . Annum Placabilem Christianis , occasione tantâ vtentibus , & cum verâ cordis contritione ac gratiarum actione illud celebrantibus ; Diem Vltionis *cessantibus conuerſi ad Dominum* *Matth. 24.* *Deum suum* , & cum inutili seruo dormientibus , aut in crapulâ & luxu *diem salutis* , & *tempus acceptabile* , transigentibus . Quem verò fructum Ecclesiâ è cruce CHRISTI , & huius impletione Mysterij perceperit , eleganter ac piè admodum dicitur apud Stephanum Vinandum Pighium:

CHRISTVS Seruator noster IVBILEVM & Gratia *In Excerpto de Iubil. apud Fr. Schottum.*  
*Verum* Annum, à Iudæis ex Lege per figuram celebratum nobis attulit , & simul per Euangelium annuntiavit mansuetis , hoc est spiritu pauperibus , vt D. Hieronymus Prophetæ verba interpretatur . Missus ad sananda vulnera contritorū , & vt prædicaret captiuis, peccatorq; seruis Libertatem , clausis apertionem , vel vinctis solutionem . Hic Legis aboleuit obligationes, & reliqua vetera . Hic primi Parentis crimine genus humanum , infestissimi hostis seruituti mancipatum , suâ morte liberauit , peccatorum vincula soluit, clausos in barathro Patres antiquos à morte resurgens eduxit , aperta q; cæli portâ Beatitudinis Aeternæ thesauros patefecit . Hereditatem amissam, & felices Paradisi possessiones , caelestemq; Patriam exulibus nobis , ad eum redeuntibus , benignè restituit . Alterum è IVBILEIS MYSTICIS



Psalm. 46.

est illud, quod à CHRISTO ad Patrem *ascendente in Iubilo, & voce tubæ* pariter indictum, die post Resurrectionem suam quadragesimo, qui ASCENSIONIS memoriâ celebris est; & in die sacro Pentecostes per missionem SPIRITVS SANCTI in discipulos, qui dies post illam Quinquagesimus fuit, impletum. Sicut enim Annus Quinquagesimus IOBELVS erat, vti sæpè diximus, Hebræis; ita dies Quinquagesimus à Paschate SABBATICVS erat, cùm post vnde-quinquaginta dierum labores manipulus Primitiarum, in Festo Pentecostes, siue Hebdomadarum, Deo dicabatur. Vnde crudité apud D. GREGORIUM in Hymnis dicitur:

*Solemnis vrgebat dies,*

*Quo MYSTICO SEPTEMPlici*

*Orbis volutus SEPTIES*

*Signat beata tempora.*

Et apud D. HILARIUM Pictaviensem:

*Patrata sunt hac mysticè*

*Paschæ peracto tempore,*

*Sacro dierum numero,*

*Quo Lege fit Remissio.*

In Manipulos igitur illos Ecclesiæ Præmetiuos, sicut quondam in Patrum hostias, ignis cælestis descendit: non ille quidem ultionis aut vindictæ; sed consolationis, pacis, indulgentiæ, sanctificationis, & gratiæ: qui non modò ipsorum Discipulorum corda suavi flammâ combussit; sed eas statim foras scintillas proiecit, vnde hominum circiter tria millia ad PETRI concionem, veluti facem quamdam Paracleticam, ad moti fidei ardore succenderentur. De cuius

Mysterij

Act. 2.





Apo. 19.

Ephes. 6.

Psalm. 4.

Math. 10.

1. Petr. 4.

c. 74.

Psalm. 127.

Psalm. 125.

peractâ rerum humanarum Hebdomadâ proclamandum Christiani omnes expectant : cûm scilicet ECCLESIAE MILITANTIS laboribus expletis, & peregrinatione laboriosæ huius vitæ decursâ, aperientur Portæ Triumphales ÆTERNÆ IERUSALEM, & intromittentur ad Nuptias agni, qui de potestatibus tenebrarum harum, ac spiritalibus nequitia, super aspidem & basiliscum ambulantes, triumphare meruerint, & in horrendo Tribunali vocem illam optatissimam audire: *Venite benedicti Patris mei, accipite Regnum quod paratum est vobis à constitutione Mundi.* Quod ipsum Regnum, vel SABBATVM, vel IVBILEVM MAGNVM, meliori iure quis possit appellare, quàm illud quod in Veteri Lege ΣΑΒΒΑΤΟΝ ΣΑΒΒΑΤΩΝ, Mysticâ, futuri in requie beatorum æterni Sabbatismi, signatione celebrârunt. De quâ verè desiderabili requie dictum est à Gentium Doctore : *Itaque relinquitur Sabbatismus populo Dei. Qui enim ingressus est in requiem eius, etiam ipse requieuit ab operibus suis, sicut à suis Deus.* Et à O. Ioanne in Mysticâ Apocalypsi: *Amodò iam dicit Spiritus ut requiescant à laboribus suis: opera enim illorum sequuntur illos.* Sequuntur illos non ad onerationem, sed ad remunerationem : labores enim manuum suarum beati manducabunt, & quæ hîc seminauerint in lacrymis, ibi in exultatione metent. Atqui ista *πρωτὶ μουσικῶν ὁ βασιλεὺς* dicta sufficiant.

## CAPVT XIIX.

*Ritus aperiendæ PORTÆ SANCTÆ,  
eiusq; Rei Symbola, ac Mysteria. Votum  
pro Salut. R. P. Christianæ.*



Ndicto iam IUBILEO (quod Se-  
de vacante Pontificiâ etiam à  
Cardinale Ostiensi indici fas est)  
initium eius Solennis ab apertione  
PORTÆ SANCTÆ sumitur. Sic au-  
tem vocatur in Vaticano Templo Porta illa,  
quæ muro lateritio à Pontifice finito Anno I-  
BILEO clausa, Crucis signaculo, certisq; qui-  
buldam cærimoniis consecrata, non nisi Anno  
proximo Sacro ab eodem recludi solet. Pari  
cognomento sunt illæ, & eidem Ritui subser-  
uientes, quæ aliis in Ædibus per Cardinales  
Symmystas eadem horâ patefiunt. In Æde vi-  
delicet D. PAVLLI, viâ Ostiensi; in Conttanti-  
nianâ, SALVATORIS; in Exquilinâ; D. VIRGI-  
NIS ad Niues. Atque ita Quaternarius Nume-  
rus pulcherrimo huic Ritui dicatus: de quo mox  
amplius dicemus. Potiori autem ratione Quat-  
tuor hæ Portæ, per quas ad DIVINÆ MISERA-  
TIONIS ac CLEMENTIÆ adyta introitur, SAN-  
CTITATIS nomen sibi vindicant, quàm Muri ac  
Portæ ciuitatum, quas idè SANCTAS esse I. C.  
arbitrati sunt quòd pœna capitis legibus sancita  
esset in eos, qui violare auderent. quâ lege Re-  
mus,

*Rel. Zecchias,  
c. 4. de Indul.*

*Stephan. Pi-  
ghius in Ex-  
cerpis de Ind.*

*L. Sanctum,  
2. 6. 9. c. 1. §  
qui. ff. de ser.  
diuis.*

Lin. lib. 1.  
Ouid. q. Faß.  
Plinius c. 1.  
Sueton. lib. 1.

mus, Romuli frater, quod vallum à fratre in  
condendâ Vrbe positum, quasi irridens, trans-  
siliisset, necatus est. atque ita (si Dls placet)  
*Sancti illi*

*Fraterno primùm maduerunt sanguine Muri.*

Psalm. 90.

Si ergo quiddam religionis ac sanctitatis affer-  
re illis potuit periculum effusi sanguinis, &  
pœnæ; quantò magis amabilis Clementiæ titu-  
lus *Sacro sanctas* eas *Portas* efficiet, per quas pœ-  
na euaditur æterna, & de sanguinibus liberan-  
tur omnes illi qui *DEVM* salutis suæ fideliter  
per illas ingressi salutauerint? Quàm Sacrae  
erunt ac Religiosæ *Portæ Sion*, *Portæ* cælestis  
Asyli in Arce Romanâ, quas Dominus diligendas

Psalm. 88.

proposuit *super omnia tabernacula Iacob*? Magis  
certè crescet earum in religiosis animis Sancti-  
monia opinio, si Riturum, quo aperiri illæ solita,

Merculeum  
Prodicium  
Inscr. p. 8.

è Stephano Pighio Solennis Gregoriani inspe-  
ctore, breuiter indicauero. Eius verba hæc sunt  
in cruditissimo libello Italicæ Peregrinationis:  
*Non otiosum videbitur quòd orando pulsandoq; Gra-  
tia cælestis Portas aperiri posse carimonius [Ponti-  
fex] demonstret, dum omnibus ordinibus sacris sti-  
patus, maximâ cum pompâ, Portam Basilicæ D. PE-  
TRI, Apostolorum Principis, in Vaticano, semper  
alioquin muro lateritio clausam, Anni illius initio,  
precibus & malleo recludit, atque per eandem Cru-  
cis Sacrosanctæ signum Triumphale, cereaq; bene-  
dicta, S. SPIRITVS lucem mentes illuminantem, ac  
diuini amoris flammam corda succendentem, infert,  
populi multitudine ingenti subsequente. Porro Mal-  
leus ille (quod Pighio omissum) triplici ictu in  
*Portam Sanctam* à Sacerdote Sanctissimo inflig-  
gitur:*

gitur: quo Christianis indicari solet, non languidas quasdam aut remissas ad Remissionem scelerum consequendam preces adhiberi oportere; sed vehementes, calidas, frequentes: quod *regnum calorum violenti rapiant*, & vim Deo in- Marth. 11,  
ferre, citra tamen importunitatis periculum, à Diuinâ Sapientiâ edocti simus. Ternus etiam ictus præter Sacratissimæ Trinitatis mysterium, à quo *omne datum optimum, & omne donum perfe-* Iacob. 1.  
*ctum*; triplex illud Gaudium non obscure significat quo Cælum, Terra, & Ignis Purgatorij loca Anno Sacro adueniente meritissimò exultant. In Cælo namque gaudium est beatis illis mentibus *super tot peccatoribus saluari Pœni-* Luc. 15.  
*tentia* lauacro lustrandis & expiandis. In Terrâ ipsis peccatoribus, seu *peccati seruis*, quorum instat redemptio. In igne Purgatorio, cum animæ illhîc detentæ vi supplicationum & precum, quæ Anno illo Sacro toto passim Orbe funduntur, à grauissimis incendiis ad *Torrentem æternæ Voluptatis* se perducendas sperant. Psalm. 31.  
Enimuerò Gaudio illi in terris participando tres necessariae sunt Pœnitentiæ functiones, *Confessio, Contritio, Satisfactio*. Satisfacimus etiam per tria Pietatis opera in Diuinis Libris præcipuè Tobia præf. 12.  
commendata, *Ieiunium, Orationem, Eleemosynam*; quæ & peccati foeditatem extinguunt, & Portum cælestis Regiæ, in quam nihil immundum aut *coinquinatum* ingreditur, pœnitentibus aper- Apoc. 21.  
iunt. Portæ igitur Sacræ quattuor eodem tempore diuersis in Ædibus, incipiente IVBILEO, patefiunt: pridie scilicet τῆς θεοφανείας seu Domini Natalis. Quod tempus potissimum delectum

*J. Lucidus de  
die Pass.  
Dom. c. 3.  
Ioh. 12.*

*Incarnatio-  
ne.*

*c. 44.*

lectum est, vel quòd plerique Christiani, Anni  
principium hinc sumant Dionysij Exigui me-  
thodum secuti; vel quòd à CHRISTO, qui *ostium*  
& ianua vitæ est intromitti ad illam speremus;  
vel quòd eius in terram descensu, & *ἐνταφίσματα*,  
omnis Libertatis ac Remissionis gratia ad nos  
deriuata sit. Neque mysterio caret in CHRISTI,  
D. VIRGINIS, & APOSTOLORVM Templis hanc  
cærimoniam fieri, cùm iuxta Filium Sacratissi-  
ma Virgo etiam *Porta Cali* sit, per portam il-  
lam *clausam* Principi apud Ezechielem signata,  
per quam solus Dominus Deus Israel ingreditur.  
Apostoli etiam, maximè illorum Principes PE-  
TRVS & PAVLLVS, Portæ fuerunt, per quas om-  
nis credentium multitudo in Ouile Domini cum  
introiit. De quibus Portis, piè magis quàm ele-  
ganter, quondā cecinit Venantius Fortunatus.

*Italiæ Mundiq, caput quos ROMA retentat,  
Vrbs vel Alexandri, aut Antiochenus ager,  
Quos Oriens, Occasus habet, quos Africa, & Arctos,  
Quosq, sepultat humus, cingit & Oceanus;  
Natio, gens, populus, regiones, agmina, Reges,  
Vndiq, currentes ad noua dona Patris;  
Aethiopes, Thraces, Arabes, Dacus, Indus, Alanus,  
Aurora & Vesper, Persa, Britannus adest:  
Intrantes in regna Dei, pietate redempti,  
Gaudia visuri Regis in arce poli:  
Quos recipit sacra Porta PETRI, quos ianua  
PAVLLI,  
Postis ad ANDREAE limen Achaia patet.  
MATTHEVS Aethiopes, Ephesinos valua IOAN-*

*N I S,*

*Et quem quisquis amat hunc sua Porta regit.  
Eas*

Eas etiam Portas è *singulis margaritis* fabricatas, in circuitu cælestis Hierusalem, duodenario numero vidisse se testatur in suâ Pathmicâ visione D. Ioannes Apostolus: & in his *Angelos duodecim* Apoc. 22. velut custodes appositos, & *nomina inscripta, quæ essent nomina duodecim Tribuum filiorum Israel.* Consuetudinis verò receptæ est Anno Solenni per solam Portam Sacram in Templâ ingredi, quòd non alia ad Salutem pateat via, nisi ea quam CHRISTVS Redemptor N. Beatissima eius Parens, & Sanctissimi Religionis nostræ Principes, in vnâ ac verâ Ecclesiâ Romanâ Catholicâ, quæ in semitas erroris numquam declinavit; extra quam, velut olim in Diluuiò, extra ARCAM NOË, nulla salus reperitur; primi ostenderunt.

Anno autem elapso, eadem ferè die quâ apertæ fuerunt, solenni Ritu, nouis tamen cærimoniis, occluduntur. De quibus Cærimoniis aliquid parco attingere, quòd arbitrariæ potius sint, quàm certæ vel conceptæ, vt ab iis quæ apud Nauarrum & alios de his adferuntur, intelligi datur. Illud tamen Theologi per occlusionem Sacræ Portæ significari volunt, cum qui ad cælestia Regna per IVBILEI Gratiam admissus sit, stabili eorundem possessione fruiturum, neque vñquam illa amissurum, aut inde egressurum. Illud etiam, dum hîc viuimus seriò viuendum nobis esse, neque vllam Salutis acquirendæ occasionem negligendam; ne (quod olim de gente Phrygiâ dictum) serò sapiamus: aut durum illud cum fatuis Virginibus *ἄνθρωπον* audire cogamur, *Nescio vos*: serâ cælestis Misericordiæ, ad surdas ac inanes preces, in perpe-

*Mart. Nauar.  
in fine Com.  
de Iubil.  
Iul. Zecchini  
ibid.*

*Mart. 25.*



tuum obfirmatâ. Voto finiendum hoc caput  
est, & inter religiosissimas cærimonias PRO  
SALVTE R. P. CHRISTIANÆ solennis Formula  
concipienda:

FAXIT. DEVS. OPT. MAX.  
PACIFICATOR. ÆTERNVS  
SICVT  
OLIM. IN. PROFANA. RELIGIONE  
PACE. TERRA. MARIQ. PARTA.  
AVGVSTVS. IMP.  
IANI. GEMINI. PORTAS. CLVSIT.  
I T A  
VRBANVS. OCTAVVS  
RELIGIOSISS. PONTIFEX  
DISSIDIIS. PRINCIP. CHRISTIANOR.  
COMPOSITIS. HOSTIB. ECCLES. ET  
IMPERII. ROM. PERDVELLIB. TOTO  
ORBE. TERRAR. DEBELLATIS  
NOVI. SECVLI. PORTAS  
FELICITER  
APERIAT. ET OBSIGNET.



## CAPVT XIX.

*Quanam Basilica Anno Sacro visitanda:  
earum Elogia ac Tituli. Quaternario re-  
ligiosum, in Vrbe, περιόδοις absolui. Diui-  
num eum Numerum esse, atque ideo Diui-  
nis rebus meritò accommodatum.*



Vatennis in Basilicis, quarum præ-  
cipua est VATICANA, τὰς ἱερὰς  
περίους aperiri diximus; quæ cæri-  
monia illhic fieri consuevit, quod  
cæ, præ cæteris, à Pontificibus  
delectæ sint, quibus ad eundis, piequæ inuisen-  
dis, Triginta diebus Romani ciues; quindecim  
exteri & peregrini, iisquæ continuis vel interpo-  
latis, occupari iubeantur. Solas Basilicas APO-  
STOLORVM PRINCIPVM, ad Remissionem  
hanc consequendam, inuisere antiqui præcepti  
fuit; mox duæ aliæ adiectæ sunt, legitimis de  
caussis, & Mysticâ Quaternarij Numeri in re sa-  
crâ commendatione. Constantinianam D. SAL-  
VATORIS IN LATERANO CLEMENS VI.  
D. VIRGINIS AD NIVES, in Esquiliis, poste-  
riores Pontifices addi statuerunt. LATERANEN-  
SIS Ecclesiæ elogium, quod in Diplomate  
Clementino legitur, operæpretium fuerit ad-  
scribere: cùm ad ipsius dignitatem augendam  
maximè conducat, & causas eas exponat, qui-  
bus à Pontifice cæteris prælata sit ad piorum

Sacras Pot-  
tati.

hominum frequentationem . Id verò tale est: *LATERANENSEM ECCLESIAM*, quam inclite recordationis *CONSTANTINVS*, postquam per *B. SILVESTRVM* (sicut per eosdem *APOSTOLOS*, *DEO* reuelante, cognouit) renatus fonte Baptismatis fuerat, & à contagio Lepre mundatus, in honorem *SALVATORIS* construxisse; quamq; idem *B. SILVESTER*, nouo Sanctificationis, & Chrismationis genere, dedicasse legitur; & in cuius Ecclesiæ parietibus præfati *SALVATORIS* imago depicta primùm toti Populo Rom. visibiliter apparuit, deuotius visitanda: quam ex his & aliis, certis & rationalibus causis, ut ipsa Ecclesia pariter *INDVLGENTIÆ* prædictæ priuilegio decoretur; & deuotus ab eodem *SALVATORE*, qui in præfatis *APOSTOLIS* [*PETRO & PAVLLO*] mirabilis prædicatur. eorū precibus & meritis *Indulgentia* mereatur percipere largitatē; in hoc cēsumus venerandam. Honorifica etiā sunt quæ de eadem Basilicā apud Petrum Cardinalem Damianum, & Episcopum Portuensem, scribuntur his verbis: *Lateranensis Ecclesia*, sicut *SALVATORIS* est insignita vocabulo, qui nimirum est caput omnium electorum; ita Mater, & quidam apex & vertex, omnium per Orbem Ecclesiarum. Idem in Epistolā ad Cadaloum, eandem Sanctam Sanctorum, & Ecclesiam Ecclesiarum vocat. Ut iure optimo vnā cum Apostolorum Basilicis visitari iussa sit, quo veteri Priuilegio, vnā cum ipsis, omnium, per totum orbem, Ecclesiarum principatum obtinuit. Variis autem, vario tempore, nominibus eandem appellatam reperimus. Nam & *LATERANENSIS* dicta, à veteribus fundi possessoribus *LATERANIS*, quos egregias heic ades ha-

buisse

in epist. ad  
Card. S. R. E.

buisse è Satyrico Aquinate notum; & CONSTANTINIANA, à conditore August. heic baptizato; & D. IOANNIS, ab eius *ἁγιοῦ*, binisque sacellis SS. BAPTISTÆ & EVANGELISTÆ quondam adiunctis; & Basilica IULII, è Baronianâ opinione; denique SALVATORIS, ab admirandâ Diuinæ faciei in pariete depictæ, coram Populo vniuerso, *φανέρωται*. Vulgò certè D. IOANNIS IN LATERANO nomen possidet. Neque id ad eò nuper ei datum, aut natum esse, apud Bedam videre est, qui in Chronologiâ ad annum Mundi c. d. cc. LIX. hæc scribit: CONSTANTINVS *fecit Rome, ubi baptizatus est, Basilicam B. IOANNIS BAPTISTÆ, quæ appellata est CONSTANTINIANA. Item Basilicam B. PETRO in Templo Apollinis, necnon & B. PAVLLO, corpus viriusque ære Cyprio circumdans.* & quæ ibi sequuntur. Opinio autem Baronij de nomine *Basilica Iulie*, vereor vt satis fida aut firma sit. Baptistes enim Platina, qui è Veteribus Monumentis priorum Pontificum vitas descripsit, in BONIFACIO PRIMO Basilicam *Constantinianam à Iuliâ* diuersam ponit: quem, si libuerit, videbis. Facit ad Ecclesiæ huius dignitatem eximiū illud Priuilegium, quo præ omnibus Vrbs & Orbis Templis dotata est; nimirum Sedem Episcopalem ROMANI PONTIFICIS, qui EPISCOPORVM est EPISCOPVS, in eâ collocatam. Vnde, veteri consuetudine, amplissimo Purpuratorum ordine, & dignissimo quoque Romanæ Ciuitatis comitante, electus Pontifex eò deuehi solet, vt illhîc Nouæ Dignitatis insignia capiat. Quanti verò Sacræ suppellectilis thesauri, quanta

*in Martyrol.  
ad diu 9. Nov.*

*apparitions.*

Reliquiarum *κεφάλαια*, cū in hac, tum in reliquis Urbis Dominæ, ac præsertim Septem illis celebratissimis Ecclesiis contineantur, si quis nosse exactius voluerit, ij Scriptores adeundi sunt, qui de Re faciã Urbanã peculiare commentarios ediderunt.

APOSTOLORVM Basilicæ, PETRI in Vaticano, PAVLLI in viã quã Ostiam itur (quarum ex Bedâ meminimus) loca illa sunt, quæ, vt Cassiodorus ait, *videre Vniuersitas appetit*, ROMA in suis finibus habere promeruit. Has Apostolorum Tropæa Caius vetustissimus Theologus dixit, quod illhic, de Tyrannide & Superstitione debellatis, velut æterna Victoriæ suæ Monimenta Heroes illi fixissent. Quem imitatus D. Hieronymus ita loquitur in Epistolâ ad Marcellam: *Est ibi [Romæ] sancta Ecclesia, sunt Tropæa Apostolorum & Martyrum*. De hac victoriã etiam pulchrè Historia Apostolica Aratoris:

*Dignaq; materies PETRI PAVLLIQUE corona  
Casareas superare minas, & in arce Tyranni  
Pandere iura poli, summumq; in agone Tribunal  
Vincere: ne titulos paruum contingeret hostis.*

Confessiones olim dictæ, & Memoria, ac Martyria Apostolorum, quod in his Ædibus sacrosancta *λείψματα*, & venerandos cineres contineret. Ad hos cineres olim, atque hodie, ex vltimis etiam Orbis finibus Votiue peregrinationes susceptæ: hosce visitantibus omni æuo magna priuilegia concessa: ad hos Regum ac Principum donaria sumptuosissima trãsmissa: hos Reges ipsi ac Principes deposito in terram diademate proni adorârunt: hisce CONSTANTINVS IMP. duodecim

terræ

terræ cophinos propriis humeris gestauit: ad  
 hos ter, summâ cum religione, CAROLVS MA-  
 GNVS AVG. profectus est: hósce tantâ cum de-  
 nissione coluerunt olim Christiani vniuersi, vt  
 eos accessuri supplices in limine procumberent,  
 & osculo ei impacto sacrum puluerem deliba-  
 rent. Hanc insignem maiorem nostrorum pié-  
 tatem nemo melius laudabit, quàm qui imitabi-  
 tur; nemo certiùs cognoscet, quàm qui nouis  
 exemplis exprimere tentabit. Atque vtinam!  
 vtinam! exprimant, & imitentur permulti, vt  
 hoc Mundi senio ostendamus nondum omnem  
 elanguisse Virtutem; & cum ingenti nostro bo-  
 no APOSTOLICI vim PATROCINII, quâ pu-  
 blicè, quâ priuatim, experiamur! Cæterum BA-  
 SILICAE VATICANAE amplitudinem, magni-  
 ficentiam, ἀρχιτεκτονικήν, opulentiam, describere  
 velle non institutæ breuitatis, sed maximi &  
 longissimi Commentarij opus esset. Ergo de his  
 (quod olim de Vrbe Carthaginensi non nemo  
 dixit) *silere praestat, quàm pauca dicere*. VATICANI  
 enim TEMPLI maiestas vti Ingenia omnia supe-  
 rat, ita etiam stili nostri angustia maior est. Ne-  
 que immeritò Persarum Legati, quos ad PAVL-  
 LVM V. PONT. missos Romæ spectauit, dixisse fe-  
 runtur: *Non id humanarum manuum, sed summi*  
*Architecti DEI sibi opus videri*. Erit tamen for-  
 tasse aliquis ἄξιός τῃ δόξῃ qui pro dignitate dignus poplo.  
 eius facundum calamum stringat, & omnia Ve-  
 terum Ædificia, Tempia, Theatra, Amphithea-  
 tra, Mausolæa vni Vaticanæ Magnificentiae ce-  
 dere debere, immortalibus Ingenij sui moni-  
 mentis, ostendet.

c. Quidam  
aut. de Pap.  
et Rem.

in Martyrol.  
Rom. ad diem  
6. Aug.

Optimo etiam iure à PAVLLO II. & SIXTO IV. Pontificibus illud Templum Supplicationibus adiectum est, quod D. VIRGINI in Esquilis, prodigiosa Niue designato Templi locce, dedicatum est: ne Patrocinio Virginis destituerentur, qui VIRGINIS FILIVM eiusque Vicarios APOSTOLOS, ac PRÆCURSOREM, in suis Templis propitiare studuissent. Hæc est enim vnica, quæ *Refugium Peccatorum, Auxilium CHRISTIANORVM, Consolatrix afflictorum, Salus infirmorum, Iana calis, Virgo Potens, ac Clemens, Causa nostra latitæ,* per vniuersum terrarum orbem, veris ac conceptis formulis, cottidiè decantatur. Isto ergo Aſſylo omnibus patefacto, non parum Sacræ Visitationi dignitatis est additum: Pontificibus ordinem Solenniū precū in Ecclesiâ Catholicâ secutis, in quâ prius CHRISTI DOMINI, vt veri Dei, dein Sacratissimæ VIRGINIS, IOANNIS BAPTISTÆ, & SS. Apostolorum PETRI ac PAVLLI, mox reliquorum Diuorum, ex ordine, nomina recitantur. Hanc quoque Basilicam variè quondam appellatam obseruat Baronius: LIBERI I scilicet, à LIBERTIO Pont. quem iuxta *Liuiæ macellum*, in V. Vrbis Regione eam condidisse tradunt; SIXTINA, vel SIXTIANA, à SIXTO III. (vt alij malunt) Auctore; AD NIVES, ob Niuium miraculum in summis Augusti caloribus illhîc compertum; AD PRAESEPE, ob pretiosissimū illud pignus è Sacris Palæstinæ locis in hæc Ædē delatum, in quo CHRISTVS infantulus, à Virgine reclinatus mysteriū Redemptionis nostræ mirabiliter inchoauit. In quas Redēptoris nostri cunas olim adolescens hoc Epigrammate ludebam:

*Semi-*

*Semiruto in tecto, glacialis mense Decembris,  
 Quà riget hiberno saucia gutta gelu,  
 Vilia siderens implet praesepia membris,  
 Cui quondam angusta sidera molis erant.  
 Sidera, siderensq; orbis, stupuere deorsum  
 Laben:em, atque oculis vix habuere fidem.  
 Quid potuit maius? ligno prostratus inani  
 Ingemit Arctòas plus valuisse nives.  
 Nata salus ligno: gemino Syria inclyta ligno,  
 Quae dederat cunas, & dedit illa crucem.*

Inclyta etiam verè & augusta Vrbs Domina  
 tanto ditata thesauro, longèque fortunatior  
 quàm Vrbs mea Natalis GANDAVVM, CAROLI  
 QVINCTI Imperatoris Maximi cunas, prodigi-  
 j aut miraculi instar, hospitibus ostentare  
 consueta. Hodie Aedes illa B. MARIAE MA-  
 IORIS dicitur, siue ab imagine eius Virginis à  
 D. LVCA depictâ; ibique religiosè adseruatâ;  
 seu, quod cæteris Parthenicis Templis digaita-  
 te ac sanctitate præfulgeat. Pulcherrimâ certè  
 ratione à Pontificibus decretum est; vt populi  
 ex omni Terrarum parte collecti, indictâ, Qua-  
 ternarij Numeri supplicatione, qui religionis ple-  
 nus, Naturæque vniuersæ est index, ad Pietatis  
 exercitia ardentius inflammarentur. Quòd si  
 religionem eius respicimus, Ternarium inpr-  
 mis & Vnitatem in se continet, Diuinæ Trinita-  
 tis Vniúsque Diuinitatis certissimum, simula-  
 crum: & in Tetrabiblo Euangelicâ, ac *τετραβιβλος*  
 Dei nomine mirabiliter consecratus  
 est. Adhæc in quaterno Paradisi flumine, qua-  
 tuor Animalibus ab Ezechiele conspectis, qua-  
 tuor Animarum post hanc vitam receptaculis,



totidemq; CRVCIS SALVTARIS protensis lineis,  
 Myſterium ſuum explicat. Præterea in Quatuor  
 Animi Virtutibus, quas *Cardinales* vocant, in  
 quatuor *IVBILES* Seculo quoque Centenario  
 redeuntibus, & in quatuor Baſilicis ſacro durate  
 tempore viſitandis, plurimum dignitatis accep-  
 pit. Index autem Vniuerſi Quaternarius apud  
 Sapientes dicitur, quod Denarij virtutem, qui  
 τὸν κόσμον, Symbolum eſt, atque adeo Naturæ  
 totius imaginem in ſe contineat. ſi enim I.II.III.  
 IIII. Numeros, quibus Quaternarius conſta-  
 tur, deſcripſeris, eoſque ad ſe inuicē recto ordi-  
 ne collegeris, Denarius exſurget, vt *Quaternarius*  
*ſit actus* (quemadmodum ſapientiſſimus Philo  
 ait) *Denarius potentiâ*. Porro cū Denarius  
 Numerorum omnium è Monade cōpoſitorum  
 finis, meta, ac cardo ſit, atque iſ à Quaternario  
 virtute comprehendatur: ideo hunc Numerum,  
 Numeri omnium abſolutiſſimi fontem ac radi-  
 cem, meritò vocaueris. Hinc & Pythagorici τῆς  
 τετραδὸς cultores mirifici, πᾶσι τὰς φύσεις, καὶ  
 τὸ παντὸς πᾶσι, iure appellant: nimirum quod è  
 quatuor elementis omnia cōpoſita Naturæ  
 ſuæ originem ac principia huic debere videan-  
 tur. Quare eundem Numerum τὸν πᾶσι alij di-  
 xere, à quatuor, quæ dixi, Naturæ principiis, à  
 quaternis Mundi partibus, totidemque cæli re-  
 gionibus, ac Ventorum ſtationibus; vnde multi-  
 tudinem omnem in magno ac decretorio die  
 olim congregandam, Diuina etiam monimenta  
 teſtantur. Addere liceret de ſacro Quaternarij  
 cubo, eiufque inter Tetragôna antiquitate ac  
 maiestate; de variis eius figuris ac Myſteriis; de  
 eius

Vniuerſi.

Lib. de Plan-  
 tar. Not.

In Ar.  
 Carm. Pythag.  
 Quaternionis  
 Fontem Na-  
 turæ ſemper  
 fluentis, &  
 Vniuerſi ra-  
 dicem.  
 Omnem.



eius in re Musicâ proportionē; de eius in corpore & animo humanis vi ac potestate; aliaque quamplurima quæ in Numero isto admirando mirabilia ac pænè diuina continentur; sed hæc Pythagoricæ Sapientiæ interpretibus, ac Theorices Arithmeticæ Scriptoribus pensculatiùs examinanda relinquam. Mihi impræsentiarum suffecerit ostendisse, Numerum illum ritè atque ordine Supplicationi omnium Nationum in Vrbe præscriptum, qui Naturæ Vniuersæ imaginem gerit, rebusque Diuinis celebrandis à Diuinâ Sapientiâ, inter primos, est commendatus.

## CAPVT XX.

*Sacra Urbis Stationes. Stantes olim orasse Christianos. Septem Ecclesiæ. Martyrum Sepulchra: ad ea orare antiquissimum ac piissimum esse. INDVLGENTIARVM usum hinc maximè propagatum videri. Eunapij Sardiani, Iuliani Parabata, & Maximi Madaurensis in Christianam Pietatem calumnia.*



**S**TATIONVM (vt præmissi) in Vrbe Româ antiquissima origo est; quas alij ad LEONEM I. PONT. alij ad GREGORIUM referre malunt: dubio ferè semper rerum vetustissimarum principio. Iacobus Seuertius, è  
senten-

sententiâ nobilium Theologorū, nomen à GREGORIO, & publicationem de scripto esse ait; institutum à LEONE. Nomen certè *Stationum* apud Christianos planè antiquum est, vt vel ex vno Tertulliano liquet; res ipsa LEONE & GREGORIO Papis fortassè antiquior. A re militari desumptum vocabulum Onuphrius putat, eiusque imitatione factum vt Pontifices statis quibusdam diebus, maximè Ieiuniorum ac Festis; ad Basilicas Martyrum accederent, ibique in concionibus habendis, ac *κατηχημαίς*, stantem populum detinerent. Stantes autè orauisse tunc Christianos, cū ex variis Tertulliani locis, qui id *de gemiculis adorare* dicit; tum ex isto D. Cypriani apparet, *Sermone de Oratione Domini: Quando autem stamus ad orationem; fratres dilectissimi, vigilare, & incumbere ad preces toto corde debemus.* Et ex altero ibidem: *Cogitemus nos in conspectu Dei stare.* Quod tamen non perpetuò seruatum, sed Dominicis tantū diebus, totoque eo tempore, quod Paschæ & Pentecostes solennia interiacet, à doctissimo viro Onuphrio Panuinio itidem obseruatum est. Atque ita cautum videmus Decreto ALEXANDRI III. Pont. sic tamen vt in aliis *præcipuis Festiuitatibus* idem quoque obseruandum præcipiat. Fuisse etiam huiusmodi voce militari, quæ SABA est, apud Hebræos dictas *custodias*, siue *peruigilia*, à Leuitis alioque populo facta ad Tabernaculum Testimonij, & in Templo Domini postea seruata, Ballesterus Valentinus annotauit: vnde fortè Ecclesia nominis exemplum mutuata. Nisi fortè altius hanc vocem repetere libet à Stationibus nimirum Angelorum,

*lib. de station.*

*C. Quoniam,  
de Festis.*

*De Onomato-  
graphia,  
dictione  
SABBAOTH*

lorum, in conspectu Domini assistentium & ministrantium, quæ voce Hebraicâ SABAOth exprimuntur; voce, inquam, illâ illustri & nobili, ac Diuinis cognomentis singulariter adscriptâ. Ex illâ Vetustatis origine solennes ac statæ in Vrbe Româ ad Diuorum ac Martyrum templa Supplicationes eo nomine censentur: illæ maxime, quas sacro Quadragesimæ tempore summâ cum pietate P. R. in hanc vsque diem obire cōsuevit. Quin totius anni tempore quâ indigenis, quâ peregrinis, Septenarum Stationum in totidem Ecclesiis *πρωτό* religiosè circūitur: quod is numerus Deo acceptus sit, & celebriora Urbis Templa eo ambitu comprehendantur. Sunt verò ista vulgò notissima: S. SALVATORIS in Laterano, S. CRVCIS in Ierusalem, S. Mariæ MAIORIS, S. PETRI in Vaticano, S. PAVLLI viâ Ostiensis, S. LAVRENTII in agro Verano, SS. FABIANI & SEBASTIANI ad Catacumbas. Quæ omnes Stationes, quâ Veteres, quâ Nouæ, ab eo Ritu fluxisse videntur, quo vetustissimi Christiani ad Martyrum aut Apostolorum sepulcra prouoluti reuerentiam iis impendere, & orationes illhic effundere, consueuerant. Quâ in re antiquissimum exemplum est HIPPOLYTI Episcopi Portuensis, antea Arabiæ Metropolitæ, Clementis Alexandrini discipuli; qui eius persuasu Romam veniens Alexandri Seueri principatu, ad Apostolicos Tumulos supplex iacuit; mox Triumphalem Martyrij coronam ad ostia Tiberina cum sociis duobus affecutus. Eundem Pietatis suæ fructum retulerunt nobilissimi coniuges Persæ MARIUS & MARTHA, cum AVDI-

*Euseb. lib. 6.  
Hystor. Eccl.  
c. 16.*

*Nicoph. lib. 5.  
c. 15.*

*Baron. in  
Martyr.*

*Martyrol.  
Rom. 14. Jan.  
Savins & alij.*

Martyr. Rom.  
S. Iniq.

FACE & HABACVM liberis eorum, qui temporibus Claudij posterioris eadem de causâ Romanam adierunt. Retulit pariter piissima illa ZOE, vxor NICOSTRATI Martyris, quæ dum ad Confessionem B. PETRI in Vaticano oraret, sub Diocletiano Imp. à persecutoribus tenta, & grauissimis cruciatibus affecta, purissimum Deo spiritum reddidit. Si quis verò eos enumerare voluerit qui, omni æuo ac tempore, dignitate vel sanctitate eximij, præsertim post CONSTANTINI MAGNI imperium, idipsum præstiterint; is eadem operâ numerare tentet,

Ouid.

— quot in aethere sidera lucent;

Paruaq; quot sicca corpora pulvis habet.

Manil.

Vel, — quot eant semper nascētes æquore fluctus,  
Et dilapsa cadant foliorum millia siluis.

Sordidatos  
ad eorum  
seculchra,  
interpretes  
orationum  
apud Deos.

Eam religionem impie nostris hominibus obiecit Eunapius, Sophista Sardonius, qui Alexandrinis exprobrans Serapæi sui demolitionem, & Deorum patriorum contemptum, MARTYRIBUS nihilominus cultum eximium adhibuisse scribit, *μολυμένους πρὸς τοῖς τάφοις*, quod nimirum *πρίσβετες τῶν ἀληθινῶν παρὰ τῶν θιῶν* sese ipsos habituros sperarent. Obiecit etiam Maximus, Grammaticus Madaurensis, ciues suos item Christianos irridens quod, spretis maiorum cærimoniis ac Templis, NAMPHANIONIS, quem Archimartyrem vocabant, & sociorum busta frequentarent. cui cā prudentiâ, facundiâ, ac religione à D. Augustino, gentili suo, responsum est, vt meritò *Stulti* nomen ipse tulerit, qui id Sapientissimis veræ Religionis cultoribus sacrilegâ temeritate affin-

ap. 46.

affingere est ausus. Obiecerat ante illos, Porphy-  
rij secutus exemplū, impius parabates Imp. Iu-  
lianus, cuius hæc verba leguntur apud D. Cy-  
rillum: *Omnia Monumenta [MARTYRVM] Chri-*  
*stiani implestis: quamquam vobis numquam dictum*  
*fit aduolui sepulcris, & ea amplecti debere.* Quo in  
loco, more suo ac desertorum omnium, probare  
multis contendit, nusquam cum Ritum Diuinæ  
Scripturæ testimoniis, aut mandato, inculcatum.  
quod venenum si quis hauserit, ad antidotum  
confugiat in D. Cyrilli Apologiā piis omnibus  
propinatum. Neque mirandum si (quod profa-  
ni exprobrârunt) aduoluerentur his sepulchris,  
& amplecterentur ea Christiani, cum sacra Mar-  
tyrum *λείψαρα* sub Altari plerumque sepulta &  
religionem ipsi darent, & ab eo acciperent. Qui  
Ritus è Concilio Africano disertè probatur  
Can. L. quo *Altaria illa, vel Memoriae, in quibus*  
*nulla Martyrum Reliquia essent, ab Episcopis euer-*  
*tiuntur.* Quod non de hodiernâ consuetudine,  
quæ Altare aliquod sine sacro pignore dedicati  
non finit; sed antiquâ illâ MARTYRVM corpora  
sub Altari recondendi a Baronius & Panuinius  
b accipiendum putant: vnde postea magnificen-  
tissima Tempia in SS. MARTYRVM memoriam  
Altaribus eiusmodi superinducere moris fuit.  
Quàm verò iustè ac legittimè MARTYRES ho-  
norarent, quemue fructum ex huiusmodi SS.  
cinerum *προσκυήσεις* Christiani referrent, ele-  
gantibus verbis & ardenti pietate D. Ambrosius  
expressit: *Honoro in carne Martyris exceptas pro*  
*CHRISTI nomine cicatrices: honoro viuentis me-*  
*moriam perennitate virtutis: honoro per confessionem*  
*Domini*

lib. 6. & 10.  
contra Iulian.

a in prela-  
tum. ad Mayo-  
tyr. Rom.  
b Lib. de Cæ-  
mis. c. 6.

ueneratione.

serm. de SS.  
Mar. & Cels.

Domini sacratos cineres : honoro in cineribus semina  
 Aeternitatis : honoro corpus quod mihi Dominum  
 meum ostendit diligere , quod me propter Dominum  
 mortem docuit non timere . Cur autem non honorent  
 corpus illud Fideles quod reuerentur & demones?  
 quod afflixerunt in supplicio , tamen glorificant in  
 Sepulchro? Honoro itaque corpus quod CHRISTVS ho-  
 norauit in gladio , quod cum CHRISTO regnabit in  
 cælo. Cui solutæ orationis testimonio aliud stri-  
 ctæ adiungam ex Prudentij , qui D. Ambrosio  
 obnoxius fuit, Libro πρὸς τὸν πατριάρχην :

*Illitas cruore sancto nunc arenas incolæ*

*Confrequentant, obsecrantes voce, votis, murmure.*

*Exteri, necnon & Orbis huc colonus aduenit:*

*Fama nã terras in omneis pracucurrit proditrix,*

*Heic Patronos esse Mundi quos rogantes ambiant.*

*Nemo puras heic rogãdo frustra cõgessit preces:*

*Latus hinc tersis reuertit supplicator fletibus,*

*Omne, quod iustum poposcit, impetratum sentiens.*

*Tanta pro nostris periclis cura suffragantiũ est,*

*Non sinant inane vt vllus voce murmur fuderit:*

*Audiunt, statimq; ad aureis Regis aterni ferunt.*

*Inde larga fonte ab ipso dona terris influunt,*

*Supplicum causas petitis quæ medelis irrigant;*

*Nil suis bonis negauit CHRISTVS vmqũ testibus.*

Illud verò pessimè Christiani nominis hostes  
 habuit quòd Tempia ac Memorix Martyrum  
 nomini passim erigerentur ; Fana ac Delubra  
 Diis crepta ipsis consecrarentur ; quòd ad eo-  
 rum Tumulos, neglectis Idolis, vota funderen-  
 tur ; Reliquiæ ipsorum in honore haberentur ;  
 Feriæ ac Festi dies, eorum Triumphis celebrã-  
 dis, indicerentur . Quos honores cùm ipsi Diis  
 suis,

Hemiterium  
 & Chelido-  
 nium.  
 Maris, Cala-  
 garrisanos.

suis, vt notum est, exhiberent; eos mortalibus, & quidem infamiâ supplicij notatis ( vt sacrilegè calumniabantur ) impendi nullâ ratione ferebant. Quorum verè impiam Pietatem plurimi Christianæ Religionis propugnatores, ac præsertim Theodoretus Lib. VIII. *Euangelica Veritatis*, quem de *Martyribus* inscripsit, facundissimis ac neruosis scriptis, retuderunt & confutârunt. Quantò magis autem illi, & eorum æmuli Sectarij, debitum sacris pignoribus honorem minuere, & subsannando explodere conati; tantò feruentius *ἐκκλησία Θεῶν ζῶντων, σὺν τῇ ἀληθείᾳ*, augere illum nouis ornamentis, & Fidelibus populis semper commendare conata. Quamobrem Ritum illum seruans quo Martyres, in mortali adhuc vitâ degentes, *Pacem* Delinquētibus exorare consueuerant; eadem Priuilegia Triumphali Memorix esse voluit, quæ fuerant Vinculis ac Passioni. Thesauros igitur INDVLGENTIARVM illh̄c orantibus concessit: quos ille lucraretur, qui per Merita illh̄c fitorum, at iam in cælo regnantium, Deum inuocans, sibi ac Populo Christiano salutaria precaretur. *Si enim* (inquit lampas illa Ecclesiæ Hieronymus) *Apostoli & Martyres adhuc in corpore constituti possunt orare pro cæteris, quanda pro se adhuc debent esse solliciti; quantò magis post victorias, coronas, & triumphos?* Cuiusmodi religiosissimis atque antiquissimis DIUORVM MARTYRVVM Memoriis cum Vrbs Sacra, velut cælum stellis, colluceat passim atque resplendeat; dignum se Christiano nomine, & legitimum auitæ pietatis hæredem ostendet, qui Quaternis Basilicis, quas diximus,

Ecclesia Del  
Viuentis,  
columna  
Veritatis.

vide sup. c. 12

adn. Vigilans



salutatis, cursum huc subinde reflectet: veniam  
*basil. in psal.* delictorum per eorum patrocinia, & Sanctifica-  
*115.* tionis communionem aliquam, per Sanctorum cor-  
 porum venerationem, adepturus.

## CAPVT XXI.

*Quid RELIQUIAE apud profanos Scri-  
 ptores, quid apud Christianos. Sacrarum  
 Reliquiarum cultum, pium, utilem, ac  
 vetustum esse. Urbis ROMAE in his pos-  
 sidendis Felicitas.*



Icere incepimus de RELIQUIIS; pertexamus nonnihil hanc telam, & eò impensius, quòd Anno Romano Solenni Sacri illarum The-  
 sauri spectandi proponantur, adeoque ex earum cultu sacra omnis Peregrinatio, & Condonationum largitas, profecta videatur. Et verò quod ad nomen ipsum attinet, id profanæ Antiquitati incognitum non est, immò inde ad vera nostra Sacra translatum. Vnde legimus apud Vlpianum I.C. *Si in co monimento, quod imperfectum esse dicitur, Reliquie hominis condita sunt, nihil impedit quò minus id perficiatur.* Et apud Plinium Iuniorem: *Petentibus quibusdam vt Reliquias suorum, secundum exemplum Procos. transferre permetterem.* Item in veteri Inscriptione, quam fide Iani Gruteri adscribo:

*L. fen. ff. de  
 mort. iust.*

*in epist. ad  
 Troian.*

D. M.



D. M.

M. VLPIO. AVG. LIB.

HERMIÆ

PROC. AVRARIARVM.

CVIVS. RELIQUIÆ. EX

INDVLGENTIA. AVG. N.

ROMAN. TRANSLATÆ. SVNT

& sic alibi pluries. Nomine verò *Reliquiarum* apud illos cadauer, aut corpus defuncti integrū, non veniebat; sed alicuius peregrè mortui ossa vel cineres aliò transportati. Atque ideò apud Florentinum I.C. *Corpus & Reliquia* distinctim ponuntur. Corpus enim integrū condi dicebatur, vbi cremabatur. quod valdè eruditè, vt plura alia ad hanc rem facientia, in libris *de Iure a Manium ac b Veteri Pontificio*, Gutherius observauit. Proprio igitur ac solenni vocabulo vsus *Ælius Spartianus* in Hadriano, cū sic de ipso pronunciat: *Post hoc Antiochiā digressus est ad inspiciendas Reliquias Traiani, quas Tarranus, Plotina, & Matidia secum deferebant.* Peregrè enim mortuum esse Traianum in Orientis expeditione nemo ignorat. Apud nostræ autem Religionis homines & Diui alicuius corpus, & pars inde sumpta, & multa alia corpori extranea, attactu tamen eius sacrata, *Reliquiarum* nomine censentur. Cultum verò, qui eiusmodi Reliquiis adhibetur, in Veteri Lege Moyses suo exemplo firmavit, cū IOSEPHI ossa ex Ægypto in terram Chanaan, velut salutis pignus, honorificè secum vexit. Immò Deus ipse, fons omnis pietatis, vt sibi acceptum miraculo sanxit, dum Elizæ

a lib. 3.  
b lib. 3.Exodi 13.  
Gen. 10  
Gen. 10.4. Reg. 3.  
23

Math. 14.

Act. 5. &  
29.

Over. Naxiō,  
Carm. Iacob,  
32.  
Bucher. 1. agd.  
de SS. Elij. ed.  
& Alex.  
Eaton. ad  
an. 362.

bus vitam mortuo restauravit. Neque minùs  
miranda sunt quæ de ægrotis per fimbriam ve-  
stis Dominicæ curatis, de umbrâ PETRI  
languentibus saluari, de sudariolis ac semi-  
cinctiis Apostolorum ἀλεξικάποις, ipsis Ec-  
clesiæ initiis, contigisse Sacræ Litteræ fi-  
dem faciunt. Gliscente postea Persecutionum  
tempestate, & sacrorum pignorum augescente  
numero, Sanctorum Martyrum non modò Me-  
moriæ, Altaria, Tempia, Passionum instrumen-  
ta, aut Corporum particulæ; verùm panniculi, &  
vela qui ea contigerant, *Brandeæ* dicta: oleum è  
lampadibus, quæ ibidem arserant, sumptum, aut  
ex ipsis Sepulcris mirabiliter profluens: flores;  
herbæ, pulvisculi inde collecti: Imagines quo-  
que eorum ac Statuæ, veneratione cultæ, admi-  
randa CHRISTI Fidelibus beneficia præstite-  
runt. Neque his postremis Ecclesiæ Sanctæ  
temporibus eadem in Beatorum hominum Mo-  
nimentis vel Miracula vel Benefacta defunt:  
honorante immortalī Numine seipsum in San-  
ctis suis, & Ecclesiæ suæ Oecumenicæ, quæ sola  
*Sanctorum communionem* continet, dignitatem  
atque excellentiam perpetuis testimoniis com-  
probante. Quibus rebus perspectis Maiores no-  
stri sacra huiusmodi *κεμήλια* studiosè colligere,  
& collecta omni honoris genere (eo tamen, qui  
soli Deo debetur, excepto) afficere cœperunt.  
Quod tamen, ac si fecissent, impij olim homi-  
nes Porphyrius, Eutactus, Iulianus, Eunapius,  
Eunomius, Vigilantius, & eorum affectu nostri  
tempori Sectarij, exprobrare non sunt veriti.  
Quomodo verò, cultu *λατρείας* in omnibus sem-  
per

per saluo, Dei Amicorum memoriam colamus,  
 ac Reliquias veneremur, luculentè olim osten-  
 derunt Augustinus Lib. VIII. *de Ciuitate Dei*  
*cap. XXVII. & eiusdem operis Lib. XXII. c. X. &*  
*contra Faustum Manichæum. Damascenus Lib.*  
*IV. Fidei Orthodoxæ cap. XVI. Hieronymus Epi-*  
*stolâ ad Riparium, & contra Vigilantium. Ambro-*  
*sius in Epist. ad Felicem. Theodoretus Lib. VIII.*  
*Euang. Verit. & recentiores pænè innumeri qui*  
 pro domo Dei, & Sanctis eius, murum se ad-  
 uersus impurissimorum hominum tela opposue-  
 runt. De quo hominum genere benè admodum  
 à D. Hieronymo, Veritatis Achille, dictum est: *ada. Vigilant.*  
*Hoc autem [Reliquiarum scilicet Sacrarum cul-*  
*tum abicere] non tam illi faciunt, quàm habitan-*  
*tes in iis Demones, fortitudinem & flagella sancti*  
*cineris non ferentes.* Oderunt namque membra  
 quod caput detestatur; & phreneticorum instar  
 in Medicos insaniunt; veram *πῆς ψυχῆς lateρίας*, *animæ me-*  
 Sanctorum, inquam, tutelam execrantes, &  
 respuentes. Interim Te, ô VRBIVM REGINA,  
 beatissimam ac fortunatissimam prædicare fas  
 est, quæ non, vt quondâ, nescio quas nugas, aut  
 fabulosas quilquillas, *Anciliæ, Palladii icunculam,*  
*Priami sceptrum, Acum Cybelles, Martis galeam, Iu-*  
*nonis clypeum, Sibyllæ folia, & his similia impiæ*  
 superstitionis asseruas monimenta; sed Thesau-  
 ris incomparabilibus veræ Religionis ditata,  
 IESV CHRISTI, DEORVM DEI, SACRATIS-  
 SIMAE VIRGINIS, PRINCIPVM APOSTO-  
 LORVM PETRI ac PAVLLI, Diuorumque in-  
 numerabilium sacrosancta *ἀει-ψαυαί* Imperij Tui  
 pignora, hospitibus ostentas: *Latius nunc regnās*

*Ser. in 7o  
 Aen.  
 Dio. lib. 42o  
 1. obs.*

*Leo Magn.  
 Ser. de Ayo.*

*Psalm. 119.  
Ecc. 5.*

*Religione Diuinâ, quàm olim præsidebas dominatione  
terrenâ: Principatu etiam tantò nobiliori, quan-  
tò Diuina terrenis, æterna mortalibus præcel-  
lunt. Beati etiam, ac ter beati illi, qui ab Ecclesiâ  
malignantium, & à linguâ coinquinatâ, ac verbo  
mendacij separati, debitum Deo cultum in cœtu  
Fidelium exhibent: nec minus honore congruo  
ac debito afficiunt illos, quos Rex ille Magnus  
honorare voluerit. cuius Pietatis fructum exi-  
mium referunt etiamnum in hac vitâ, & postea  
Diüorum suffragiis vberimum consequentur  
in concilio iustorum æterno, & congregatione.*

*Psalm. 110.*

## CAPVT XXII.

*Pompa Supplicationum in Vrbe Sacrà:  
eam Anno Seculari variam ac magnificam  
esse. Omnium Nationum in eâ re studia,  
ac præcipuè Italicæ apparere. Ritus Ve-  
tustas, ac Sanctitas.*



*Sicut Stationes militarium in ca-  
stris excubiarum, ita Processiones,  
vel Supplicationes Christianæ, ag-  
minis in hostem & pugnam pro-  
deuntis; aut pompæ eo deuicto  
triumphantis, similitudinem quamdam habent.  
Quemadmodum enim*

*2. Georgii.*

*— ingenti bello cum longa cohortes  
Explicuit legio, & campo stetit agmen aperto.  
fig. & vexilla proferuntur, Tubæ ac fistulæ  
audiun-*

audiuntur, ordinumque militarium discreta agmina suis quæque numeris incedunt, sub vnius summi Imperatoris ductu atque auspicio; ita in sacrâ militiâ

*Crux longis solido ex auro præfertur in hastis;* *Prætor,*  
adsunt Vexilla, siue Labara, victoriæ de Satanâ per CHRISTVM partæ symbola: adsunt preces, hymni, cantica, quibus velut classicum inflatur, aut epinicion decantatur: adsunt agmina Fidelium

—— *paribus numeris dimensa viarum*  
per Ecclesiæ Tribunos & Campidoctores, Antistites, inquam, & Sacerdotes in arenam producta, *aduersus Principes tenebrarum ac Spiritualia* *Ephef. 6.*  
*nequitie* generose certatura, interdum cinere ac cilicio contecta, interdum flagellis contusa ac nudo pede prodeuntia, interdum pio gemitu singultientia, ac suaui lachrymarum imbri perfusa: nonnumquam festiuis Symphoniarum modulis, lætisque facibus, ac regio pompæ apparatus, deteris velut mœroris nube gaudentia, ac Deo suo *in letitia & iubilatione seruiencia.* *Psalm. 99.* Horum Spectaculorum vti feracissimus Annus Sacer est, ita in vnâ Vrbe tunc videas collectum quicquid vsquam vel maiestatis, vel pietatis, in hac re spectari potest. Omnium enim gentium homines illhic congregati, suo quique more ac ritu, quantum fas est, sacram obire pompam, & Diuorum Basilicas ac Stationes, non dicam centuriatim, sed multorum millium numero circumire consueuerunt. Ex vnâ Italiâ, vicinisque Vrbi opidis ac populis, tot piorum hominum, sub Sacræ Crucis ductu, ac *Phœnicias*  
*cuius-*

cuiusque vel Sodalitij insigni, manipuli in Urbem concurrunt, ut ipsa sola quæ, elogio Pliniano, *vna cunctarum gentium in toto orbe patria est*; solenni tanto ornando abundè sufficere, & nihil externum requirere videatur. Illhic Patientis CHRISTI lugubria Myſteria, illhic Virginis parentis admiranda opera, illhic Apostolorum & Martyrum laureata Tropæa, Diuorumque ac beatorum hominum prodigia, quæ pretiosis Labarorum vexillis depicta, quæ aureis argenteisque Thensis ac Ferculis circumlata, gratâ sui nouitate oculos pascunt, animosque suauissimo pietatis sensu perfundunt. Ut iurè meritò de Romanâ hac magnificentiâ veterem LVDORVM SECVLARIVM formulam, sed obiter immutatam, vsurpare liceat. *Ea esse Spectacula quæ nec alibi viderint homines, nec alibi sint visuri*. Abeant tamen hinc cum impudiciis suis Theatra, cum Venationibus ac Scenicis Circensia, cum Gladiatoriâ suâ lanienâ Amphitheatrales arenæ; nihil hîc (ut cum Iſidoro loquar) *Satana Spiritus occupauerunt*, Dei & Angelorum eius ista Spectacula sunt, magnificentiâ & apparatu veteribus pompis fortasse paria, pietate certè ac religione immensum præferenda. Iure etiam de promiscuæ multitudinis ad Sacra Romana confluxu illud Doctoris Stridonienſis vsurpem: *Cuncta populorum examina concurrunt ad hæc loca, & diuersarum nobis Virtutum specimen ostendunt. Vox quidem dissona, sed vna religio: tot pænè psallentium chori, quot gentium diuersitates. Dicam ego, tot innocentium chori, quot gentium diuersitates*. Omnis enim illa multitudo

ex

Lib. 1. c. 5.  
Hist. Nat.

Barro.  
Cland. c. 10.

Lib. 1. c. Orig.

Micronym. in  
op. ad Marc.

ex toto terrarum orbe collecta, quatenus communioni ECCLESIAE CATHOLICAE adhæret, in sanguine Agni mundata, & per Ecclesiae Sacramenta, ac Remissionis gratiam, à delictis expiata, cælestis Ierusalem, in quâ immaculati Angelorum ac Beatorum, DEO in perpetuum concinentium chori, Typum repræsentat. Ad-  
*Psalm. 88.*  
 iunge Te quisquis vales, quisquis potes: *Beatus enim populus qui scit iubilationem: qui (vt alicubi in c. 6. Isaiæ.*  
*Origenes ait) ore & animo concordè Dei laudes annunciat, eiq; benedicit ipse exultatione.* Hac certè concordia multum profici ad Diuinam Misericordiam implorandam, eiusq; iram auertendam multis ab omni Antiquitate exemplis demonstratum est: quæ Stephanus Durantus, Præses Tolosanus libro *de Ritibus Ecclesiæ Catholicæ* nuper euulgauit. Antiquitatem verò eius Ritus ac nominis, si quis ignoraret, idem Scriptor itidem asseruit ex Tertulliano Lib. II. *ad Vxorem: Vt si Statio est, maritus [ infidelis ] de die conducat ad balnea: si ieiunia obseruanda sunt, maritus eadem die conuiuia exerceat: si procedendum erit, nusquam magis familia occupatio adueniat.* Quo in loco tres pulcherrimi & vetustissimi Ecclesiæ Ritus exprimuntur *Stationes, Ieiunia, Proceffiones.* Atque ita locum istum capiendum Pamelius & Rhenanus antè monuerunt. clarior tamen fortè fiet vnus litterulæ mutatione, si legamus, *Numquam magis f. o. a.* Idem Tertullianus iterum Lib. *de Præscript. adu. Hæres.* Sit modesta Proceffio. Et D. Hieronymus in Epistolâ ad Eustochium: *Martyres tibi quarantur in cubiculo, numquam tibi deerit causa procedendi.*



Eius item Ritus Concilium Loadicenum cap. XVII. D. Ambrosius Serm. VIII. D. Augustinus lib. XX. de Ciuit. Dei cap. VIII. Acta Gregorij Magni Pontif. Sidonius in Epistolâ ad Claudianam Mamerthum, & alij quamplurimi disertè mentionem fecere.

## CAPVT XXIII.

*Vti ROMA omnium Gentium Mater, ita & ROMANA ECCLESIA. Anno Solenni id maximè apparere. Orbis Principatus quare olim hodieq; hic positus.*

orbis compendium.



ORBIS DOMINA meritò τῆς διευρυ-  
της ἐκτετατῆς à Polemone Sophistâ  
quondam appellata, à M. Tullio,  
Modestino I. C. aliisque commu-  
nis Patria dicta, benigno ac blan-  
do sinu omnium Nationum populos ad se ve-  
nientes semper excepit ac fouit, nemini nouer-  
ca, omnibus æqua nutrix & parens, iis etiam  
quos hostes paullo antè habuerat Ciuitatis suæ  
iure benignissimè communicato. Quare iustis-  
simè à Rutilio Numatiano prædicatur isto  
Elogio:

in Tricenario.

*Fecisti Patriam diuersis gentibus vnâ,  
Profuit iniustis Te dominante capi:  
Dumq; offers victis proprij consortia iuris  
Vrbem fecisti quod prius Orbis erat,*

Et



Et à suauissimo Poëtâ Claudiano, in Panegyri  
ad Stiliconem:

*Hæc est in gremium victos quæ sola recepit  
Matris non Domina ritu, cuiusq; vocauit  
Quos domuit, nexuq; pio longinqua reuinxit.  
Huius pacificis debemus moribus omnes  
Quod veluti patris regionibus vitur hospes,  
Quod sedem mutare licet, quod cernere Thulen  
Rursus, & horrendos quondam penetrare recessus.  
Quod bibimus passim Rhodanum, potamus Oronem,  
Quod cuncti gens vna sumus.*

Sanè quemadmodum magnus ille terrarum  
Oceanus omnes fluuiorum ac fontium origines  
ad se trahit, maior tamen non fit; ita VRB. R O -  
MA, gentium Parens ac Victrix, amplitudine suâ  
immensâ, cùm vniuerso Orbi ciuitatis com-  
mercia, ac Legum suarum iura, morumque cul-  
tum, esset impertita; vix augeri inde vel minui  
Maiestatem suam sensit. Orbis namque simula-  
crum in se complexa, omniumque Gentium  
hominibus infesta, Imperij tanti capax fuit, nul-  
lis Terrarum limitibus circumscripti. De hac  
promiscuâ & innumerâ Antiquæ Vrbis multi-  
tudine præclara Scriptorum Veterum testimo-  
nia sunt: illud inprimis Senecæ Sapientis in Con-  
solatione ad Elbiam: *Adspice hanc frequentiam, cui  
vix Vrbis immensa recta sufficiunt; maxima pars  
illa turba Patriâ caret, ex Municipiis & Colonis  
suis, ex toto denique terrarum Orbe confluerunt.*  
illud quoque Aristidis Sophistæ in Enconio Vr-  
bis, vt Carteromachus vertit: *Quod verò suis fini-  
bus, regionibusq; ciuitas quæpiam est, id ipsam est  
ROMA vniuerso Orbi, quasi communis Vrbis Pro-  
uincia*

niciā totius. Nec minùs magnificè quàm verè,  
de eadem Urbis multitudine, Athenæus: Εἰ-  
πὼσι δ' ἂν γὰρ ἡμεῖς μία, ἑξαριθμῆμεν τὰς ἐν τῇ  
ΡΩΜΑΙΩΝ ὑπεροπείᾳ ἀριθμῆμεν πόλεις. ἀλλὰ πᾶ-  
σαι αἱ κατὰ τὸν ἱκανὸν ἀριθμῆνται διὰ τὸ πλῆθος.  
Καὶ γὰρ ὅλα ἔθνη ἀδράως ἀντόθι συνάγεται, ὡς τὸ Καπ-  
παδοκῶν, καὶ Σκυθῶν, καὶ Ποντικῶν, καὶ ἄλλων πλείονων.  
Quæ Latinè sic reddidit Dalechampiùs: Recen-  
sere me conantem quot opida Urbis celestis ROMÆ  
ambitus contineat, ob eorum multitudinem non uni-  
ca tantum dies defecerit, sed quotquot annum consi-  
ciunt. Quandoquidem, in eâ Vrbe gentes etiam tota  
habitant, vt Cappadoces, Scythæ, Ponti nationes,  
& aliæ complures. Quo in loco ne cuiquam malâ  
fide versatus videar, significandum duxi in his  
verbis: ἐν τῇ Ρωμαιοῦν ὑπεροπείᾳ Ρώμη, nomen Ρώμης  
à me expunctum, quod ab aliquo glossas scri-  
bente intrusum videbatur: vt cordatiori etiam  
cuique sic visum iri, nullatenùs dubito. Magni-  
ficum verò illud ἐπιφάνημα quod ab Athe-  
næo verbis suprâ dictis subiungitur: ἔτοι ἔν πάσις  
ἡ σόμπας δῆμος τῆς οἰκουμένης. Omnes igitur isti  
omnis terræ habitabilis multitudo est. Lucanus et-  
iam egregiè, more suo, de tantâ Urbis multi-  
tudine:

7. Pharsal.

—— Genetis quò turba redacta est  
Humani? toto populi qui nascimur Orbe  
Nec muros implere viris, nec possumus agros:  
VRBS NOS VNA CAPIT.

Reginam  
Vrbem.

Idem alibi τὴν βασιλεύσαν πόλιν dicit,  
—— populus, vltissq; frequentem  
Gentibus, & generis, coëat si turba, capacem  
Humani.

Causæ

Causæ tanti in Urbem concursus, præter Imperij diffusam apud omnes reuerentiã, istæ præsertim à Scriptoribus adferuntur: Necessitas officij publici, Honorum assequendorum spes, Legatio suscepta, Liberalium studiorum cultus, Industriæ aut Ingenij fiducia, latam illhîc ostendendæ Virtuti nacta materiam, Urbis splendor, luxus, opulentia, Spectacula, ciuium & Principum virorum Humanitas, olim quoque Romano cælo velut diuinitus infusa, quam qui gustassent velut *Lorophagi* in Urbe fixi remanebant; aliæque res, prout varia hominum studia aut ingenia fuerunt. Nihil tamen æquè, (vt humanum genus curiosum, & voluptatum est avidum) multitudinem Urbanam adauxit, quàm Spectaculorum, aut Solennium, ex quauis causâ indictorum, frequentia & magnificentia. Ouidius id indicat vbi de Triumpho Cæs. Germanici:

*Seneca Cels.*  
*ad Eliam.*  
*Iuuen. Sat. 7.*  
*Amian. l. 6.*  
*19. & alij.*

*Gratia, Fama, tibi, per quam spectata Triumphi  
Incluso mediis est mihi pompa Geti:  
Indice te didici, nuper visenda coisse  
Innumeras gentes ad Ducis ora sui:  
Quæq; capit vastis immensum mœnibus Orbem,  
Hospitiis ROMAM vix habuisse locum.*

Suetonius etiam de Ludis Cæsarianis capite, vt vulgò partiuntur, XXXVIII. sic habet: *Ad quæ omnia Spectacula tantum vndique confluxit hominum, vt plerique aduena, aut inter vicos, aut inter vias, tabernaculis positæ, manerent: ac sæpè præ turba elisi exanimatiq; inter quos duo Senatores. Amianus Marcellinus de CONSTANTII CAES. in Urbem ingressu: Inde cum se vertisset ad plebem,*

*2. de Pontio.*

*lib. 16.*

beni, stupebat quâ celeritate omne, quod ubique est, hominum genus confluerit Romam. Turgidus quidem ille Scriptor interdum, & ἰσχυρολογία; facor; sed numquid hisce paria ex Athenæo, Lucano, Ouidio. antea attulimus? De multitudinea ad FLAVIORVM CAESARVM Spectacula confluente nouissima sunt quæ Statius Papinius in Siluis, Marialis in Epigrammatum Praeludiis, Iuuenalis Sat. III. atque alij illorum temporum Scriptores prodiderunt. Ea certè tam prodigiosa fuit, vt Marialis velut attonitus exclamauerit:

*Quæ tam seposita est, quæ gens tam barbara,*  
CAESAR,

*Ex quâ spectat or non sit in Vrbe tuâ?*

*Venit ab Orphero cultor Rhodopeius Hæmo,*

*Venit & ἑποιο Sarmata pastus equo:*

*Et qui prima bibit deprensi flumina Nilî,*

*Et quem suprema Tethyos vnda ferit:*

*Festinauit Arabs, festinauere Sabæ,*

*Et Cilices nimbis hic maduere suis:*

*Crinibus in nodum tortis venere Sicambri,*

*Atque aluer tortis crinibus Aethiopes:*

*Vox diuersa sonat, populorum vox tamen vna est,*

*Cum verus Patria diceris esse Pater.*

Quod elegantissimum Epigramma ego quendam Romæ positus, perspectis Longinquarum Gentium ad PAVLLVM V. PONT. MAX. Legationibus, inque iis Antiquæ Urbis Maiestatem velut ob oculos positam contemplans, παραδιδούς ita conuertebam:

*Quæ tam seposita est, quæ gēs tā distita. PAVLLE,*  
*Ex quâ Legatus non sit in Vrbe tuâ?*

*Venit*

*Venit ab extremis Libya submissus arenis  
 Hinc, vbi longæuus pondere nutat Atlas:  
 Venit ab Inachiâ numerosus Perside cultor,  
 Venit odoratâ missus ab Armeniâ:  
 Et qui Sarmaticis armatus colla sagittis  
 Prouocat hostiles ad fera bella Getas:  
 Aurea vix notos tibi subdidit India ciues,  
 Et tremit imperiis vltima terra tuis.  
 Dispare voce sonant; cunctorû vox tamen vna est,  
 Vnum dum cunctis diceris esse caput.*

Vnum certè cunctis spectabile caput ROMANVS PONTIFEX illius ECCLESIAE quæ velut *Lucerna in monte posita*, aut *pulchra vt Luna*, electa vt *Sol*, formosa vt *Aurora consurgens* ab omnium gentium hominibus, in Spiritu sancto congregata, vnica spectatur & colitur. De quâ Ecclesiæ, cuiusque in terris Capitis conspicuâ Monade diuinè olim dictum ab Optato Mileuitano: *Igitur negare non potes [ô Donatista] scire te in VRBE ROMA PETRO primò CATHEDRAM EPISCOPALEM esse collatam, in quâ sederit omnium APOSTOLORVM CAPVT PETRVS, vnde & CEPHAS appellatus est; in quâ VNA CATHEDRA VNITAS AB OMNIBVS SERVARETUR: ne ceteri Apostoli singulas sibi quisque defenderent. vt iam Schismaticus & Peccator esset, qui contra singularem Cathedram alteram collocaret.* Neque aliâ sanè de causâ Diuina olim Prouidentia totum pænè Terrarum Orbem sub vnus Urbis dominatione constrinxit, nisi vt verâ postmodum accèdente Religione, sub vnus Pacis fœdere gentes omnes continerentur. Quâ in re eximium illud & verè magnum, à  
 LEO-

*Serm. 1. de  
33. Apost.*

LEONE illo MAGNO, testimonium producam: *Isti sunt* [ PRINCIPES APOSTOLI ] qui Te, O ROMA, ad hanc gloriam prouexerunt, ut Gens sancta, Populus electus, Ciuitas Sacerdotalis & Regia per sacram B. PETRI sedem CAPVT ORBIS effecta latius præsideres religione Diuinâ quam dominatione terrenâ. Quamuis enim multis aucta victoris ius Imperij tui terrâ mariq; protuleris, minus tamen est quod tibi bellicus labor subdidit, quam quod Pax Christiana subiecit. Disposito namque diuini us operi maxime conueniebat ut multa regna vno conföderarentur Imperio, & citò peruios haberet populos prædicatio generalis, quos vnus tene- ret regimen ciuitatis. Et ibidem iterum: Beatissi- mus PETRVS, PRINCEPS APOSTOLICI OR- DINIS, ad Arcem Romani destinatur Imperij, ut lux Veritatis, qua in omnium gentium reuelabatur salutem, efficacius se ab ipso capite per totum Mundi corpus effunderet. Cuius autem Nationis homines in hac tunc Vrbe non essent? aut quæ vsquam gentes ig- norarent quod ROMA didicisset? Quibus pænè ge- mina scribuntur apud Aratorem in Actis:

*6. 1. Hist. Ap.*

PETRVS in ECCLESIAE sacro corpore  
Princeps;

*Romam in-  
colligit.*

Hæc turrata caput Mundi circumtulit oris  
Conueniunt meliora sibi, speculantur ut omnes  
Terrarum domina fundata cacumina SEDIS.  
Gentibus electus PAVLLVS sine fine Magister,  
Aequius his Præses oris diffundit habenas,  
Quæ gentes prælata monet, quodq; intonat isthic  
VRBIS cogit honor subiectus ut audiat Orbis.  
Venustissimum certè illud quod ab eodẽ Poë-  
tâ in eundem sensum dicitur:

*fortè leg.  
hæc præses  
orbi.*

Duo

## — Duo LUMINA MVNDI

Deuēisse simul, tantisq; è partibus unum

Ibidem.

Delegisse locum per quem sua sidera iungant.

Pari ratione D. Chrysostomus, Principes Apostolorum, binos Urbis oculos, & geminas Mundi Lampades dixit, inter alias piissimas & elegantissimas comparationes. Illa ergo Ciuitas quasi fataliter ad dominandum Christianis etiam Populis electa, quæ à Poëtâ quondam suo vaticinante audiuit:

Tu regere imperio populos, ROMANE, memento:

6. Aenid.

Ha tibi erunt artes, Pacisq; imponere leges,

Parcere subiectis, &amp; debellare superbos.

Et à peregrinâ virilis enthūsiasmi feminâ:

Eriant  
poet. 1.

Σοὶ μὲν πρῶτον διδάσκει μοῖρα

Κῦδος ἀρχαῖα βασιλείῃ ἀρχῆς,

Ὅφρα κοινῇ τῶν ἔχουσιν καέτω

Ἀγμοσύνης.

Quod Lipsius Latino carmine sic expressit:

in Admīran-  
dis.

Nam dedit soli tibi cana Parca

Regium sceptrum minimè atterendum:

Vi potens rerum domineris vna,

Imperitesq;.

Populi igitur Sanctioris huius Imperij legibus adstricti meritis τῆς Ρωμαίων ἀρχῆς, quæ nunc,

cælestem  
Romanorum  
Vrbem.

— quicquid non possidet armis,

Prosper.

Religione tenet;

Anno Romano Solenni eâ frequentiâ inuisere solent, quæ videntibus stuporem, Sacris ipsis dignitatem, Deo ac cælestibus lætitiā & voluptatem affert. Cui sacræ frequentiæ illud olim à Rege Prophetâ velut decantatum est: Omnes gentes plaudite manibus, iubilare Deo in voce exulta-

Psalm. 46.



psalm. 55.

tionis. Item illud : *Iubilate Deo omnis terra, psalmum dicite nomini eius, date gloriam laudi eius.* Quidni enim plaudat manibus, & iubeat, Flos Christiani Orbis in vnum locum collectus, cum non in vnâ gente, vel populo, vt quondam apud Hebræos; sed in vniuersum terrarum orbem publicetur Annus veræ Libertatis ac Remissionis : Annus Deo & hominibus acceptus, Satanæ formidabilis. Impietati exitiosus? cum Iustis pietatis suæ merces accrescit, Iniustis, si conuersi fuerint ab impietate suâ, pax & venia conceditur? cum Deo ac Diuinis honor additur? cum Ecclesiæ, quæ in igne est, cælestis Patriæ spes certa tribuitur? denique ea omnia hominibus conceduntur quæ nec animus maiora optare, nec cælestis beneficentia meliora possit elargiri?

## CAPVT XXIV.

*Pontificum Maximorum paterna in Annum Sacrum Prouidentia. Ciuium ac Principum Romanorum mira in exteros, & verè Christiana, Benignitas.*



Icuti cælestis Prouidentia in illâ Vrbe quæ, veteri Priuilegio, Mater & caput Urbium est, Ecclesiæ eius fundamenta posuit, quæ Ecclesiarum omnium Parens & Vertex est; ita Spectabilis eius in Terrâ Capitis Ppn-



PONTIFICIS MAXIMI cathedram illhîc collocatam voluit, quem alterum ORBIS PARENTEM, saluâ Numinis magnitudine, Orthodoxi iurè appellamus. Hunc & *Vniuersalis Ecclesiæ Pontificem, & Episcopum Episcoporum, & Sanctissimum ac Beatissimum Præsulem*, plerumque tamen sacra Ecclesiæ monimenta blandissimo nomine PAPAM, vel PATREM appellât. Quem admodum enim is qui *ὁ τοῖς ἁγίοις*, cæli ac terre *in cælis*, formator, amabili potius PATRIS nomine, quàm DOMINI cōpellari à nobis voluit; ita is, qui Vicariam eius potestatē obtinet, cū Clementiæ ac Misericordiæ Diuinæ fidelis dispensator sit, Paternis Titulis non immeritò vocatur & scribitur. Equidem cū boni Parentis officium sit quæ ad liberorum incolumitatem pertinent in animo & in corpore curare; id etsi nullo non tempore, præcipuè tamen Anno Sacro in Pontificibus Maximis elucet. Ex illo enim *Remissionis* beneficio quod Christiano Orbi indulgent, quantum diuini hominis parti consulant, intelligitur: cū verò Annonæ abundantiam, hospitiorum commoditatem, viarum & itinerum securitatem peregrinantibus præstant, quæ corpori eorum curando ac cōseruando necessaria sint, non omittere eos apparet. De quâ Sanctissimorum Mundi Præsulum sollicitudine dictum est ab Aur. Cassiodoro: *Pascitis quidem spiritualiter commissum vobis gregem, sed nec illa potestis negligere, quæ corporis videntur substantiam continere. Nam sicut homo constat ex dualitate, ita boni patris est utraq, refovere. Primum penuriam temporis, quam delicta pro-*

*Lib. 11. Pat. 1.  
cap. 2.*

merentur, orationibus sanctis amouere; si quid tamen (quod absit) acciderit, tunc bene necessitas excluditur, quando contra eam sub vbertate tractatur.

Hanc necessitatem, siue penuriam, cæteraque eius incommoda, egregiè exclusisse legitur NICOLAUS V. Pontifex egregius, de quo Platina: Cavit etiam diligentissimè nè abundante tantâ multitudine, comineatus & omnia ad victum necessaria in Vrbe deessent. Curauit item exsecrationibus & satellitibus ne grassatores in Peregrinos ad Urbem accedentes scirent. Et paullò antè de eodem:

NICOLAUS autem Pontifex, totam Italiam ad arma concitari cernens, auctoritatem suam sapius interposuit quò pax componeretur, vi sequenti anno liberè omnibus ex totâ Europâ ad Iubileum venire liceret. Pia etiam illa ac verè paterna sollicitudo SIXTI IV. Pont. de quo apud eundem scri-

ptorem legitur, Pontem Ianiculensem, quem Ruptum ciues appellabant, magnâ curâ & impensâ è lapide Tiburtino reparari iussisse: Xenodochium illud nobilissimum, quod S. SPIRITVS vocant, obsoletum ac sordidum & vetustate pænè collapsum, totum vsque ad solum disiecisse, & pulcherrimis ædificiis, in meliorem splendidiorémque formam, ampliâsse: Pueros expositos, puellasq; alimentarias, ad pedes suos cum nutricibus prostratos, loco habitandi iis assignato dotauiſſe: Nobilium quoque calamitate & ægritudine permotum, scorsum à promiscuâ plebe loca idonea decenterque ornata his attribuisse. De IULIO III. Viro etiam Magno,

apud Onuphrium legitur, Cum Vrbs gravi frumenti inopia laboraret. [Anno Seculari M.D.L.]

tritico aduecto famis incommoda, quantum potuit, subleuasse. GREGORII item XIII. CLEMENTIS VIII. PONTT. MAXX. celebratissima heic Prouidentia est, à victuro aliquo stylo, cum sanctissimâ eorum vitâ, Heroicisq̃ue actionibus aliis, digna prædicari. De VRBANO VIII. hodierno Principe compertum habeo quòd vias in Latio magno impendio sterni curauerit: Pontem *Senaterium*, quem D. MARIAE nunc vocant, VII.∞. impensâ reparauerit: Annonom è Sicilia & Regno Neapolitano, missâ Legatione, aduehi curauerit: P.R. *Ærarium* ad sustentationem egentium peregrinorum liberalitate suâ auxerit: mare tutum nauigantibus nouâ institutâ Militiâ reddiderit: denique alia multa præstiterit quæ non breuis Elogij titulum, sed iustum sibi Panegyricum quærerent. Cuius Principis virtuti sicut Orbis Christianus, Dignitati eius submissus, fauet; ita Encomium illud è sanctissimo Martyre & Antistite Moguntino optimè adscribi posse videtur: *Quod si* (vt *summopere sibi & bonis omnibus expedit*) *zelo domus Dei sine intermissione tabescens* [ROMANVS PONTIFEX] *Fidelis Dispensator & Prudens, Deo & hominibus opere & sermone irreprehensibilem sese conseruare studuerit, vt verè fatear, vniuersum panè Mundum secum attonitum & sollicitum post DEVM currere facit: ex vtroq; sexu populos diuersæ professionis, conditionis, & ætatis, cateruatim in Domino suo super omnia bona ipsius constituendus ducit.* Annus certè Secularis, quem ingredimur; Tempus Sacrum, quod ordimur, dictis meis fidem adstruet si modò (quod Diuina auertat

*D. Benificie  
in Epistola.*

propensam  
clementiam.

Benignitas) medium Virtutum eius cursum fatalis aliqua fors non interruperit. Hanc SACRATISSIMORVM PRINCIPVN <sup>φιλοσοφίας</sup>, ac prolixam in omne Humanum Genus Beneuolentiam, Principes ac Ciues Romani ANNIS IVBILEIS diligenter æmulari soliti, magnum in se populorum affectum & amorem omni æuo conciliârunt. Quis enim non amet eam Ciuitatem cuius Principes videat, omni flemmatum genere clarissimos, pauperculis hominibus ad mensam ministrantes? pedes in pelui abluentes, ac linteo detergentes? vlcera eorum & <sup>ἀποστήματα</sup> curantes? ægrotis humanissimè assidentes, eosque consolantes, ac necessaria omnia ministrantes? tam pro se, quàm pro populo Dei, flagellis nuda corpora proscindentes? ieiuniis ac vigiliis sese macerantes? largissima Donatiua Veteri generositate in egena CHRISTI membra diuidentes? Quis populum illum non æstimet cuius ciues Principum virorum calore incitati omnia Pietatis exempla præbeant? omnia Benignitatis officia præstent? omnia Hospitalitatis iura cum pauperrimo etiam & miserrimo quoque exerceant? Eant nunc isti execrandorum venenorum collectores qui VRBEM SANCTAM, GENTEM ELECTAM, CIVITATEM REGIAM ac SACERDOTALEM, præputiosus ac nuper natis ad Genetræ lacum Titulis, inscribere non erubescunt; ego nefandis eorum scriptis ac calumniis, pia Ciuium & Principum Romanorum opera: ego virulentis eorum toxicis, amuletum ex VRBANA MANV proponam. Hauri mecum, Lector,

De Magis.

VRBANI  
Sed. VIII.  
PONT.  
MAX.

tor, & rumenta: nam ex illo Myrothecio est,  
 cuius ἀλεξήτριος experieris: amuleti

ROMA sibi quondam quæ robore subdidit orbem,

Argiuo ROBVR nomine significat.

Obfita tunc tenebris taurino polluit aras

Sanguine, cum faceret sacra nefanda Ioui:

Vertit ab huius mentem cultus exosa Deorum,

Et Veri floret religione DEI.

Si nomen veritas, AMOR est. ut congruit? illi

Nam pius in populos cuncta subegit AMOR.

Verè pius ille Amor, cuius impulsu & instinctu  
 Urbs Domina, populos etiam maximè inimicos  
 ac remotos,

— sola recepit

Matris non Dominae ritu, ciuesq; vocavit Claudian.

Quos domuit. nexuq; pio longinqua reuinxit.

nexa scilicet illo veræ Religionis ac Pietatis,  
 quo gentes omnes Orthodoxæ foederatæ con-

tinentur: qui amabilem illam atque admirabi-

lem τῆς ἀγίας ποταμίας continet, nullis terrarum sanctorum  
communio  
nem.  
 limitibus, nullis Oceani finibus circumscri-

ptam.

## CAPVT XXV.

*IVBILEVM extra Ordinem non raro, & quibus de causis, concedi. IVBILEVM Priuatorum Anni Quinquagesimi, eiusq; origo discussa. Pseudo-Iubileum sectæ Lutheranae. Operis conclusio* *παρακλιση.*

**I**VBILEVM esse aliquod extra Ordinem publicè concedi solitum, initio à nobis assertum est, cum partes IVBILEI vniuersas proponeremus. Gratiâ quidem illud ac Indulgentiâ ab Ordinario non differt; indictione differt, quod ea arbitraria sit, ac variis de causis, iustis tamen atque legitimis, omni tempore fieri consuevit. Plurimis verò earum prætermisissis, quæ à Theologis ac Decretorum interpretibus commodè peti possunt; insigniores sunt illæ, quando Militantibus in Expeditione Sacrà, vel eam promouentibus, Remissio criminum plenissima conceditur. Qualis omnino fuit nondum IVBILEI nomen adepta, sed CRUCIATÆ titulo proposita sub VRBANO II. Pont. Max. in nobili & bello à quod in Saragenos, Terræ Sanctæ recuperandæ ergo, generosissimus Dux GODEFRIDVS BYLIONIVS mouit, Anno Christiano CIO. LXXXIV. Talis etiam Pontificatu b IOANNIS XXIII. & HONORII II. publicata in coram vtilitatem qui iura Ecclesiæ contra

a Platina in  
Fob. l.  
Guil. Tyrinus  
lib. 4. c. 15.

b Baron. ad  
annum 1217.  
Ann. Syd.  
Hilf. Baron.  
4. 55.

contra rebelles, atque inuasores defendissent. Talis item tempore BONIFACII c IX. indi- cThom. VVal-  
xinghamus &  
ex eo Henr.  
cta, suppetias ferentibus Imperatori Byzantino contra terrorem illum Orientis Scytham Tamerlanem. Talis denique nostrâ memoriâ concessa à Pio V. & GREGORIO XIII. Pontt. propter apparatus belli Naualis in Othomannicam gentem : quem nobilis illa victoria ad Echinas insulas consecuta. Quâ quidem Gratiâ ac Remissione non modò mites ipsos aut Duces, sed & eos qui fauorem, auxiliû, opem, quâ Diuinam quâ Humanam, impenderent, donari consueuisse, ex Diplomatribus Pontificiis apparet. Solet etiam IVBILEVM extra ordinem dari Precantibus pro salute Regni alicuius, aut Prouinciæ in afflictione positæ : vt à GREGORIO XIV. concessum est Anno c10. 10. xci. eo scilicet tempore quo regnum Galliarum, pars Orbis Christiani quondam florentissima, intestinâ seditione pænè consumptum miserabilem omnibus sui speciem præbuerat. Quam Præcessoris sui *συνανύμω* pietatem æmulatus GRE- cogaominis.  
GORIVS nuper XV. perspectis Galliæ Belgicæ calamitatibus, iam quinquaginta, & amplius, annis ciuilibus bellis miserabiliter attritæ, simili malo simile antidotum applicuit Anno c10. 10c. xxii. cuius sacre PONTIFICIS Memoriz *ἐπιταφικόν* hoc *μνημείον*, auditâ eius morte, meritisimò ponebam. Epitaphij  
monimentū.

*Quam brevis ancipiti sors omnia fidere verset*

*Exemplo ostendunt maxima quæque suo:*

*En qui terrarum senior comprehendere habenas*

*Cæperat, ætherias & subiisse vices:*



*Cuius adoratis tellus dedit oscula plantis,  
 Quem Dominū agnouit Martia ROMA suum,  
 Quem sibi Romulidum præfulgens murice Patrem  
 Curia non vanis legerat arbitriis:  
 Ereptus subito rebus regnisq; caducis  
 Angustâ tegitur nunc LODOVISVS humo.  
 Immortale tamen Virtutum nomen in orbe  
 Restat, & extinctos Gloria post cineres:  
 Quæ miseris procul à curis stabilivit Olympo,  
 Regna vbi terrenis nobiliora gerit.*

Similia antedictis sunt ea **IVBILEA**, quæ pro incolumitate Ecclesiæ vniuersæ, pro Principum Christianorum Pace & Concordiâ, pro Schismatum & Hæresen extirpatione, cōcedi solent: quale non ita pridem suscepimus à **CLEMENTE VIII.** Anno videlicet **CIO. IO. XCVII.** & nuper à **PAVLO V.** Anno præsentis Seculi **VIII.** Pontificatus sui **IV.** Vel pro felicibus initiis Nouorum Pontificum; quale postremū fuit **GREGORII XV.** **LVDOVISII.** Anno huius Seculi **XX.** nam **VRBANVS VIII.** paullò hîc restrictior fuit, ob instantem **Ordinarij IVBILEI** solennitatem. Illud verò heic monendum occurrit, **IVBILEVM Extraordinarium** non videri appellandum quod, Anno Sacro Romæ finito, ad alias Prouincias extendi solet; cū illud **Ordinarij** ac Stati, in capite celebrati, per vniuersa **Christi Corporis** membra quædā potiùs propagatio sit, quàm nouæ Gratix elargitio. Alias **IVBILEI** eius causas alibi, vti dixi, petendas relinquo: nobis nobiliorem quamque attigisse suffecerit, & κατὰ κεφάλαιον (vt Græci aiunt) hanc doctrinam tradisse.

*Summatim.*



Est verò ἀξιωματικόν IUBILEVM quoddam <sup>memorata dignum.</sup> (ita vocant) Priuatæ consuetudinis, cum scilicet aliquis sanctiori vitæ addictus *Quinquagesimum* Ordinis, Voti, aut Sacerdotij annum impleuit: vel cum ij, qui conjugalem vitam ducunt, indiuiso toro cum annum attigerunt. Solent enim gratis Deo solenniter actis, Genialique epulo amicis dato, Nouum veluti Seculum condere, & Priuilegiis quibusdam ac Remissionibus, si Monasticâ lege constricti sunt, deinceps gaudere. Quo in genere nuper spectatu dignum fuit Solenne illud, quod Illustrissimus Mechliniensium Antistes MATTHIAS HOVIUS ciuitati suæ præbuit, Anno CIO. IOC. XVII. qui ipsi à suscepto Sacerdotio *Quinquagesimus* fuit, magno sacræ Magnificentiæ apparatu, & celeberrimâ Antistitum Belgicorum, ac multitudinis promiscuæ, ad rei nouitatem vndique concurrentis, frequentissimâ panegyri. Huius cærimoniz Ritum et si à IOBELO Hebræorum deducat Episcopus <sup>De N. 1. de Iubil.</sup> Ruræmundensis, & vulgo IUBILEARIJ vocentur huiusmodi felicitatem adepti; ego potius crediderim à *Leuitarum* priuilegio fluxisse, quibus eâ ætate dimissio à seruitio Tabernaculi indulgebatur. Ita enim Num. VIII. legimus: *A viginti-quinque annis, & suprà, ingredientur [LEVITAE] vt ministrent in Tabernaculo fœderis. Cumq; Quinquagesimum annum ætatis impleuerint, seruire cessabunt, eruntq; ministri fratrum suorum in Tabernaculo fœderis, vt custodiant quæ sibi fuerint commēdata: opera autem ipsa non faciant.* Eâ etiam ætate apud quasdā nationes Missio à militiâ impetrabatur, teste Macrobio in Excerptum M. Tullij <sup>lib. 1.</sup>

*de somnio Scipionis.* Quin apud Romanos, accuratæ disciplinæ magistros, Pediti post XX. Equiti post X. annorum confecta stipendia Libertas & immunitas concedebatur. Hoc tamen distat Sacra nostra Militia à Profanâ, quòd plenam numquam Missionem impetret in hac vitâ, Deo à suis exigente vt *in finem vsque* laborantes *perseuerent*, quò coronam illam in cælestibus percipiant sine fine duraturam.

Seculo autem nostro GERMANIA (vt monstrorum proh ! dolor, ferax esse cœpit, non minùs quàm Africa) PSEUDO-IUBILEVM vidit, & videndo ingemuit, Ecclesiæ Lutheranae Anno CIO. IOC. XVII. illum Secularem Centesimum esse iactantis, quo Euangelicæ Veritatis (si D<sup>s</sup> Is placet) lux per Lutherum mundo alluxisset. cuius funestam Festiuitatem iidem ipsi qui celebrauerât editis Francofurti libellis, rudi impietate, sed exercitatissimâ calumniandi peritiâ referētis, publicam esse iusserunt. At non defuit vir doctus qui inconditos eorum & agrestes *βυκολισμὸς* vrbano sale eleganter defricuit: cuius, inter cætera, præclaram hanc sententiam legimus: *Inter tot mutationes* [quot passa est eo Seculo Lutherana superstitio] *tot conflictus, proscriptioes, anathemata, animarum exitia, concussiones R. P. non esse iubilandum. mæstum esse gaudium cuius causa lugenda est.*

Vos autem quibus vera Iubilandi ac seruiendi Domino in letitiâ causa est, ROMANÆ ORTHODOXÆ ECCLESIAE FILII, quacumque tandem estis terrarum regione dispersi, *ascendite ad diem festum hunc, diem veri gaudij, diem solennitatis*

217, lib. 5. de  
Milit. Rom.

Matth. 24.

Adam. Cot-  
ben. 5. L.

7, alm. 99.

1000. 7.

tatis & lætitiæ, introite in conspectu Domini in ex- Psal. 99.  
 ultatione, introite portas eius in confessione, atria eius  
 in hymnis, & cōfitemini illi. Introite atria illa sacro-  
 sancta ROMANÆ VRBIS, sanctissimorum pi-  
 gnorum præsentia, ac Dei Maiestate, plena. Psal. 61.  
 Illhîc effundite corda vestra, illhîc delictorum ve-  
 strorum orate veniam, illhîc Vota concipite vo-  
 bis ac R. P. CHRISTIANÆ publicè priuatim-  
 que salutaria. Concipite, inquam, impetrandi  
 securi, ac Diuinæ Indulgentiæ consili. Psal. 100.  
 Oculi enim eius ad fideles terræ, ut sedeant cum ipso, in  
 tranquillitate animi, & quiete. Psal. 46.  
*Elegit nobis here-*  
*ditatem suam, speciem IACOB quam dilexit.* IACOB enim elegit Dominus Romanæ mansuetu-  
 dinis, Esau contentionum Hæreticarum reiecto  
 ac fastidito. Concipite Vota tempore hoc, quod  
 Indulgentiâ suâ ac Remissione votum omne  
 superat: quo Dominus in terram adspexit ut au- Psal. 101.  
 diat gemitus compeditorum, & soluat filios interem-  
 ptorum: quo predicatur Annus placabilis Domino, Luc. 4.  
 dies salutis ac lætitiæ generi humano. 2. Cor. 6.  
 Beatus populus (ait Regius Propheta) qui scit IUBILA-  
 TIONEM. Beatissimi illi, qui in populo sancto &  
 electo gratiam Dei in vacuum non recipiunt, ne- 2. Cor. 6.  
 que, porcorum instar, oblatas sibi margaritas fa-  
 stidiunt, sterquilinio suo contenti; sed inuentâ Math. 7.  
 unâ pretiosâ, è cælestibus Thesauris depromptâ, 13.  
 comparare eam satagunt, reiectisq; impedinen-  
 tis acquirere moluntur. Hæc est vera illa læti-  
 tia Filiorum Dei & Ecclesiæ; hæc Iubilatio &  
 Deliciæ pœnitentis animæ, & amari cordis, cuius Prov. 14.  
 gaudio non miscebitur extraneus, hæc vera illa fe-  
 licitas, de quâ iure maximo dicemus,

Felices

158 IUST. RYCQ. DE ANNO IUBIL.

*Psalm. 124.*

*Psalm. 124.*

*144.*

*Felices qui talem annum videre, diemq;*

*Felices, qui gustabunt ac videbunt quàm suavis est  
Dominus, & quàm miserationes eius super omnia  
opera eius!*

F I N I S,

A D

DEI OPTIMI MAXIMI,

&

DEIPARÆ VIRGINIS

GLORIAM.

I N D E X

INDEX CAPITVM  
HVIVS SYNTAGMATIS,

Q V O

OPERIS TOTIVS SVMMARIA  
CONTINENTVR.

CAPVT I.

**D**ies, Mensis, Annus Septimus sacer  
apud Hebraeos: item Annus Septies  
Septimus. Sabbatum & Anni  
Sabbatici. Iudaei dicti Sabbata-  
rij. Plutarchi, Taciti, Dionis, Appionis, La-  
etantij de Sabbato error. Septenariæ He-  
braorum Fera à calūniâ vindicata. pag. 1

CAPVT II.

SEPTENARII religio ampliùs explicata:  
quare <sup>τελειος</sup> dictus. Eius in sacris He-  
braorum frequentia, ac Myſterium in  
Temporibus signandis. Poenitentiaẽ sa-  
crum, ac Diuina iracundia interpretem  
nonnumquam videri. pag. 8

CAPVT III.

Etymologia IVBILEI inuestigata. varia  
Gram-

# INDEX CAPITVM.

*Crammaticorum opiniones posita; Fl. tamen Iosephi electa, & adserta. Ex occasione de Iubal, Iubalda, Iubilo, ἐλάλαγμα & Celeusmate, deq; IVBILEI Orthographiâ.* pag. 14

## CAPVT IV.

*Diuisio IVBILEI, eiusq; partes proposita. De HEBRAICO agi ceptum: eius indicendi Ritus. Tubis indicebatur, seu potius Buccinis. Quid propriè Buccina, quid σάλπιξ. Annus IVBILEVS quo anni tempore incipit.* pag. 22

## CAPVT V.

*Eius Anni priuilegia, amplius exposita. Loccus Leuitici difficilis explicatus. Oberati apud Persas, Gracos, Romanos malè habiti. Quenā apud Hebraeos seruitus. Anni Septimi & Quinquagesimi cōparatio.* pag. 27

## CAPVT VI.

*Causse instituti Anni IVBILEI. Quare Requies agris Annis Sabbaticis concessa. ἀνις, siue Intermissio Telluri necessaria.* pag. 33

INDEX CAPITVM.  
CAPVT VII.

**IUBILEVM CHRONICVM:** eo anni sup-  
putati. Dionysia & Agones Sacri Gra-  
corum; Lustra & Agones Capitolini Ro-  
manorum: Anni Semitæ, & Sabbatici  
Hebraorum. Seculum Iubileum. quia He-  
rodici XXV. Annorum. pag. 37

CAPVT VIII.

**IUBILEVM** apud Hebraeos quando primo  
celebratum: item Annus septimitis Remis-  
sionis. Vtriusq. Epocha inuestigata, & ra-  
tio supputandi. pag. 43

CAPVT IX.

**De origine CHRISTIANI IUBILEI** qua-  
situm. Antiquissimum illud videri, & ab  
initio nascentis Ecclesie. Nomen IUBI-  
LEI quando assumi cæptum. Vtriusq. Iu-  
bilei comparatio: Nostri Symbolum in  
Arcâ Diluuij. pag. 48

CAPVT X.

**INDVLGENTIAE** nomen Latine familia-  
re. quo hodie sensu Christianis usurpa-  
tum. De Satisfactione, Igne Purgatorio,  
Thesauro Ecclesie, Clauium Potestate  
quædam è doctrinâ Orthodoxorum pro-  
lata. pag. 55

## CAPVT XI.

*Antiquitas INDVLGENTIARVM ac  
REMISSIONVM ampliùs adserta. Dis-  
crimen inter has non rectè positum. Mar-  
tyrum libelli Lapsis dati. Quid fuerit Pa-  
cem exorare ab Eccl'siâ. INDVLGEN-  
TIAE olim variè appellata. STATIO-  
NES GREGORIANAE sed GREGO-  
RIO fortè antiquiores.* pag. 63

## CAPVT XII.

*INDVLGENTIAE omni auro piè peregrin-  
nantibus data. Peregrinationum apud  
Orthodoxos Vetustas: quæ Hierosolymas  
& ad Urbem semper celeberrimæ. Hac  
olim Annus fuit, uti Præsentatio ad  
Limina per Episcopos facta. Quid in eâ  
deinde mutatum.* pag. 72.

## CAPVT XIII.

*Binis istis Peregrinationibus Tertia diuini-  
tûs adiuncta ad Ædem Lauretanam:  
ea hîc meritò recensita. Admirandum il-  
lum locum & Gentibus cunctis, non unâ  
ex causâ, venerandum esse.* pag. 81

## CAPVT XIV.

*Quinam Pontifices, & quando IVBILEVM  
celebrarint. BONIFACII VIII. Solem-  
ne*



# INDEX CAPITVM.

*ne maximum fuisse: eius de FLORENTINA R. P. vaticinium. D. ANTONINI de Pontifice isto iudicium. CLEMENTIS & VRBANI SEXTOR. circa tempus IVLILEI decreta Numeri L. & XXXIII. dignitas indicata.* pag. 87

## CAPVT XV.

*Tria Seculi Millesimi Quadringentesimi IVBILEA sub BONIFACIO IX. NICOLAIO V. & SIXTO IV. Pontt. Maxx. acta. De IVBILEI Orthographiâ iterum, & Numero XXV. nonnihil intermistum.* pag. 93

## CAPVT XVI.

*ALEXANDRI VI. CLEMENTIS VII. IVLII III. GREGORII XIII. & CLEMENTIS VIII. PONTIFF. Anni Seculares. Quae in iis memoratu digna summum expressa. Pukhra instantis IVBILEI spes.* pag. 98

## CAPVT XVII.

*ANNI SOLENNIS ROMANI indictio. Quando ea fieri solita. Ex occasione de IVBILEO MYSTICO triplici actum. Typus Hebraeorum in Secundo Mystico expletus. IVBILEVM MAGNVM, vel SABBATVM SABBATORVM.* pag. 103

INDEX CAPITVM.  
CAPVT XIIX.

*Ritus aperiendæ PORTÆ SANCTÆ,  
eiusq; rei Symbola, ac Mysteria. Votum  
pro Salute R.P.Christiana. pag.109*

CAPVT XIX.

*Quanam Basilica Anno Sacro visitandæ:  
earum Elogia ac Tituli. Quaternario re-  
ligiosam, in Vrbe, peregrinatio. absolui. Diui-  
num eum Numerum esse, atque ideò Diui-  
nis rebus meritò accommodatum. pag.115*

CAPVT XX.

*Sacra Urbis Stationes. Stantes olim orās-  
se Christianos. Septem Ecclesia. Marty-  
rum Sepulchra: ad ea orare antiquissi-  
mum ac piissimum esse. INDVLGEN-  
TIARVM usum hinc maximè propaga-  
tum videri. Eunapij Sardiæ, Iuliani  
Parabata, & Maximi Madanensis in  
Christianam Pietatem calumnia. pag.123*

CAPVT XXI.

*Quid RELIQUIÆ apud profanos Scri-  
ptores, quid apud Christianos. Sacrarum  
Reliquiarum cultum, pium, utilem, ac  
vetustum esse. Urbis ROMÆ in his pos-  
sidendis Felicitas. pag.130*

CA-

# INDEX CAPITVM.

## CAPVT XXII.

*Pompa Supplicationum in Vrbe Sacra :  
eam Anno Seculari variam ac magnificam  
esse. Omnium Nationum in eâ re studia,  
ac præcipuè Italicæ apparere. Ritus Ve-  
rustas, ac Sanctitas.* pag. 134

## CAPVT XXIII.

*Vti ROMA omnium Gentium Mater, ita &  
ROMANA ECCLESIA. Anno Solen-  
ni id maximè apparere. Orbis Principa-  
tus quare olim hodieq; h'c positus.* pag. 138

## CAPVT XXIV.

*Pontificum Maximorum paterna in Annum  
Sacrum Prouidentia. Ciuium ac Princi-  
pum Romanorum mira in exteros, & verè  
Christiana, Benignitas.* pag. 146

## CAPVT XXV.

*IVBILEVM extra Ordinem non raro, &  
quibus de causis, concedi. IVBILEVM  
Priuatorum Anni Quinquagesimi, eiusq;  
origo discussa. Pseudo-Iubileum sectæ Lu-  
theranæ. Operis conclusio æccl'asticæ.* pag. 152

I N D E X,  
S I V E  
NOMENCLATOR,  
A V C T O R V M.

Q V I  
PASSIM HIC CITANTVR  
ET ILLVSTRANTVR,  
QVORVMVE INDVSTRIA  
ADIVTI SVMVS.

EX ANTIQVIORIBVS.

A



Cta diuersorum Martyrum.

Æl. Spartianus.

Æl. Tubero.

Agellius.

Albericus Rosatensis siue, de  
Rosate.

Alcimus Auitus.

S. Ambrosius.

Ammianus Marcellinus.

Ananias I. C.

Anastafius Bibliothecarius.

Annales Francorum Pithoci.

Annales Veteres Ecclesiæ Aurelian.

D. Antoninus, Archiepisc. Florent.

Appion Grammaticus.

Appuleius.

Arator.

# INDEX AVCTORVM.

Arator.  
 Aristides Sophista.  
 Aristophanes, & eius Scholiastes.  
 Artemidorus Daldianus.  
 Alconius Pædianus.  
 D. Athanasius.  
 Athenæus.  
 Attius.  
 D. Augustinus.  
 Aurelius Victor.  
 Aufonius.

## B

S. **B**afilus.  
 V. Beda, & eius Interpres.  
 Beroso inscriptus Liber.  
 S. Bernardus.  
 SS. Biblia.  
 Boëtius Seuerinus.  
 S. Bonifacius Moguntinus.

## C

**C**æcilius I. C.  
 Caius Theologus.  
 L. Calpurnius Piso.  
 Calpurnius Eclogarius.  
 Cassiodorus.  
 Cenforinus.  
 Cicero.  
 Claudianus.  
 Clemens Alexandrinus.  
 S. Clemens Papa.  
 Codex Iustiniani & Theodosij Impp.  
 Columella.  
 Concilia diuersa.

INDEX AVCTORVM.

Constitutiones Pontiff.

Conradus Abbas Urspergensis.

Corn. Tacitus.

D. Cyprianus.

S. Cyrillus Alexandrinus.

D

**D**ecretales.

Decretum Gratiani.

Demosthenes.

Digesta seu Pandectæ.

Dio Cocceianus.

Diogenes Laërtius.

Dionysius Exiguus.

Dionysius Halicarnassæus.

Duodecim Tabulæ.

E

**E**ginhartus.

Eratoſthenes.

Erinna Poëtria.

S. Eucherius Lugdunensis.

Eunapius Sardianus.

Euripides.

Eusebius Cæsarensis.

F

**F**lauius Blondus.

Florentinus I. C.

G

**G**aufridus.

Georgius Cedrenus.

Gregorius Magnus PP.

Gregorius Nazianzenus.

Gregorius Nyſſenus.

Gregorius VII. PP.

Guilielmus

# INDEX AVCTORVM.

Guilielmus Tyrius.

## H

**H**arpocratio.

Hesiodus.

D. Hieronymus.

Hilarius Arelatensis.

Homerus.

Horatius.

## I

**I**nnocentius IV. PP.

Inscriptiones Antiquæ.

D. Ioannes Chrysostomus.

Ioannes Damascenus.

Ioannes Monachi.

Iosephus.

Irenæus.

Isidorus.

Iulius Africanus.

Iulianus Aug. Parabates.

Iulius Obsequens.

Iustinus abbas et iutor Trogii.

Iustinus Martyr.

Iuuenalis.

## K

**K**alendarium Rom. Vetus.

Kalendarium Hebraicum Vetus.

## L

**L**actantius Firmianus.

Leo Magnus PP.

Liuius Historicus.

Lucanus.

Lucianus Samosatensis.

L. Iulius Florus.



INDEX AVCTORVM.

Lucretius.

M

**M**Acrobius.

M. Manilius.

M. Varro.

Marianus Scotus.

Martialis.

Martyrologium Romanum.

Matthæus Palmerius.

Maximus Grammaticus Madaurensis.

Menander.

Minutius Felix.

Mnaseas Patarensis.

N

**N**Icephorus Xanthopulus.

Nicolaus PP. I.

Nicolaus de Cusâ S. R. E. Cardinalis.

Nonius Marcellus.

Nummi Veteres.

O

**O**ptatus Mileuitanus.

Origenes.

Orpheus.

Ovidius.

P.

**S. P**aulinus Nolanus.

Pausanias.

Petrus Damianus S. R. E. Cardinalis.

Philo Hebræus.

Pindarus.

Plato.

Plinius vterque.

Plutarchus.

Polemon

## INDEX AVCTORVM.

Polemon Sophistes.

Polycrates.

Primasius.

Propertius.

Prosper Aquitanus.

Prudentius.

Pythagoras & Pythagoræi.

**Q**  
Vincentilianus.

**R**  
Rufinus Aquileiensis.  
Rutilius Numatianus.

**S**  
Sallustius.  
Seneca Philosophus.  
Septuaginta Interpretes.  
Seruius Honoratus.  
Sext. Pomp. Festus.  
Sidonius Apollinaris.  
Statius Papinius.  
Strabo Amasianus.  
Suetonius.  
Suidas.

**T**  
Terullianus.  
Theodoretus.  
D. Thomas Aquinas.  
Thomas Valsinghamus.  
Thucydides.  
Tibullus.

**V**  
Alerius Maximus.  
Venantius Fortunatus.

Vergi-

INDEX AVCTORVM.

Vergilius Maro.

Vlpianus I. C.

Vluardus.

X

X Enophon.

Z

Z Ofimus.

E RECENTIORIBVS.

A

A Brahamus Bzouius.

A Abulensis.

Ænæas Silvius.

Alfonfus Ciacconius.

Ambrosius Fraccus.

Andreas Thevetus.

Andreas Schottus S. I.

Aubertus Miræus.

Augustinus Tornicellus.

B

B Eatius Rhenanus.

B Benedictus Arias Montanus.

Benedictus Pererius S. I.

Boëtius Epo. I. C.

C

C Æsar Baronius S. R. E. Card.

S. Carolus Card. Borromæus.

Carolus Paschalius.

Carolus Sigonius.

Christo.

**INDEX AVCTORVM.**

Christophorus Marcellus Episc. Corcyr.

**E**

Erasmus Roterodamus.

Erycius Puteanus.

**F**

Ferdinandus Lopez Castagneda.

Franciscus Costerius S. I.

Franciscus Longus à Coriolano.

Franciscus Ribera S. I.

Franciscus Schottus.

Franciscus Tarapha.

Franciscus Turrianus.

**G**

Gerardus Mercator.

Georgius Cruciger.

Guilielmus Budæus.

Guilielmus Xylander.

**H**

Henricus Cuyckius, Episc. Rurem.

Henricus Lancelottus.

Heribertus Rosveydus S. I.

Hieronimus Olorius Episc.

Horatius Tursellinus S. I.

Hubertus Goltzius.

Hubertus Velleius.

**I**

Iacobus Cardinalis.

Iacobus Dalechampius.

Iacobus Guthenius I. C.

Iacobus Pamelius.

Iacobus Seuertius.

Iacobus Villerius I. C.

Ianus Gruterus.

**Ioannes**

INDEX AVCTORVM.

Ioannes Bapt. Laurus.  
Ioannes Goropius Becanus.  
Ioannes Fungerus.  
Ioannes Garetius.  
Ioannes Hemelarius.  
Ioannes Leopclavius.  
Ioannes Lucidus.  
Ioannes Maffei S. I.  
Ioannes Malderus, Episc. Antwerp.  
Ioannes Mariana S. I.  
Ioannes Molanus.  
Iosephus Scaliger.  
Isaacus Casaubonus.  
Iustus Lipsius.

L

**L**ælius Zecchius I. C.  
**L** Laurentius Naghemakerus.  
Laurentius Surius.  
Ludouicus Ballesterus S. I.

M.

**M** Artinus Nauarrus I. C.  
**M** Matthæus Beroaldus.

O

**O** Liuerius Vredius I. C.  
**O** Onuphrius Panuinius.

P

**P** Aullus Iouius.  
**P** Paullus Æmilius.  
Petrus Bungus.  
Petrus Canilius S. I.  
Petrus Pithoeus I. C.  
Polydorus Virgilius.

INDEX AVCTORVM.

R

**R**obertus Bellarminus S. R. E.  
Cardinalis.

S

**S**cipio Carteromachus.  
Scriptor Vitæ S. Paullini.  
Stephanus Durantus.  
Stephanus Pighius.

T

**T**homas Campegius.  
Thomas de Vio Card. Caictanus.  
Thomas Stapletonus.

V

**V**RBANVS VIII. PONT. MAX.

W

**V**olfgangus Lazius.

F I N I S.







H.e.3

1227

N.e.3.

5

